

Autor STADEN, Hans, séc. XVI Título Warhaftig Historia und beschreibung eyner Landtschafft der Wilden/Nacketen/Grimmigen Menschfresser Leuthen/in der Newenwelt America gelegen/vor und nach Christi geburt im Land zu Hessen unbekant/biss vff dise ij./ nechjt vergangene jar/Da sie Hans Staden von Homberg auss Hessen durch sein eygne erfahrung erkant/ vnd yetzo durch den truck an tag gibr. [sic] Dedicirt dem Durchleuchtigen Hochgebornen herrn/ H. Philipsen Landtgraff zu Hessen/Graff zu Catzenelnbogen/Dietz/Ziegenhain vnd Nidda/seinem G.H. Mit eyner vorrede D. Joh. Dryandri/genant Eychman/ Ordinarij Professoris Medici zu Marpurck. Inhalt des Bchhline volget nach den Vorreden Ano 1557 Período Século XVI Imprenta Andreas Kolbe, Marpurg, 1557 Descrição 89 fls. nao nums.

A-B(4) a-t(4) v(5) Notas Inumeras ilustracoes.

A folha de rosto e impressa em vermelho e preto.

Encadernado com: Wunderwerck vnd Wunderzeichen Buch ... / Caspar Goltwurm Athesinus, 1557.

Biblioteca [Museu Paulista \(MP\)](#)

<http://www.obrasraras.usp.br/>

Wurthburg

Historia vnd beschreibung eyner Landt-

schaft der Wilden / Nacketen / Grimmigen Menschfresser
Leuthen / in der Newenwelt America gelegen / vor vnd nach
Christi geburt im Land zu Hessen vnbekant / biß vff dise j.
nechst vergangene jar / Da sie Hans Straden von Homs-
berg auß Hessen durch sein eygne erfahrung erkant /
vnd yetzo durch den truck an tag gibt.


Dedicirt dem Durchleuchtigen Hochgebornen herren /
H. Philipsen Landtgraff zu Hessen / Graff zu Catzen-
elnbogen / Dietz / Ziegenhain vnd Nidda / seinem G. H.

Mit eyner vorrede D. Joh. Dryandri / genant Eychman /
Ordinarij Professoris Medici zu Marpurgh.

Inhalt des Buchlins volget nach den Neweden.



Getruckt zu Marburg / im jar M. D. LVII.



Dem Durchleuchtigen vnd Hoch-
gebornen Fürsten vnd Herrn/Herrn Philipsen
Landgrauen zu Hessen/Grauen zu
Carzenelnbogen/Dietz/Ziegenhain
vnd Nidda/2c. Meinem
gnedigen Fürsten
vnd Herrn.



Rad vnd Fried in Christo

Ihesu vnserm erlöser. Gnediger
Fürst vnd herz/ Es spricht der heylige
königliche propheet David / im hundert vnd siebenden Psalm:

Die mit Schiffen vff dem Meer fuhren/vnd trieben
iren handel in grossen wassern. Die des HERRN werck
erfaren haben/vnd seine wunder im Meer. Wenn er
sprach/vnd eynen sturmwindt erzegete/der die wellen
erhüb/vnd siegen hymel furen/vnd in abgrundt fuhren/
das ire seel fur angst verzagte/das sie tummelten wie
eyn trunckener/vnd wusten keynen rath mehr. Vnd sie
zum HERRN schreien in irer not / vnd er sie auß iren
angsten füret. Vnd stilleret das vngewitter/das die wel-
len sich legten. Vnd sie froh wurden/ das stille worden
war/Vnd er sie zu lande bracht nach irem wunsch/ Die
sollen dem HERN dancken/ymb seine güte/vnd ymb
seine wunder/die er an den menschen kindern thut/Vnd
inen bei der gemeyn preisen/vnd bei den alten rhümen.

Also bedancke ich mich gegen dem Allmechtigen
Schöpffer Hymels/Erden vnd Meers/seinem Sohn

Ihesum Christum vnd dem heyligen geyst / der grossen
gnad vnd barmhertzigkeyt / die mir vnter den wilden leu-
ten des lands Brasilien / welches inwoner / die mich ge-
fangen hatten / genennet die Tuppin Imba / vnd men-
schen fleysch essen. Derer gefangener ich neun Monat
gewesen / vnd vil andere gefahre mehr durch ire heylige
dreifaltigkeyt / gantz vnuerhoffter wunderlicher weise wi-
derfaren ist. Das ich nach langem ellendes gefahr leibs
vnd lebens widerumb in E. F. G. Furstenthumb / mein
höchsts geliebtes Vatterlandt / widerumb nach verlauff
etlicher jaren / kommen bin. Vnd hab E. F. G. solche mei-
ne Keyse vnd Schiffart / vndertheniglich anzeygen sol-
len / welche ich auffs kürzeste begriffen hab. Ob E. F. G.
zu irer gefelligen gelegenheyt / darinne mit hilff Gottes /
durch mich durchzogene Land vnd Meer / sich wöllen
vorlesen lassen / vmb wunderbarer geschicht willen / der
Almechtige Gott in nöten / bei mir erzeygt hat. Damit
auch E. F. G. an mir nit zweiffele / als solte ich vnware
ding vorgeben / wölte E. F. G. ich eyn Passport / zu disem
bericht dienlich / selbs offeriren. Gott sei in allem
alleyn die ehre. Vnd beuelhe mich hiemit E. F. G.
in vnderthenigkeyt. Datum Wolffhagen den
zwentzigsten Junij / Anno Domini im
funffzehen hundert vnd Sechs
vnd funffzigsten.

E. F. G.

Geborner vntersass Hans Stra-
den von Homberg in hessen / ytz
Burger zum Wolffhagen.

Dem Wolgebornen hern H. Philipsen

Graff zu Nassau vnd Sarprück ic. meinem Gnedigen Herrn. Wünscht D. Wy ander viel heyls mit erbietunge seiner Dienste.

De hatt mich/ Hans Staden/
der dis büch vnd Historia/ yetzo durch den
druck lest aufgehen/ gebetten/ das ich doch
zunor/ seine Arbeyt vnd Schrifft dieser Hi-
storien/ vbersehen/ Corrigiren/ vnd wo es von nöten ist/ ver-
bessern/ wölle. Dieser seiner Bitte/ habe ich aus vielerley vr-
sach stat geben. Erstmals/ das ich dieses Authois vatter/
nun mehr in die funffzig jar gekandt (dann er vnd ich aus
einer stat/ nemlich/ zu Wetter/ geboren vnd vff erzogen sein)
vnd nicht anders/ den selbigen/ doheim/ vnd zu Homberg
in Hessen/ do er itzo wonhafftig ist/ dan als vor eyn vffrichti-
gen frommen vnd dapffern Man/ der etwan auch in guten
künsten studirt erkant hab/ vnd (wie in gemeynem spruch
wort ist) der Apffel schmeckt alwege nach dem Stam/ zuuer-
hoffen Hans Staden/ dieses Ehrlichen Mans Sonesol in
tugenden vnd frombteyt dem vatter nach arten.

Zum andern neme ich die arbeyt/ dis Büchlein zu vberse-
hen/ desto freidiger vnd lieber ahn/ das ich gern in denen ge-
schichten/ so der Mathematica gemess sein/ als dan ist die
Cosmographia/ das ist die beschreibung vnd abmessung der
Landschafftren/ Stedt/ vnd wegefahrtren/ deren inn diesem
Büch vff vielerley weise/ etzliche vorgetragen werden/ belüsti-
gen/ dan ich fast gerne mit dieser sach vmbgehe/ so ich verne-
me/ das man vffrichtig vnd warlich/ die ergangenen dinge/
offenbaret/ vnd an tag bringt/ wie ich dan keyns wegs zwei-

fel/diser Hans Staden/schreib vnd vermeide seine Historia
vnd wegefart/ nicht aus anderer leut anzeygung/sonder
aus seiner eygen erfahrung/grüntlich vnd gewiß an/sonder ey-
nigen falsch/vrsach/das er darin keynen Abhum oder weldt-
liche Ehrgeitzigkeyt/sonder alleyn Gottes Ehr/Lob vnnnd
Danckbarkeyt/fur erzeygte wolthat/seiner erlöfunge/such-
et. Vnd dis ist die vornemste vrsach ist/diese Histori an tag
zubringen/damit yderman sehen könte/wie gnediglich/vnd
wieder alles hoffen/Gott der Herr diesen Hans Staden/
aus sonil gefehlichkeyt/so er Gott trewlich angeruffen hat/
erlediget/vnd von der wilden leuth grimmickeyt (bei denen
er bei die ix monat lang/alle tage vnd stunde/erwarten mus-
ste/das man inen vnbarmerziglich /todt geschlagen/vnd
gessen hett) in sein geliebtes vatterland /in Hessen /wieder
kommen lassen.

Fur dise vnaussprechliche Gottes barmherzigkeyt/wöl-
le er/vor sein geringes vermögen/ye gerne/Gott danckbar
sein/vnd die wolthat inie geschehen. Gott damit zuloben/
aller meniglich/offenbaren/vnd in dem er dis milde werck
also treibt/brenget die Ordnung der handlung mit sich/das
er die ganze wegefahrt der ix. jar/so er aussen landt gewest
ist/wie sich alle dinge zugetragen haben/beschreibe.

Vnd dieweil er dis eynfeltiger weise nicht mit geschmück-
ten oder brechtigen Worten oder Argumenten/vortraget/
gibt mir des einen grossen glauben/es muß sein sach besten-
dig vnnnd vffrichtig sein/vnnnd kunte ye auch keyne nützung
darab haben/das er lügen an stat der warheyt vortragen
wölle.

Darzu so ist er sampt seinen Altern hie in diesem Lande
gesehen/nit wie der Landtfahrer vnd Lügner gewonheyt/
von einem landt ins ander/ziegeuners weise/vnblausse/
müßte

in lüste also gewarten/wo etwan gewanderte leut/so in den
Inseln gewest/ankämen/würden in lügen straffen.

Vnd ist dis mir gar eyn fest argument/das sein sach/vnd
deiser Histori beschreibung/vffrichtig sein mus/das er an-
zeyget/zeit/stat vnd platz/da des hochgelerten vnd weit be-
rimpten Eobani Nessi Sone/Heliodorus/der sich nun lan-
ge zeit in fremde lande zuversüchen begeben/vnd hie bei vns
als fur todt geschertzt worden/bei diesem Hans Straden inn
der landtschafft der wilden leut gewesen ist/vnd gesehen/wie
erbermlich er gefangen vnd hinweg gefüret sei. Diser He-
liodorus/sage ich/kan vber kurtz oder lang (wie man hofft
das geschehen sol) zu hause komen/vnd wo des Hans Stra-
dens historia falsch vnd erlogen were/kan er in zuschanden
machen/vnd fur eyn nichtigen Man angeben.

Von disen vnd dergleichen krefftigen argumenten vnd ver-
mütungen/des Hans Stradens vffrichtigkeyt zubeschützen
vnd zubewehren/wil ich dis mal berühen/vnd weiter eyn we-
nig anzeygung thun/was doch die vsach sei/das diese vnd
dergleichen historien von meniglich wenig beifals vnd glau-
bens gegeben werde.

Zumersten habens die Landtsarer mit iren vngereim-
pten lügen vnd anzeygung falscher vnd erdichter dinge das
hin bracht/das man auch denen rechtschaffenen vnd war-
hafftigen leuten/so auß frembden landen kommen/wenig
glaubens gibt/vnd wirt gemeynlich gesagt: Wer liegen
will/der liege fern her/vnd vber feldt. Dann niemants das
hin gehet dis zu erfaren/vnd ehe er die mühe darauff legen
würde dis zu erfaren/wil ers ehe glauben.

Nun ist aber damit nichts außgericht/das vmb der lü-
gen willen die warheyt auch sol gestümmelt werden. Es
ist hieruff zumercken/das so dem gemeynen man etliche an-

gezeygte dinge/nit möchlich sein/geglaubt werden/vnd doch
so diese dinge bei verstendigen leuthen vorbracht/vnd erwä-
gen werden/vor die gewiste vnd bestendigste ding geacht wer-
den/vnd sich auch also erfinden.

Diß merck aus eynem oder .ij. Exempel so aus der Astro-
nomi genommen/oder gezogen werden. Wir leuthe so wir
hie vmb Deutschlandt/oder nahe dabei wonen/wissen aus
lang herbrachter erfahrung/wie lang der Winter/der Sommer/
samt den andern zweien jars zeiten/herbst vnd lantz weren.
Item wie lang oder kürtz/der lengste tag im Sommer/vnd
der kürzte tag im winter/vnd so mit der nacht zuachten sei.

Wan nun gesagt wirt/das etzliche Ort in der welt seien
da die son in einem halben jar nit vnder gehe/vnd der lengste
tag bei den selben leuten .vi. Monat/das ist eyns halben jars
langt sei/vnd her widderumb die lengste nacht auch .vi. Mo-
nat/odder eyn halb jar langt sei. Item das ört in der
welt funden werden/do in eynem jar/die quatuor tempora/
das ist die vier zeit des jars doppel sein. Also das zween wins-
ter/zwen Sommer in einem jar gewislich da vorhanden sein.

Item das die Son samt andern sternenn wie kleyne sie vns
hie sein düncken/doch der kleinste stern im hymel grösser sei/
dan die ganze Erde / vnd der dinge vnzelich viel.

Wan nun der gemeyn Wan diese dinge höret/veracht ers
zum höchsten/gibt jm keynen glauben/vnd acht es sein din-
ge/die vnmöglich sein. Dieweil aber diese Natürliche dinge
bei den Astronomis der massen dargethan werden/das die
verstendigen der kunst/hieran nicht zweiffeln.

So muß derhalben nit volgen/dieweil der gemeyn hauff
diese dinge vnwar helt/das es eben also sein muß/vnd wie
vbel würde die kunst der Astronomi stehen/wan sie dise him-
lische corpora/nit künnte demonstrieren vnd anzeygen aus ge-
wissen

wissem grundt die Eclipses/das ist/ verdunckelung Sonn
vnd Mons/vff gewisse tag vnd stund wan sie kommen sol-
ten. Ja etliche hundert jar vor her angezeygt/vnd findet sich
in der erfahrung also war sein. Ja sprechen sie: Wer ist am hy-
mel gewesen vnd dise ding gesehen/vnd hat es abgemessen.
Antwort: Weil die tegliche erfahrung in disen dingen mit den
demonstrationibus zustimmet/ So muß man eben so gewiss
halten/als gewiss ist/so ich ij.vnd ij.zusamen lege in der zal/
werden v.daraus. Vnd auß den gewissen gründen vnd de-
monstrationibus der kunst/tregt sichs zu/das man abmes-
sen vnd rechen kan/wie hoch biß an des mons hymel/ vnd
von dannen zu allen Planeten/vnd entlich biß an den ge-
stirnten hymel sei. Ja auch wie dick vnd groß die son/mond
vnd andere corpora am hymel seien/vnd auß vberlegung des
hymels/oder astronomia/mit der Geometria/rechnet man
gar eygentlich ab/wie weit/rond/breyt vñ lang das erdtrich
sei/so doch dise ding alle dem gemeynen man verborren vnd
als vnglaublich geachtet werden. Dise vnwissenheyt were
dem gemeynen man auch wol zuuerzeihen/als der nicht vil
in der Philosophia studirt hab. Das aber hochwichtige vnd
fast geleerte leute/ an den dingen so wahr erfunden werden/
zweifeln/ist schimpflich vnd auch schedlich/dieweil der ge-
meyne man vff dieselbigen sibet/vnd iren yrbumb dadurch
bestetigt/also sagende: Wenn das war were/so hetten es dise
vnd jene Scribenten nicht widersprochen. Ergo &c.

Das S. Augustinus vñ Lactantius Firmianus (die bey-
de heylige geleerteste/ neben der Theologia auch in gütten kün-
sten wol erfarnen männer/dubitiren/vnd nicht zulassen wol-
len/das die Antipodes sein künden/das ist/das man leute
finde/die am gegen ort des erdtrichs/vnden vnder vns mit
iren füßen gen vns gehen/vnd also den kopff vnd leib vnder.

sich hangen gegen den hymel/vnd doch nicht hinab fallen:
Dis laut seltsam zuhören/vnd helt sich doch alweg bei den
gelernten also/das es nicht anders gesein kan vnd war erfun
den wirt/wie hoch es die heyligen vnd hochgelernten/so yetze
angezeygt sein/authores/verneynt haben. Dañ das vestige
lich wahr muß sein/das die jenigen so ex diametro per centrum
terra wohnen/Antipodes sein müssen/vnd uera propositio ist.
Omne uersus coelum uergens, ubicunq; locorum, fursum est.
Vnd darff man nicht hinunter in die newe welt ziehen/ die
Antipodes also suchen/sonder dise Antipodes sein auch hie im
obern halb teyl des erdtrichs. Dann wann man zusamen
rechent vnd gegen eynander helt die eusserste landtschafft im
Occident/das ist Hispanien vnd zum finstern stern gegen
das Orient/da India landt leit/geben dise eusserste leut vnd
inwoner des erdtrichs/ bei nahe eyn art der Antipoden.

Wie auch egliche fromme Theologi hieraus deuten wöl
len/das der mitter filioñ Zebedei bitte/wahr worden sei/da
sie den Herrn Christum bare/das irer söhne eyner zu seiner
rechten handt/der ander zur lincken handt sitzen möge. Dis
sei also geschehen/dieweil S. Jacob zu Compostel/nur weit
a sine terra/das gemeynlich zum finstern stern genant wirt/
begraben sein sol/vnd ehlich gehalten würde. Vnd der an
der Apostel in India/das ist im vffgang raste: Das also dise
antipodes lange vorhanden gewesen/vnd vnangesehen/das
zur zeit Augustini die new welt America vnderm erdtrich
noch nicht erfunden/so weren sie doch auch vff die weise vor
handen gewesen. Egliche Theologi/vnd sonderlich Nic
colaus Lyra (der sonst eyntrefflicher man ist geachtet) wöl
len/das/dem nach der Erde klos/oder die welt zum halben
teyl im wasser leige vnd schwimme/also/das dis halb teyl
da wir vff wonen/ober dem wasser herauß gebe/Das ander
teyl

teyl aber sei vnden gar mit dem meer vnd wasser also vmbge-
ben/das da niemant wonen kan. Welchs alles wider die
kunst der Cosmographia streitet/ Vnd nun mehr durch die
vile Schiffarten der Spanier vnd Portugaleser/vil anders
erfunden ist worden/ das das Erdtrich allenthalben bewos-
net werde/ Ja auch sub torrida Zona/welchs vnser vorsehen
vnd alte Scribenten/nie haben wollen zulassen. Vnser täg-
liche würtz/zucker/perlen/vnd andere dergleichen wahr/wer-
den auß den landen her zu vns bracht. Dis paradoxon von
den Antipodibus / vnd vorangezeygten bymiels abmessung
hab ich mit fleis anzeygen wollen/das vorige Argument das
mit zubestertigen/könten fast vil der dinge mher hie anges-
zeygt werden/wo ich mit meinem langen schreiben euch gern
verdrißlich sein wolt.

Doch werden dergleichen argument vil gelesen werden/in
dem büch/so der würdige vnd hochgelehrte/Magister Caspar
rus Goldworm fleißiger Superintendens E. C. zu Weils-
burg vnd Predicant.Welchs büch in.vj.teyl vnderscheyden
von vielerley Mirackeln/wunderwercken/vnd paradoxen/
so bei vorigen zeyten vnd noch geschehen sein/sagen wirt/vñ
bei kurtzem in treu & verfertiget soll werden. Zu welchem
Buch/vnd zu andern vilen/so dergleichen dinge beschreiben.
als sein Libri Galeotti de rebus uulgo incredilibus &c. den
gütigen Leser/so dieser ding weitem verstandt haben will/
ich hiemit gewiesen will haben.

Vnd sei hiemit genung angezeygt/das es nicht fluchs als
wege lügen sein müssen/so etwas wirdt angezeygt/dem ge-
meynen Man frembd/vnd vnbreitlich dünckt sein/wie in
dieser Historia/da die leuthe allein der Insell nacket gehen/
keyn heußlich vñbe zur narung/keynerley dinge so bei vns im
Brauch/den Leib zuerhalten/haben/ als kleyder/Lette/

P^rerde / Schwein oder R^adhe / noch Wein oder Bier ic. sich
vff jhre weise enthalten / vnd behelffen müssen.

Damit diese vorrede zum Ende lauff / wil ich auch kurtz-
lich anzeygen / was diesen Hans Staden bewegt hat / seine
beyde Schiffarte vnd wegeresse in truck zu verfertigen. Dis
möchten viel jm vbel außlegen / als wolt er hiemit jme cynen
Rhum / oder brechtigen Namen machen / welchs ich gar vil
anders von jme verneme / vnd glaub gewißlich / das sein
gemüt viel anders stehe / wie auch in der Historia hin vnd
wieder vermerckt wirt.

Dieweil er so in vielfeltigem Elend gestanden / so vil wider-
derwertigkeyt erlitten / daran jm so offrt sein leben gestanden
hat / vnd gar nicht zu hoffen / sind das er da entlediget vnd
in sein vatter heimmet wieder kommen / würde. Gott aber /
dem er alwege vertrauet / vnd angeruffen / jnen nicht allein
von seiner feindehende / erlediget / sondern auch durch seine
glaubiges gebet vil mals Gott beueget hat / das vnder den
Gottlosen leuten / Gott zu verstehen geben / das der rechte
warhafftige Gott / krefftig vnd gewaltig / vnd noch vorhan-
den sei. Man weys wol / das des Glaubigen gebett Gott
keyn ziel / Was oder zeit / setzen solle / so es aber Gott also
gefellig ist gewesen / durch diesen Hans Staden / sein wun-
derwerck bei den gottlosen wilden / zusehen lassen / Dis wüßte
ich nicht zu wieder sprechen.

Auch ist yderman bewust / das trübsal / kummer / vnglück
vnd krankheyt ic. gemeynlich / die leuth zu Gott bewegen /
das sie in der noth mher dan zuvor Gott anruffen / erliche
bißher nach papistischer weise / sich etwan diesem oder jeni-
gen heyligen / mit walsarth oder oppferen verpflichten / das
jn aus jrer Not geholffen werde / vnd diese gelübte vast
strenge

strenge gehalten werden / aus genommen von denen / so ges
dencken die heyligen zubetriben / mit iren gelibten / wie
Erasmus Roterodamus in colloquijs in dem Naufragio schreie
bet / das eyner im Schiff S. Christophorum / der zu Pareiß
im Tempel / eyn Bildt etwan. 10. ellen hoch / wie eyn grosser
Poliphemus / stehet / Diesem heyligen gelobt habe. Wan er
im aus der Nott hilff / wölle er im opfern / eyn wechsen licht
also groß / als der heylige were. Sein nechster nachpawer /
der bei im saß / der wußt umb dieses Mans armheyt / schalde
in von wegen / dieses gelibtes / sagt / Wan er gleich all sein
narnug / die er vff Erden hette / verkeyfft / könte er doch nicht
solvil wachs zuwege bringen / das er eyn solch groß licht könt
gezeugen. Antwort im der darauff / sagt es im heymlich /
das der heylige es nicht hören solte / sprechende: Wan er mir
aus dieser not geholffen hat / will ich im kaum eyn Golt
licht von vnsechlicht gemacht / eynspfennigs wert geben.

Vnd die ander Historia von dem Reutter so im Schiffs
buch war / die ist eben auch also. Dieser Reutter als er
sah das dz schiff wolt vndergehen / rieß er. S. Nicolaus
an / das er im aus der nott hilffe / er wolt im sein Pferd
oder Pagen opfern / da vermanet sein knecht inen. Er solte
das nicht thun / worauffer sonst reiten wölle / sagt der Jun
cker zum knecht / heymlich / das der heylge nicht hören solt.
Schweige du still / wan er mir außgehilfft / wil ich im nicht
den Stertz / das ist den Schwantz vom pferde geben. Also
gedacht eyn jederer vnder den zweyen / seinen heyligen zubetriben
gen vnd gethaner wolthat baldt zu vergessen.

Damit nun diser Hans Staden nicht auch also darfur
angesehen werde / igo so im Gott geholffen hat / dieser wol
that zu vergessen / So hat er im vorgenommen / mit diesem

truck/ vnd beschreibung der Historien/ Gottin alwege/zus
loben vnd preisen / vnd aus Chrißlichem gemüß / die werck
vnd Gnade an ihm erzeygt/wder kan vnd mag an tag zubrin
genn. Vnd wann dis nicht sein vornemens were (welchs
dan erbarlich vnd recht ist/ so wolte er viel lieber dieser mühe
vnd arbeyt/versennnis/auch angewentres kostens/der nicht
gering vff diesen Truck vnd Formen zu schneiden ergangen
ist/enthaben sein.

Diese Historia aber dieweil sie durch den Authorem dem
Durchleuchtigen hochgebomen fürsten vnd Herrn. H. Phi
lippen/Landtgraffen zu Hessen/Graff zu Catzenelnbogen/
Ditz/Ziegenhain vnd Nidda / seinem lantsfürsten vnd gne
digen herin/vndertheniglich dedicirt vnd zugeschriben / vnd
in seiner gnade namen öffentlich in truck hat lassen außgehn/
vnd lange zeyt zuuor her von hochgemeltem f. vnserm gnedi
gen herin/in meiner vnd anderer vil/gegenwertigkeyt/den
Hans Staden/examinirt/vnd von allen Sträcken seiner
Schiffart vñ Befendnis gründlich außgefragt vnd erforst/
dauon ich dan vilmals E. G. sampt andern Herrn vnderthe
nig angezeygt vnd erzelet habe. Vnd dieweil ich E. G.
vor eynen sonderlichen liebhaber solcher vnd dergleichen
Astronomischen vnd Cosmographischen künste/zusein/lan
ge zeit/vermerckte/habe ich diese meine præfation oder vor
red E. G. vndertheniglich wöllen zuschreiben/Welch E. G.
gnediglich also vñ mir wölle annemen/bis so lang ich etwas
erffrigers / in E. G. namen / in truck verfertigen werde.
Mich bleibet E. G. vndertheniglich befehlende. Datum
Marpurgt am tage Thomæ, Anno M. D. LVI.

Inbale

Inhalt des büchs

1 Von zweyen Schiffarten/so Hans Straden in Neulandes
halb jaren volbracht hat.

Ist die erste reyse auß Portugalia/ die ander auß Hispania/
in die new welt Americam geschehen.

2 Wie er alda in der Landschaft der wilden leut Topo-
pinkin genant (so dem künig zu Portugal zu stehen) für
eynen Büchschützen gegen die feinde dahin gebraucht
sei.

Letzlichen/von den feinden gefangen vnd wegt geführet/
zehendhalben monat lang in der gefar gestanden/das er ge-
tödt von den feinden/vnd gefressen solt worden sein.

3 Item / wie Gott gnediglichen vnd wunderbarlichen
weise/disen gefangen nach vor geleßnem jar erlöset/vnd es
in seingeliebtes vatterlandt wider heym kommen sei.

Alles Gott zu Ehren vnd dancksagung
seiner milten barmhertzigkeit/
inn truck gegeben.

Was hilfft der wechser in der stadt/
Dem geweltigen schiff im meer sein fare/
So sie Gott beyde nicht beware.



Ich



Ich Hans Staden von


Nomberg in Hessen/ name mir vor/
wens Gott gefellig were/ Indiam zu
besehen/ zoge der meynung von Bre-
men nach Holandt/ zu Campen kam
ich bei schiffe die wolten in Portugal
saltz laden/ Da fuhr ich mit hin/ vnd
wir kamen den 29. tag Aprilis des ja-
res 1547. an/ bei eyner statt genant sanct Tual/ waren vier
wochen auff dem wasser dahin zufaren. Von dannen zoh
ich nach Lissebona / welches fünff meil von S. Tual ist.
Zu Lissebona kam ich in eyn herberg/ der Wirt war genant
der jung Leubz/ vnd war eyn Teutscher/ da lag ich eyn zeit
lang bei. Demselbigen Wirt sagt/ ich/ Wer auß meinem vater-
landt gezogen/ wann es mir gelingen möcht in Indiam
zu siegeln. Sagt er/ Ich were zulang aussen blieben/ Des
Königes Schiffe so in Indiam führen/ weren hinweg gefa-
ren. Ich batt jnen/ dieweil ich die reyse versaumet hette/ das
er mir wölte zu eyner andern helffen/ dieweil er die sprach
könte/ ich wölte wider in seinem dienste sein.

Er bracht mich in eyn schiff fur eynen büchsen schützen/
Der Capitan in dem schiff war genant Pintiado/ der wolte
in Brasilien fahren/ auff kauffmanschafft/ Hatte auch ver-
laub vff die schiff zugreifen/ so in Barbaria mit den weissen
Moren kauffschlagten. Auch wo er Französische schiff in
Brasilien mit den wilden leuten kauffschlagen fände/ solten
preis sein. Auch solte er dem Könige etliche gefangenen da-
ins landt führen/ die selbigen hatten straff verdienet / Doch
die neuen lande damit zubesetzen/ wurden sie gespart.

Unser schiff war wol gerüst mit aller kriegs rüstung/ wel-

cheman zu wasser gebraucht. Vnser waren drei teutscher in
dem schiff/eyner genant Hans von Buchhausen/der ander
Heinrich Briant von Bremen/vnd Ich.

Außfart meiner ersten schiffart
von Liffibona auß Portugal. Caput II.



Wir siegelten von Liffibona/mit noch eynem kleynen
schifflein/war auch vnser hauptmans/kamen erst-
mals

mals an bei eyner insel Lailga de Wadera genant/hörte dem
künig vñ Portugal/wonen Portugaleser darin/Ist frucht-
bar von wein vñnd zucker/Dasselbs bei eyner statt/genant
Suntschal/namen wir mehr: Vicalia ins schiff.

Darnach fuhren wir von der insel in Barbariam/nach ey-
ner stat Cape de Bel genant/hörte eynein weissen Mozen kün-
ig/Schiriffi genant. Die stat hat vormals der künig von
Portugal inne gehabt/derselbige Schiriffi hats jme wider
genommen. Bei der selbigen stat meynten wir der obgenan-
ten schiff zubekönnen/diemit den vñchristen kauffschlagren.

Wir kamen dahin / funden vil Castilianischer fischer da
vnterm land/die gaben vns bericht/ wie das bei der Statt
schiffe weren / Wir fuhren hinbei/ so kompt eyn schiff auß
dem Hauingen/ wol geladen/ Dem fuhren wir nach vñnd
vberkamen es/Aber das volck entfuhr vns mit dem Botte/
Da sahen wir eyn ledig bote auff dem lande stehen/welches
vns wol dienlich war zu dem genommen schiff / wir fuhren
hinbei vñnd holtens.

Die Weissen Mozen kamen starck angeritten/ wolten es
verthedingen/ Aber sie konten vor vnserm geschütz nit dar-
zu kommen. Wir namens / fuhren mit vnser beute/
welches war Zucker/Mandelen/Catteln/bocksheude/gum-
mi Arabicum / Deren das schiff wol geladen war / widder
nach dem Lailga de Wadera/schickten vnser eyleynen schiff
nach Lissebona / solches dem künige anzuzeygen/ wie wir
vns mit solcher beut halten solten/dann es hörten Valen-
tianische vñnd Castilianische Kauffleut darzu.

Wir wurden von dem Künige beantwortet/ soltenn die
beut da in der insulen lassen/vñnd mit vnser reyse fort faren/
mitler weil wölte sein Altesa gründtlich erfaren/wie es dar
umb were.



Demnach thatten wir/ vnd fuhren widder nach Capede
 Gel/ zubesehen ob wir mehr beut bekommen konten. Aber
 vnser firnemen war vmb sunst/ vnnnd der windt wurd vns
 zuentgegen/ bei dem lande der vns verhinderte. Die nacht
 vor aller heyligen tag/ fuhren wir von Barbana mit eynem
 grossen sturmwind nach Brasilien zu. Als wir nun 400.
 meil von Barbana ab waren in das meer/ kamen vil fische
 vmb das schiff/ der fingen wir mit angel backen. Derselbigen

bigen waren etliche welche die schiffleut nenneten Albatos
re/waren groß/Etliche Bonitte/waren kleyner/Etliche Du
rado. Auch waren vil fische da so groß wie hering/hatten off
beyden seiten sitrige wie eyn fledermaus/dieselbigen wurden
sehr verfolget von den grossen/Wann sie die hinter sich ver
merckten/erhüben sie sich auß dem wasser iher grosse hauf
sen/slogē vngeserlich zweyer klafftern hoch vber dem wasser/
etliche sehr nahe so weit man absehen konte. Dann fielen sie
widerumb ins wasser. Wir funden sie offtmals des morgens
im schiff leigen/waren des nachts im flüg darcin gefallen/
Vnd sie heysen in Portugalesischer sprach pisce Bolador.
Darnach kamen wir inn die höhe der linien Aequinoctial/
Daselbst war grosse hitze/dann die Sonn stunde recht vber
vns wann es vmb mittag war/war gar keyn windt etliche
tage/dann in der nacht kamen offtmals grosse donnerwetter
mit regen vnnnd windt/erhüben sich bald/vergiengen auch
bald/das vns die selbigen nicht/wann wir vnter siegel wa
ren vberleilen solten/mustn wir fleissig wachen.

Als aber nun widerumb windt kam/der wehete sturmb/
werete etliche tage/vnd war vns entgegen/vermüeteten vns/
wo er lang werete/hungere not zuleiden. Küßten Gott an
vmb güten windt. Da begab es sich eyne nacht das
wir eynen grossen sturm hatten/waren in grosser mühe/da
erschienen vns vil blawer liechter in dem schiff/dero ich nis
mehr gesehen hatte. Da die bulgen vor ins schiff schlus
gen/da giengen der liechter auch. Die Portugaleser sagten/
das die liechter eyn zeychen gütes zukünfftigen wetters wa
ren/sonderlich von Gott gesant in nöten zutrösten. Theten
Gott eyne dancksagung dafür mit eynem gemeynen gebet/
Darnach verschwunden sie wider. Vnd dise liechter heysen
Santelmo/oder Corpus samon.



Wie nun der tag anbrach/wurde es güt wetter/ond kam
eyn gütter windt/das wir augenscheinlich sahen/das solche
liechter müßten eyn wunderwerck Gottes sein.

Wir siegelten hin durch das meer mit gutem winde/den
xxviij. tag Januarij/kriegen wir eynen huck landes ins ges
sicht/in eyner la Cape de sanct Augustin genant. Acht meß
darnon/kamen wir zum Dawingen Drannenbucke genant.
Vnd wir waren lxxxviij. tage im meer ehe wir das landt sa
hen. Da

ben. Da selbst hatten die Portugaleser eynen flecken auffge-
richt/ Marin genant. Der hauptman des flecken war ges-
nant Artokoslio/dem vberlifferten wir die gefangenen/ lu-
den auch etliche güter auß/die sie da behielten. Wir richtes-
ten vnser sache auß in dem Hauingen/ wolten furthan sie-
geln/da wir meynten zuladen.

Wie die wilden des orts/ Prannen-
bucke waren auffwüthisch worden/ vnd den Por-
tugalesern eynen flecken vertilgen wolten.

Caput III.

So begab es sich das die wilden des orts waren vffwü-
thisch worden gegen die Portugaleser/ welchs sie vors-
mals nicht waren/welches nunder Portugaleser halben sich
angefangen hatte/so wurden wir gebetten vmb Gottes wil-
len/von dem hauptman des landes/das wir wölten im fle-
cken einsezen/Barasu genant/fünff meil von dem haub-
gen Marin/da wir lagen/welches die wilden sich vnderstun-
den einzunemen/vnd die inwoner des flecken Marin kün-
den andern nicht zuhilff kommen/Dann sie sich auch vers-
mühten/das die wilden sie vberziehen würden.

Wir kamen den von Barasu zuhilff mit vierzig Mannen
vnser schiffs/führen in eynem kleynen schifflein dahin/Das
flecklein lag vff eynem stranden des meers/welches sich zwö-
meil wegs landwärts inn strecket. Es möchten vnser Chris-
sten 90. zur weh: sein/Darneben dreissig Moren vnd Pra-
siliatische schlaue/welche der einwoner eygen waren/Die
wilden leut so vns belegerten/wurden geachtet vff acht tau-
sent. Wir in der belegerung hatten nur eynen zaun von Rey-
deln vmb vns her.

Wie ire Festunge war/ vnd

wie sie gegen vns stritten.

Caput iij.

Nach den flecken her da wir inne belegeret waren/ gieng
eyn walt/ darinnen hatten sie zwo festungen gemacht/
von dicken beumen/ darinnen hatten sie des nachts ire zü-
flucht/ ob wir zu jnen hinauß fielen/ da wolten sie beyten.
Darneben hatten sie löcher in die erden gemacht/ vmb den
flecken her da lagen sie des tages inn/ darauß kamen sie mit
vns zu schermützlen/ Wann wir nach jnen schossen/ fielen sie
alle nider/ vermeynten sich dem schuss zu entbucken/ hatten
vns so gar belegeret/ wir kundten weder ab noch zu kommen/
Kamen hart vor den flecken/ schossen vil pfeil in die höhe/
meynten sie soltē im niderfallen vns im flecken treffen/ schos-
sen vns auch pfeile/ daran sie baumwoll vnd wachs gebun-
den hatten/ vnd das angesteckt/ meynten vns die techer an
den heusern mit anzustecken/ traweten wie sie vns essen wol-
ten/ wenn sie vns kriegten.

Wir hatten noch eyn wenig zu essen/ vnd das selbige war
bald auff/ Dañ es da im land den gebrauch hat/ alle tag/ oder
yerber den andern tag frische wurtzel: zuholen/ vnd meel
oder kuchen daruon zumachen/ a solchen wurtzeln konten
wir nicht kommen.

Wie wir nun sahen das wir victalia gebrech leiden mus-
sten/ fuhren wir mit zweyen Barcken nach eynē flecken Tam-
marata genant/ victalia da zuholen / so hatten die Wilden
grosse beume vber das wasserlein her gelegt/ war irer vol auff
beyden seiten des vfers/ meynten vns die reyse zu verhindern/
Wir zerbrochen dasselbige wider mit gewalt/ es wurd eben
mitler zeit/ Wir blieben auff dem truckenen. Die wilden kon-
ten vns

ten vns in den schiffen nichts thun/Aber sie wurffen vil ten-
ckenes holtzes auß irer schantze zwischen das vfer vñ schiff/
vermeynten das anzustrecken/ ires pfeffers der da im lande
wachset/ darin zuwerffen/ vnd vns mit dem dampffe auß
den schiffen zujagen. Aber es geriet inennicht/ mitler weil
kam die flut wider. Wir fähren zu dem flecken Tammara-
ka/Die inwoner gaben vns victalia/Darmit fähren wir wi-
derumb nach der belegerung bei dem vorigen ort/hatten sie
vns die fart wider gehindert/Also/ Sie hatten beume/ wie



vor/oder das wasserlein gelegt/lagen darbei auff dem vser/
hatten sie zwen beume vnden/auff eyn wenig nahe abzes
hauen/oben an die beume hatten sie dinger gebunden/Sip
po genant/wachsen wie hoppen breimen/sein dicker. Das
ende hatten sie in irer schantz/war ir meynung/wann wir ko
men/vn wolten wider hindurch brechen/wolten sie die Sip
po ziehen/das die beume vort an solten brechen vnd auff die
schiff fallen. Wir fuhren hinbei/brachen hindurch/der
erste baum fiel nach irer schantz/der ander fiel kurtz hinter
vnser schifflein in das wasser. Vnd ehe wir anfiengen das
webr zubrechen/rieffen wir vnsern gesellen in dem flecklin/
das sie vns zuhilff kemen. Wann wir anfiengen zuruffen/
rufften die Wilden auch/das vns vnser gesellen in der belä
gerung nicht hören konten/dann sie konten vns nicht sehen
eynes gebülses halben so zwischen vns war/sonst aber wa
ren wir so nahe bei inen/das sie vns wol hetten können hö
ren/wann die Wilden so nicht geruffen hetten.

Wir brachten die victalia in den flecken/wie die Wilden
da sahen das sie nichts konten außrichten/begerten sie fried
vnd zogen wider ab. Die belegerung werete bei nahe eynen
monat/8 Wilden blieben etliche todt/aber der vnsern Chri
sten keyner.

Wie wir sahen/das sich die Wilden zu fried begeben het
ten/zogen wir wider zu vnserm grossen schiff/welches vor
Marin lag/dasselbs luden wir wasser in/auch Mandioken
mel zu victalia/Der Oberst des flecken Marin dacket vns.

Wie wir auß Prannenbucke fuhren

nach eynen landtschafft Battuguis genant/beleyn Französisch
Schiff kamen/ vnd vns mit ihe schlugen.

Wir

Caput V.

Wie subren vierzig meilen von dannen zu eynem ba-
uingen / Butt-garis genant / da meyneten wir das
schiff mit Brasilien holtz zuladen / auch den Wilden mehr vi-
eralien ab zubeuten.



Wie wir dahin kamen / funden wir eyn schiff auß Franck-
reich / dz lad brasilien holtz / das fielen wir an / meyneten es zu

nennen/ aber sie verderbten vns den grossen mastbaum mit
eynem schosse/ vnd entsiegelten vns/ etliche vnser schiffes
wurden erschossen/ etliche verwundet.

Darnach wurden wir sins wider inn Portugal zufaren/
dann wir konten nicht widerumb zuwinde wert komen/ in
den hauingen/ da wir meynten vicialia zubekommen. Der
windt war vns zuwider/ wir fuhren mit so geringer vicialia
nach Portugal/ lieden grossen hunger/ etliche assen bocks-
beud/ die wir im schiff hatten/ Man gab vnser yeder eynem
des tags eyn Mösselen wassers/ vñ eyn wenig Brasilianisch
wurzeln meel/ waren 108. tag im meer/ den 27. tag Augusti
kamen wir bei insulen/ genant Rosa Sores/ hören dem kö-
nige von Portugal/ da anckerten wir/ rüweten vnd fischten/
Daselbst sahen wir eyn schiff im meer/ da fuhren wir bei/ zu
wissen was es fur eyn schiff were/ vnd es war eyn Seereuber/
stalte sich zur wehre/ doch kriegten wir die oberhandt/ vñ na-
men inen das schiff/ sie entfuhren vns mit dem bore nach den
insulen/ Das schiff hatte vil wein vnd brots/ damit wir vns
erquickten. Darnach kamen wir bei fünff schiff/ borten
dem könige von Portugal/ die solten bei den inseln der schiff
aus India warten/ sie in Portugal zugeleyten. Darbei blie-
ben wir/ hulffen eyn Indisch schiff/ welches da ankam/ ge-
leyten in eyn insel Tercera genant/ da blieben wir. Es hat-
ten sich in der insel vil schiff versamlet/ welche alle auß den
nennen landen komen waren/ etliche wolten in Hispanien/
etliche in Portugal/ Wir fuhren auß Tercera bei nohe hun-
dert schiffe in gesellschaft/ kamen zu Lissebona an/ vngefers-
lich den achtentag Octobris/ des jars 1548. waren 201. Mo-
nat auff der reyse gewesen.

Darnach rüwete ich eyn zeit lang zu Lissebona/ wur-
de des sins mit den Hispaniern inn die neuen land zufaren
die sie

die sie inne haben/ fuhr derhalben vñ Lissabona mit eynem
Engellendischen schiffe in Castilien/ bei eyner stat Porta san-
cta Maria genant/ Da wolten sie das schiff mit wein la-
den/ von dannen reysere ich nach eyner stat Ciuilien genant/
da fand ich drei schiffe wurden zugerüst/ solten nach eyner
landtschafft Riode Platta genant/ fahren/ gelegen in Ames-
rica/ dieselbige landtschafft/ vñ das Goltreichelant Pi-
rau genant/ welchs vor etlichen jaren funden ist worden/ vñ
Brasilien/ ist alles eyn füs feste landt.

Dasselbige landt fort einzunemen waren vor etlichen jaren
schiffe dahin geschickt/ deren eyns war wider kommen/ bes-
gerten mehr hilff/ sagten vil wie Goltreich es sein solt. Der
Hauptman vber die drei schiff/ war genant Dohn Diego de
Senabria/ solt von wegen des königs eyn Oberster sein in der
landtschafft. Ich begab mich in der schiff eyns/ sie wurden
sehr wol gerüst/ wir fuhren von Ciuilien nach sanct Lucas/
da die Ciuilische reffe ins mehr geht/ daselbst lagen wir vñ
warren auff güt windt.

Ausfart meiner andern schiffart

von Ciuilien auß Hispanien in America. Ca. 6.

ANno Domini 1549. den vierten tag nach Ostern/ sie-
gelten wir zu sanct Lucas auß/ vñ der wint war vns
entgegen/ namen zu Lissabona hauingen/ wie der wint güt
wurd/ fuhren wir nach den insulen Cannarias/ anckerten bei
eyner insulen Pallama genant/ da namen wir etlichen wein
in das schiff für die reyse. Auch wurden die stewart der
schiffe daselbst eyns/ wenn sie im meer von eynander kenen/
wo sie in dem land solten wider bei eynander kommen/ nem-
lich in 28. Gradus vff 8 Suden seiten/ 8 linien æquinoctial.



Aus Palma fuhren wir nach Cape verde/ das ist/ das
 grüne haupt/ welches ligt in der schwarzen Moren landt/
 Daselbst hatten wir beinahe eyn schiffbruch gelitten/ vñ dan
 nen fuhren wir vnser Cos/ der wint war vns entgegen/ ver-
 schlug vns etliche mal auff das lane Gene/ in welchem auch
 schwarze moren wonen. Darnach kamen wir bei eyner insu-
 len an/ genandt sanct Thome/ hört dem könige vonn Por-
 tugal/ ist eyn zuckereich Eilandt/ aber vngesimt. Es wonen
 Portugaleser darin/ haben vil schwarzer moren/ das ire ey-
 gene leut

gene leut sein. Wir namen frisch wasser in der insel/siegelte
ten furt an/wir hatten vnser zwoy mitgesellen schiffe in ey-
nem sturmwind des nachts auß dem gesicht verlor/also/
das wir alleyn siegelten/ die winde waren vns sehr entge-
gen/dañ sie haben die art in dem meer/wann die Sonn vff
der Nozt seiten der linien Aequinoctial geber/so wehen die
wind von den Suden her. Des selben gleichen/wan die sonn
auff der Suden seiten geht/komen sie von der norten seiten/
haben die art/das sie fünf monat steiff auß eynẽ ort wehen/
hinderten vns vier Monat/das wir vnser rechte Cof nicht
segelen mochten. Wie da der monat September ankam/begun-
ten die winde Wörllich zuwerden/wir setzten vnser Cof
Sud Sud West/nach America 38.

Wie wir in die höhe XXVIII. gradus

bei das landt America kamen/den hauington nit erken-
nen knten/dabin wir bescheyden waren/vnd eyn
grosser sturm sich bei dem landt erhüb. Cap. 7.

Sarnach eynes tages/welcher war der 18. Nouembris
nam der Steurman die höhe der sonnen/befand sich
in 28. gradus/da suchten wir das Landt Westen an auff/
Darnach den 24. tag gemeltes monats sahen wir landt.
Waren sex monat im meer gewesen/stunden vilmalß grosse
gefahr. Als wir nun hart bei das landt kamen/kanten wir
den hauington/vnd die merckunge nicht/welche der Oberste
Steurman vns gegeben hatte. Dorffrens auch nit wol wa-
gen vns in unbekante hauington zugeben/louirren so langes
dem lande her/es hub an sehr zuwehen/wir meynten nit an-
ders dann vff den Klippen umbzukommen/bunden ledige
fafs zusammen/theren puluer darin/stopfften die honds 39.

bunden vnser wehr darauß/ob wir hetten schiffbruch gelit-
ten/vnderliche weren daruon kommen/solten ire wehr am
lande finden/dann die bulgen würden die fassse an das landt
werffen/wir louirten/meynen vom land widerum abzufa-
ren/es halff nicht/der windt treybe vns auff die Klippen so
im wasser verborgen lagen in 4. Elffter wassers hoch/mus-



sten der grossen bulgen halben auff's landt fahren/meynen
nicht anders daß wir müßten alle mit eynander vntommen.
Doch

Doch schickt es Gott/wie wir hart bei die Klippen kamen/ward vnser gesellen eyner eyns hauingen gewar/da furen wir hinein. Daselbst sahen wir eyn kleyn schifflein/das flohe vor vns/vnd fuhr hinter eyn insel/das wir es nicht sahen/vnd konten nicht wissen was es für eyn schiff were/aber wir volgeten jm nicht weiter nach. Sonder lieffen vnsern ancker zugrunde/preiseten Gott das er vns auß dem ellend geholffen hatte/enbeten wir/vnd truckneten vnser kleyder.

Vnd es war wol vmb zwo arw nach mittage/da wir den ancker zu grund lieffen/ gegen dem abendt kam eyn grosser Nache voll wilder leuth bei das schiffe vnd wolten mit vns reden. Aber vnser keyner kündte die sprach wol verstehen/Wir gaben jnen etliche Messer vnd Angelhacken/da fuhren sie wider hin. Dieselbige nacht kam wider eyn Nache voll/da waren zwen Portugaleser vnter/die fragten vns/Wo wir her weren. Da sagten wir/weren auß Hispanien/meyneten sie/wir müßten eynen kündigen Steurman haben/das wir so weren in den hauingen kofien/dann sie weren des hauingen kündig/aber mit solchem sturm wetter/wie wir darinkömen weren/wüßten sie nit darein zukommen. Da sagten wir jnen alle gelegenheyt/wie vns der windt vnd die bulgen zu eynem schiffbruch hetten bringen wollen. Wie wir nun nit anders meyneten/dann wir solten vnkömen/weren wir des hauingen plötzlich weiß worden/vnd Gott hette vns also darin geholffen/vnuerhoffet/vnd des schiffsbriuchs errettet/vnd wüßten auch nit wo wir weren.

Wie sie solchs hörten/verwunderten sie sich/vnd danckten Gott/vnd sagten der hauingen darinnen wir weren/ hiesse Supraway/vnd wir weren ungeferlich xvij. meil wegs von eyner insel die heysset sancte Vincente/vnd hörte dem könig von Portugal/vnd da woneten sie/vnd die so mit dem kley

nen schifflin gesehen hetten/weren derhalben geflohen/das
sie gemeynet hetten wir weren frantzosen gewesen.

Auch fragten wir sie/wie weit die insel sanctæ Catharinæ
von dannen were/dann wir wölten daselbsthin/Sagten sie/
es möchten ungeferlich xxx. meil sein/nach den Suden/vnd
es were deselbst eyn Nation Wilder/die heysßen Carios/
Das wir vns wol vorsehen/vnd sagten: Die Wilden des
gegerwertigen hauingen heysßen die Tuppin Itins/vnd we-
ren ires freund/darfür hetten wir keyn not.

Wir fragten sie in was höhe der Sonnen dasselbige land
lege/sagten sie/in 28. gradus/wiewahr ist. Auch gaben sie
vns gleichnus wobei wir das landt erkennen solten.

Wie wir da widerumb auß dem ha-
uingen führen/das landt widerumb zusuchen/
dahin wir wolten. Caput viij.

Als sich nun der windt auß den Ost Sud Osten ge-
stillt/ward güt wetter/vnd der winde wehete auß
den Nordosten/giengen wir zu siegel/vnd fähren wider zu-
rück nach dem vorgemelten ort lands/wir siegelten zwen tag
vnd süchten den hauingen vnd konten inn nicht erkennen/
Doch merckten wir bei dem lande/das wir mussten bei dem
hauingen ober gesiegelt haben/dann die Sonn verdunckelt
war dz wir sie nicht nemen konten/konten nit widerumb zu-
rück kōmendes winds halben/der windt verstach vns.

Aber Gott ist eyn nothhelfer/wie wir des abents gebet hilt-
ten/batten wir Gott vmb gnad/begab es sich/ ehe dann es
nacht ward/das sich trübe wolcken erhuben nach dem Su-
den/dahin vns der windt verstach/ehe wir das gebet vollend-
et hatten/wurde der Nordosten wind still vnd wehete nicht
dag

das mans mercken kundte/da fieng der Sudenwindt/den doch in der zeit jares nit vil pflegt zu regieren/an zuwehen/ mit eynem solchen donner vnd fwr/dz eym schrecken ward/ vnd das meer war sehr vngestümb/dann der Suden windt gegen des Nordwinds bulgen wehete/war auch so finster dz man nicht sehen konte/vnd das grosse fwr vnd donner machte das volck zaghaftig/das keyser wuste wo er zügreiffen solte die siegel zuwenden/Auch meynten wir nit anders/dan wir müsten die nacht alle ersauffen/so gab doch Gott/das sich das wetter änderte vnd besserte/vnd wir siegelten dahin da wir des tages her kömen waren/vñ suchten den hauingen von newem/aber konten in doch nicht erkennen/dannes waren vil insulen bei dem füßfesten lande.

Wie wir nun wider in 28. gradus kamen/sagt der hauptman zu dem Pilot/das wir hinder der inseln eynes fñhren/vñ lieffen eyn ancker zu grund gehen/vñ sehen doch was es für eyn landt were/Da fñhren wir zwischen zweyen landen hinein/daselbst war eyn schöner hauingen in/da lieffen wir den ancker zugrund gehen/wurden sins mit dem borte außzufahren den hauingen weiter zu erkunden.

Wie vnser etliche mit dem borte fñhren

den hauingen zubesichtigen/funden eyn Crucifix
auff eynen Klippen stehen. Cap. ix.

Vnd es war auff sanct Catharinen tag im jar 1549.
Als wir den ancker zu grund lieffen/vñ den selbigen tag fñhren vnser etlich wolgerüst den hauingen weiter zubesehen mit dem borte/vnd lieffen vns beduncken/es müste eyn rest sein die man heysset Rio de sancto Francisco/die ligt auch in der selbigen prouintz/ye weiter wir hinein fñhren/ye lens



ger die refier war. Vnd wir sahen vns vmb hin vnd wider/
 ob wir auch eynigen rauch ersehen konten/ aber wir sahen
 keynen/ Da bedauchte vns wir sehen hütten vor eyner wilt-
 nus in eynẽ grunde/ vnd fuhren hinbei/ da waren alte hüt-
 ten/ vnd vernamen keyne leut darinnen/ vnd fuhren fort an/
 so ward es abent/ vnd es lag eyn kleyne insel vor vns in der
 refier/ da fuhren wir an/ die nacht da zubleiben/ verhofften
 vns da am besten zubewachen. Wie wir bei die Insel kamen/
 war es

was es schon nacht/ vnd dorfften vns doch nit wol wagen/
das wir vns hetten ans landt begeben/ die nacht darbei zu
rñhen. Doch giengen vnser etlich rund vmb die insel her/ zu
besehen ob auch yemants darinne were/ aber wir vernamen
niemants. Da machten wir fewr/ vnd hieben eyne pal-
men baum vmb/ vnd assen den kern daruon/ daselbst enthiel-
ten wir vns die nacht/ des morgens frñ furen wir als weiter
zum land hinein/ Dann vnser meynung war gantz/ wir
wolten wissen ob auch leut vorhanden weren/ dann als wir
die alten hñtten gesehen hatten/ gedachten wir es mñssen ya
leut im lande sein. Wie wir nun also fort fuhren/ sahen
wir von ferrem eyn holz auff eyner klippen stehen/ das schi-
ne gleich als eyn creutz/ meyneten etliche wer das dahin wolt
bracht haben. Wir fuhren hinbei/ so war es eyn groñ hñl-
tzen creutz/ mit steynen feste vff die klippen gemacht vñ eyn
stñck voneynem faßboden war daran gebunden/ vnd in dem
faßboden waren buchstaben geschnitten/ konten es doch nit
wol lesen/ verwunderten vns/ was das fur schiffe mñchten
gewesen sein/ die solchs da auff gericht hetten/ wustten nit ob
das der hauingen were/ da wir vns versamlen solten.

Darnach fuhren wir wider fort an/ hinein von dem creutz/
weiter land auff zusñchen/ den boden namen wir mit. Wie
wir nu so fuhren/ saß eyner nider vñ laß die buchstaben vff
dem faßboden/ begund sie zuuerstehen/ war also darauff ge-
schnitten in Hispanischer sprach: Si vehu por ventura, ecky-
la armada desu Maiestet, Tiren vñ Tireaj Aueran Recado.

Das ist in teutsch souil gesagt: Ob hieher zur abent-
heru seiner Maiestet schiffe keme/ die schiessen eyn stñck ge-
schñtzes ab/ so werden sie weiter bescheyd bekommen.

Vnd fñhren schnell wider vmb bei das creutz/ vnd schossen
eyn falckenetlin ab/ vnd begunten weiter zum land hinein
zufahren.

Wie wir also fuhren/sahen wir fünf Nachen vol Wilder
leut/kamen stracks auff vns zügeruddert/so war vnser ge-
schütz bereydt/Wie sie nun nahen bei vns kamen/sahen wir
eynen menschen der hatte kleyder an/vnd hatte eynen bart.
Der stund vornein dem Nachen/vnd wir kanten jnen das
er eyn Christ war/Da rüfften wir jm zü er solte still halten/
vnd mit eynem Nachen bei vns kommen/spraache zuhalten

Wie er nun so nahe kam/fragten wir jnen in was Lant-
schafft wir weren/sagte er: Jhr seit in dem hauingen Schie-
mirein/heyst so auff der wilden leut sprach/vnd sagte/das
irs besser versteht/so heysset sanct Catharin hauingen/wel-
chen namen jm die geben haben/so sie erst erfunden.

Do erfreuerten wir vns/dann das war der hauingen so
wir suchten/waren darinn vnd wustens nicht/vnd kamen
auch auff sanct Catharinen tag daselbst hin. Wie höret jr
wie Gott den jenigen so in nöten sein/vnd jnen mit ernst an-
rüffen/hilffet/vnd sie errettet.

Da fragte er vns wo wir her weren/Da sagten wir/we-
ren des Königs schiffe vñ Hispanien/vnd wolten nach Rio
de Platta fahren/auch weren noch mehr schiffe vñ der reyse/
wir hoffeten (so es Gott geliebet) sie würden auch bald kom-
men/vnd daselbst wolten wir vns versamen. Da sagte er/
Es geschehe jm wol/vnd danckte Gott/dass er were vor dreien
jaren auß der prouinz Rio de Plata von der stette die man
nennt la Soncion/welche die Hispanier inhaben/herab bei
das Meer geschickt/welchs sein 300. meil wegs/das er solte
die Nation/welch man heysset Carios/so die Hispanier zü
freunden haben/dahin halten/das sie wurzeln pflanzen/
so Mandiocaheyst/vñ das die schiffe daselbst wider möchs-
ten (so sie gebroch hett) der Wilden leut victalia bekommen.
Welchs der hauptman also bestellet hatte/so die newe sette-
tunge in

tunge in Hispanien brachre/mit namen Capitan Salaser/
der auch wider mit dem andern schiffe kam.

Wir fähren mit jnen hin inn die hütten/da er vnter den
Wilden wonete/die thaten vns gütlich auff ire weise.

Wie ich geschickt wurd mit eynem Nachen voll wilder leut zu vnserm grossen schiffe.

Caput X.

Darnach hatt vnser Capitan den Man/so wir vnter
den Wilden funden/Das er eynen Nachen mit volck
bestellere/die solten vnser eynen bei das groß schiff fähren/
damit dasselbige auch dahin kame.

Da schickte der Capitan mich hin mit den Wilden leuten
nach dem schiffe/vnd wir waren drei nacht aussen gewesen/
das die im schiffe nicht wusten wie es vns vns stund.

Wie ich nun mit dem Nachen auff eynen armbrust schoss
nahe bei das schiff kam/machten sie eyn groß geschrey vnd
staltensich zur wehr/vnd wolten nit/das ich mit dem Nache
nen neher keme/sonder rieffen mir zu/wie das zu gienge wo
das ander volck bliebe/vnnd wie ich also alleyn mit dem
Nachen voll Wilder leut keme/vnd ich schwiige stille vnnd
gab jnen keyn antwort/Dann der Capitan befalhe mir/Ich
solte trawig sehen/zumercken was die in dem schiffe thun
wolten.

Wie ich jnen nun nit antwortet/rieffen sie vnter eynander/
es ist nicht recht vmb die sache/die andern müssen todt sein/

vnd sie kommen mit diesem eynem vnd sie villeicht mehr hinderhalts haben / das schiff also einzunemen / vnd wolten schiessen / Doch rieffen sie mir noch eyn mal zu / do fing ich an zu lachen / vnd sagte / seit getrost / gute newe zeitunge / lasset mich neher kommen so wil ich euch bericht geben / Darnach sagte ich jnen wie es vmb die sach wehre / das erfreueten sie sich hochlich vnd die wilden fuhren mit jren nachen widerumb heim. Vnd wir kamen mit dem grossen schiffe nahe bei der Wilden wonunge / daselbs liffen wir eynen ancker zu grunt / lagen da vnd warteten auff die anderen schiffe so sich im sturm wint von vns verloren hatten so noch kommen solten.

Vnd das dorff da die wilden wonen heysset Acutia vnd der man den wir da funden hies Johan Ferdinando vnd eyn Busckeyner aus der Stadt Bilba / vnd die wilden so da waren hieszen die Carios / die brachten vns vil wildfleysch vnd fische / darfue gaben wir jnen Angelbacken.

Wie das ander schiff vnser gesellschafte

ankam / so sich im Meer von vns verlorn hatt / darin der Oberste Steurman war. Cap. xj.

Wie wir vngeferlich drei wochen daselbst gewesen waren / kam das schiff / darin der oberste steurman war / Aber das dritte schiff war vmbkommen / darvon erfuhren wir weiter nichts.

Wir rüsteten widerumb zu fort an zufaren / hatten victalia versamlet für 6. Monat / dann wir hatten noch wol 300 meil zu wasser zufahren. Wie wir alle ding fertig hatten / eynes tages verloren wir das grosse schiff im hauingen / das die reyse also verhindert wurde.

Wir

Wie lagen da zwey jar in grosser gefar in der wiltnus/Lies den grossen hunger/musten eydeyen vnd feld Ratten essen/ vnd andere seltsame getier mehr so wir bekommen konten/ auch wasser schneln so an den steinen hangen/vnd der gleich en mer seltsamer speise. Die wilden so vns erstmals Victalia gnug zutrugem/wiesie wahr gnug von vns bekommen hatten/ entzog vns der meynste hauff auff ander orter/dorfften jnen auch nit wol vertrauen/so das es vns verdross da zuleigen vnd vmb zukommen.

Wurden derhalben eyns das der meynste hauff solte vber landt dahin zur Prouintz/die Sumption genant/reysen/welchs noch war. 300. meil vondannen / Die andern solten mit dem vberbliebenen schiff dahin kommen/ Der Capitan behielt vnser etlich bei sich/solten mit jm vber wasser fahren/ Die jenigen so vber landt zohen/namen Victalia mit/durch die wiltnis zuzihen/namēetlich Wilden mit sich/zohen hin/ aber irer vil waren von hunger gestorben/die vbrigen waren zur stette kommen / wie wir darnach erfuren / Vns andern ward das schiff auch zukleyn vber Meer zufaren.

Wie wir rahts wurden vnd fuhren nach
sancte Vincente/dadie Portugaleser das landt inne haben/ vermeynten noch eyn schiff von jnen zufrachten/ damit vnser reyse zuenden/litten durch grossen sturm des Meers schiffbruch/wusten doch nicht wie ferne wir von sancte Vincente waren. Cap. vij.

S haben nun die Portugaleser eyn insel hart bei dem süßesten lande eingenomen die heysset sancto Vincence (in der wilden sprach Urbioneme) Dieselbige prouintz ligt ongeferlich 70. meil wegs von dem ort da wir waren/da

war vnser meynung hin zufaren vnd zu sehen ob wir kanten
von den Portugalesern eyn schiff zuerfrachten bekommen/
in Rio de Plata zufaren/dan eyn schiff so wir noch hatten
war vns allen drinn zufaren zu kleyne. Das zuerforschen
fuhren vnser etlich mit dem Capitan Salasar genant/nach
der Insel sancte Vincente/vnnd vnser keyner war mehr da
gewesen/sonder eyner der hieß Roman/derselbige ließ sich
beduncken das landt wider zu finden.

Wir siegelten auß dem hawingen Inbiassape genant/ligt
xxviii. gradus Sudwert equinoctial/vnd kamen vnge-
ferlich zwen tag nach vnser auffart bei eyn insel/ Insula de
Alcatrazes genant/ongeferlich xl. meil von dannen da wir
aufffuhren/daselbst ward vns der windt zuentgegen/das
wir musten dabei anckern. In derselbigen insel waren vil meer
vögel/die man nennet Alcatrazes/die selbigen sind wol zu be-
komen/so war es an d zeit dz sie jungen zogen. Daselbs gieng
gen wir an landt vnd suchten süß wasser in der insel/vn funden
den noch alte hütten/vnd der wilden leut dopff scherben/die
vor zeiten in der insel gewonet hatten/vnd funden eyne kley-
ne wasserquellen vff eyner klippen/Daselbst schlugen wir den
vorgenanten vögel vil todt/vnd namen auch irer eyer mit zu
schiff/kochten derselben vögel vnd eyer. Wie wir nun gessen
hatten/erhüb sich eyn groß sturmwindt von den Suden/das
wir nerlich den ancker behalten kuntten/vn forchten vns sehr
der windt würde vns auff die klippen schlagen/Dasselbige
war schon gegen abent/vnd wir meynten noch in eynen ha-
wingen zukomen der heysset Caninee. Aber ehe wir dahin ka-
men/war es nacht/vnd konten nicht darein kommen/sonder fu-
ren von lande ab mit grosser gefahr/meynten nicht anders
dann die bulgen würden das schiff zustücken schlagen/das
es war auff eynem heupt landes/da doch die bulgen grösser
sein dann

sein dann mitten in der tieffe des meers/weit vom lande.

Vnd wir waren die nacht so weit vom land kommen/das wir es des morgens nit sehen mochten. Doch nach langem frigten wir das land wider in das gesicht/vñ der sturm war so groß/das wir vns nerlich lenger enthalten konten/da lies sich der bedüncken/so mehr im land gewesen war/ als er das land sahe / es were Sancte Vincente / vnd fuhren hinzu/da wurd das land mit nebel vnd wolcken bedeckt / das man es nicht wol erkennen konte/ Musten alles / so wir hatten / das schwer war / ins Meer werffen / dadurch das schiff leichter zu machen der groffen bulgen halben/waren also in grosser angst/furen hin/meyntenden hauingen zutreffen da die Portugaleser wonen/ Aber wir yreien.

Wie nun die wolcken cyn wenig auffbrochen/dz man das land sehen konte/ sagte der Roman/er liesse sich bedüncken der hauinge were vor vns/das wir stracks eyner klippen zu fuhren/da lege der hauinge hinter/Wir fuhren hinbei als wir hatt darbei kamē/ sahen wir nichts dan den todt vor augen/ dan es war der hauingen nicht/vnd musten recht auff's land fahren des wints halben vñnd schiffbruch leiden/die bulgen schlugen widder das landt das es cyn grewel war/da baten wir Gott vmb gnade/vnd hülf vnser seelen/vnd thaten wie schiffarenden leuten zugehört/die schiffbruch leiden müssen.

Wie wir nun nahe kamē da die bulgen ans land schlugen/fuhren wir so hoch auff den bulgen her / das wir so stickel hinab sahen/gleich als von eyner Mauer / den ersten stoß so das schiff an das land that/ging es von eynander/Do sprangen etliche heraus vñd schwammen vorth an ans landt/vñser etliche kamen vff den stücken zu land. Also halff vns Got allen mit eynander lebendig ans landt / vñd es wehete vñd regnete so sehr das wir gar vertollen waren.



Wie wir gewar wurden in was landt:
 schafft der Wilden leut wir den schiffbruch ges
 litten hatten. Caput xij.

Als wir nun an landt kōmen waren/danckten wir Goe:
 das er ons lebendig hatte zu lande kōnnen lassen/vnd
 waren doch gleichwol auch betrübt/dann wir wusten nicht
 wo wir sein mochten/dieweil der Roman das landt nicht
 recht:

recht erkante/ob wir weit oder nahe vñ der insel sancte Vin-
cente weren/ Oder ob auch Wilde leut da woneten/daruon
wir schaden empfaben möchten.

So lauffet vngeser-
lich vnser mitgesellen eyner/mit namen Claudio(der war
eyn frantzos) auff dem vfer hin/das er sich erwermen möch-
te/vnd sihet eyn dorff hinderm gehölze/darin waren die heu-
ser gemacht auff der Christen masse/vnd er gieng dahin/da
war es eyn flecke/darin woneten Portugaleser/vnd heysset
mit namen Jtenge Ehm/vnd ist zwo meil von sancte Vín-
cente.Da sagte er jnen wie wirda hetten eynen schiffbruch ge-
litten/vnd das volck were sehr erfroren/vnd wusten nicht wo
wir hin solten. Wie sie das höreten/kamen sie herauf
gelauffen vnd namen vns mit jnen in ire heuser/vnd bekley-
deten vns.Daselbst blieben wir etliche tage biß wir wider zu
vns selbs kamen.

Vondannen reyseten wir vber landt nach sancte Vincen-
te/Daselbst tharten vns die Portugaleser alle ehr an/ vnd
gaben vns eyn zeit lang die kost. Darnach fieng eyn yeder
etwas an/das er sich daruon enthielt. Wie wir da sahen/
das wir alle vnser schiff verloren hatten/schickte der haupt-
man eyn Portugalesisch schiffe nach vnserm andern volcke/
welches zu rucke blieben war in Byasape/dieselbigen auch
dahin zubringen/ wie es denn auch geschah.

Wie Sancte Vincente gelegen ist.

Caput XIII.

SANCTE Vincente ist eyn insel/ ligt hart bei dem füßer-
sten land/darinnen sein zwen flecken/ Eyner genant
in Portugaleser spraach Sancte Vincente.aber in der wilden
spraach Orbioneme/ & ander leit daruon vngeserlich 12 meil/

und heysset Ywawa supe/sonst leigen auch noch etliche besser in der inseln die heyszen Ingenio/vnnd inn den selbigen machet man den zucker.



Vnd die Portugaleser so darinnen wonen/haben eyne Nation Brasilianer zureunden/die heyszen Tuppin Itin/vnd die nation ires lands strecket sich in 80.meil wegs lang das landt hinein/vnd an dem meer her vnserlich 40.meil,
Vnd

Vnd die Nation haben off beyden seiten feinde nach der
Sud seiten/vnd auch nach der Nordt seiten. Ihre feind auff
der Sud seiten heysen die Carios/Vnd die feinde auff der
Nord seiten heysen die Tuppim Inba. Auch werden sie von
iren feinden Tawajjar geheysen/ist so vil gesagt/als feind/
die selben haben den Portugalesern vil schaden gethon vnd
müssen sich noch heutiges tags fur inen forchten.

Wieder ort heysset da her inen die
meyste verfolgung geschabe von den feinden/
vnd wie er gelegen sei. Cap. XV.

Vsligt eyn ort landes funff meil von sancte Vincente
der heysset Buitoka/an dem ort kommen ire feinde
die wilden leute erstlich an/vnd saren zwischen eyner inseln
die heysset sancto Waro/vnd dem fassfesten lande hindurch.

Die selbige farr den Wilden zubenemen/waren etliche
Mammelucken gebrüder/ir vatter war eyn Portugaleser/
vnd ire mutter war eyn Brasiliansche frau/die selbigen wa-
ren Christen/geschickt vnd erfahren/beyde in der Christen vnd
auch in der Wilden leut anschlegen vnd spraachen. Der eltest
hieß Johan de Praga/Der ander Diego de Praga/der drit
Domingus de Praga/der vierdte Francisco de Praga/der
funffte Andreas de Praga/vñ ir vatter hieß Diago de Praga.

Dies funff Buiden hatten fürgenommen/vngeferlich vor
zweyen jaren/ehe ich dahin kam/mit noch Wilden leuten/
so ire Freunde waren/da selbs eyne Festunge hin zumachen/
gegen die feinde/auff der Wilden leut gebrauch/welches sie
auch gethan hatten.

Derhalben auch etliche Portugaleser / dahin zu jnen gezogen / daselbs zu wonē / dieweil es eyn fein landt war / solchs hatten jre Feinde verspeiet die Tuppim Imba / vnd sich in jrem lande gerisset / welchs vngeferlich 25. meil daruon anfahet / vnd waren eyne Nacht da an kommen / mit 70. Nachen vñ hatten sie / wie jr gebrauch ist / in der stunde vor tage / angefallen / vnd die Amalucken sampt den Portugalesern / waren in eyn hauß gelauffen / welchs sie vñ erden gemacht / vnd sich geweret / Die andern wilden leut aber hatten sich in jren hütten zu hauff gehalten vnd sich geweret / dieweil sie gekont hatten / So das der feinde viel waren todt blieben / Doch zum letzten hatten die feinde die Oberhant kriegen / vnd den flecken Brickioka angesteckt / vñ die wilden alle gefangen / aber den Christen welcher vngeferlich mochten 8. gewesen sein / vnd den Ammalucken / hatten sie nichts thun können / in dem hause / Dann Gott wolte sie bewaren / Aber die anderen wilden so sie da gefangen / hatten / sie so bald voneinander geschnitten vnd gereylet / vnd darnach widerumb in ire landtschafft gezogen.

Wie die Portugaleser / Brickioka wieder vffgerichtet hatten / darnach eyn bolwerck in die Insel sancto Maro machten.

Caput XVI.

Darnach daucht es die Obersten vnd gemeyne gut sein / das man den selbigen Ort nit verlasse / sondern bawete dahin auff s sterckeste / Dieweil man daselbs das gantzeland verthedingen konte / solchs hatten sie gethon.

Wie nun die Feinde solchs vermerckten / das flecklein Brickioka jnen zu stark war / an znfallen / fuhren sie die nacht gleichwol

gleich wol vor dem flecken vber/zu wasser/vnd namen zum
beut wen sie bekönnen konten vmb sanct Vincente her. Dann
die inwendig im land woneten/meyneten sie hetten keyn not/
dieweil der fleck da in der gegenheyt arffgerichtet vnd beses
stiget war/vnd darüber lidden sie schaden.

Darnach bedachte die inwoner/sie wolten in die Insel
sancte Maro/welches hart gegen Brückiota vber ist/ auch
eyn hauß hart auff das wasser bawen/ darein geschütz vnd
leut thun/solche fart den Wilden zumerhindern. So hetten
sie nun eyn Bolwerck in der insel angefangen/doch nicht ge
endet/vrsach/wie sie mich berichten/das mal keyn Portuga
leser büchsen schütz sich darein wagen wolte.

Ich war da den ort landes zubesehen. Wie die inwoner
nun hörten/das ich eyn Teutscher war/vnnd mich ettwas
auffs geschütz verstund/begerten sie von mir/ob ich wölte in
dem hause in der inseln sein/vnd da der feinde helfen war
ten/sie wölten mir mer gesellen verschaffen/vnd mir eyn gü
te besoldung geben. Auch sagten sie/wo ichs thette/Ich sol
te es gegen dem Könige genießen/Dann der König pflegte
sonderlich denen/so in solchen neuen landen hülffe vñ rabe
geben/ir gnediger herz zusein.

Ich ward mit ineneyns/das ich vier monat in dem hauß
dienen solt/Darnach würde eyn Oberster von des Königs
wegen da ankönnen mit schiffen/vnd eyn steynen blochhauß
dabin machen/welches dann stercker sein würde/wie auch
geschah. Die meyste zeit war ich in dem bloch hauß selb drit
te/hatte etlich geschütz bei mir/war in grosser gefar/der Wil
den halben/dan das hauß nit fest war/musten auch fleissig
wacht halten/darmit die Wilden nit heymlich in der nacht
bei hin führen/dan sie sich etliche mal versuchen/ydoch halff
vns Gott das wir irer gewar worden in der wachte.

Ungefährlich nach etlichen Monaten kam der Oberste von
des Königs wegen/dann die gemeyne hatte dem Könige ge
schrieben wie grossen vbermüt die Feinde dem Ort Landes
theten von 8 selbigen seiten her. Auch wie eyn schönes landt
es were/nicht nützlich solches zuuerlassen. Das zuuerbessern
kam der Oberste Tome de Susse genant/vnd besah den ort
lands/vñ die stette/so die gemeyne gern feste gemacht hette.

Da zeygte die gemeyne dem obersten an den dienste so ich
inen gethon hette/mich da inn das hauß begeben/da sonst
keyn Portugaleser in wolte/dann es vbel bestiget war.

Dasselbige behagte im wol/vnd sagte er wolte mein sach
beim Könige antragen/wann im Gott wider inn Portugal
hülffe/vnd ich solts geniessen.

Meine zeit/so ich der Gemeyne hatte zugesagt zudienen/
war vmb/nemlich 4. monat/vnd ich begerte vrlaub/Aber
der Oberste/mit sampt der gemeyne/begerten/das ich noch
wolteeyn zeitlang indienste bleiben. Darauff ich inendas
ja gab/noch zwey jar zudienen/vnd wann die zeit vmb were/
solte man mich sonder eyniges verhindern/mit den ersten
schiffen darinch kömen konte/lassen nach Portugal siegeln/
da solte mir mein dienst vergolten werden. Des gab mir der
Oberste von wegen des Königs meine privilegia/wie da ge
breuchlich ist zugeben den Königes büchsen schützenso es be
geren. Sie machten das steynen bolwerck/vnd legten etliche
stück geschützes drein/vnd das bolwerck sampt dem geschütz
wurd mir besolhen gute wach vñ vffsehens drein zuhaben.

Wie vnd auß was vrsachen wir der feinde

uns eyne zeit im jar mehr dann die ander vermü
ten mußten.

Cap. xxv.

Win.

Wir mussten vns aber irer auff zwo zeite im jare mehr
besorgen dann sunst/ furnemlich wen sie irer feinde
landt mit gualt gedencen einzunemen/ Vnd diese zwo zeit
sein/ die eyn im Monat Nouembri/ so werden erliche frucht
reiffe/ die heysset auff ire sprache Abbati/ daruon machen sie
eyn getrencke/ dz heysset Kaa. wy. Darneben haben sie dan
die wurtzel Mandioca / die mengen sie auch etwan darun
ter/ vnd umb der getrencke willen/ wann der Abati reiffe ist/
wann sie widerumb auß dem kriege kommen/ das sie dan des
Abatis haben/ ire gediencke darauff zumachen/ iren feind/
wann sie deren gefangen haben/ darbei zuessen/ vnd frewen
sich eyn ganzes jar darauff/ wann die Abati zeit kompt.

Auch mussten wir vns irer vermüten im Augusto / dann
ziehen sie eyner art fische nach/ die selbigen steigen auß dem
meer in die süßen wasser so ens meer fließen/ das sie darinnen
leychen/ Dieselbigen heysen auff ire sprache Bratti/ Die His
panier heysen sie Lysses. Vmb die selbigen zeit pflegen sie
auch gemeynlich außzufaren vnd zustreiten/ darmit sie
essens halben desto besser hinkommens haben. Vnd dersel
bigē fische fahen sie vil mit kleynen gernlein/ schießen sie auch
mit pfeilen/ führen irer vil gebraten mit heym/ machen auch
meel darauff/ welches sie heysen Pira Kui.

Wie ich von den wilden gefangen

wurd/ vnd wie sichs zutrüg. Cap. xvij.

Ich hatte eynen wilden man/ eynes geschlechts/ welche
heysen Carios/ der war mein eygen/ der fing mir wild/
mit dem gieng Ich auch vnterweilen in den Walt.

Es begab sich aber auff eyn zeit/ das eyn Hispanier aus
der Insel Sancte Vincente zu mir kam in die Insel Sancte



Waro/welchs 5. meil von dannen ist/in das bolwerck/darin
 ne ich wonete/vnd noch eyn teutscher hies mit namen Helio
 dorus Hessus, Eobani Hessi seligen Son / der selbige war in der
 Insel Sancte Vincente/in eynem Ingenio/in welchen man
 den zucker machet/vnd das Ingenio war eynem Genueser der
 hieß Josepe Onio/vñ dieser Heliodorus war der Kauffleut
 schreiber vnd aufrichter die zu dem Ingenio gehörten (In
 genio heysen heuser darinne man zucker macht) Mit dem
 selbigen

selbigen Heliodoro hatte ich zuuor mehr kuneschafft gehabt/
dass do ich mit den Hispaniern den schiffbruch da vnter lan-
de leyd/innen da in der Insel sancte Vincente fand/vnd er mir
freundschaft bewiese/Er kam zu mir/wolte sehen wie mirs
gieng/Dann er hatte villeich gehört ich were krank.

Ich hatte meinen Schlauen den tag zuuor in den walt
geschickt Wild zufahen. Ich wolte des andern tages komen
vnd es holen/das wir möchten etwas zuessen haben/Dann
man da im land nicht vil mehr hat dann was auß der wille
nus kompt.

Wie ich nun so durch den walde gieng/erhüb sich vff bey
den seiten des wegs eyn groß geschrey auß der wilden leut ge-
brauch/vñ kamen zu mir ingelauffen/da erkante ich sie/vnd
sie hatten mich alle rund vmb her bezirckt/vnd ire bogen vff
mich mit pfeilen gehalten/schossen zu mir ein. Da rufft ich/
Nun helff Gott meiner seelen. Ich hatte das wort kaum so
bald auß gesagt/sie schlugen mich zur erden/schossen vnnd
stochen vff mich/Noch verwundeten sie mich (Gott lob) nit
mehr/dann in eyn beyn/vnd rissen mir die kleyder vom leib/
Der eyne die halstappen/der ander den hüt/der dritte das
hembd/vnd so vort an. Siengen da an vnd kieben sich vmb
mich/der eyne sagt er were der erste bei mir gewesen/der an-
der sagte er hette mich gefangen. Dieweil schlugen mich
die andern mit den handebogen. Doch zum letzten hüben
mich zwen auff von der erden da ich so nacktet war/der eyne
name mich bei eynem arm/der ander bei dem andern/vnnd
erliche hinter mich/vnd erliche vor mir her/vnnd lieffen so
schwinde mit mir durch den walde nach dem meer zu/da sie
ire nachen hatten. Wie sie mich bei das meer brachten/
da sahe ich ungeferlich eynen steynwurff oder zwen weit ire
nachen stehen/die hatten sie auß dem meer vffs landt gezo-

gen vnter eyne becken/ vnd jrer noch eynen grossen hauffen da
bei/ Wie mich dieselbigen sahen daher leyten/ lieffen sie mir
alle entgegen/ waren geziert mit feddern vff jren gebrauch/ vñ
bissen inn jre arme/ vnd dieweten mir/ also wölten sie mich
essen. Vnd es gieng eyn König vor mir her/ mit dem holze
damit sie die gefangenen tod schlagen/ Der predigte vnd sag-
te/ wie sie mich jren schlauden den Perot (so heysen sie die Por-
tugaleser) gefangen hetten/ vnd wölten nun jrer freunde tod
wol an mir rechen. Vnd wie sie mich bei die nachen brach-
ten/ schlugen mich jre etliche mit feusten. Da eilten sie vnter
eynander/ das sie die nachen wider ins wasser schoben/ dann
jnen leyd war das in Brictioka eyn Allern würde wie auch
geschach.

Ube sie nun die Nachen wider ins wasser brachten/ bun-
den sie mir die hende zu samen/ vnd sie waren nit alle auß
eyner wohnunge/ eyn yeden Aldea verdros/ das sie soltenn
ledig heymfahren vnd lieben mit den beyden/ so mich bebiels-
ten/ etliche sagten/ sie weren eben so nahe bei mir gewesen/ als
sie/ vnd sie wolten auch jr teyl von mir haben/ vnd wolten
mich da auff der stedde gleich todt schlagen.

Da stund ich vnd Betere/ sahe mich vmb nach dem schla-
ge/ doch zum letzten hub der könig an/ so mich behalten wols-
te/ vnd sagte/ sie wolten mich lebendig heymfahren/ auff das
mich auch jre weiber lebendig sehen/ vnd jre fest mit mir het-
ten. Dan so wolten sie mich Kawewi pepicke töten/ Das
ist/ sie wolten gedrencke machen vnd sich versamen/ eyn fest
zumachen/ vnd mich dan mit eynander essen/ Bei den Worten
lieffen sie bleiben/ vnd bunden mir 4. stricke vmb den hals/
vnd musste inn eyn nachen steigen/ dieweil sie noch auff dem
lande stunden/ vnd bunden die ende der stricke an den Nache
vnd schoben sie ins Meer widerumb heym zufahren.

Wie

Wie sie mit mir wolcen wider zu ruck

fabien vnd die vnsern ankamen/meyneten mich jnen
wider zunemen/vnd sie sich wider zu jnen wanten/
vnd scharmützelten mit jnen. Cap. xix.

VSligt eyn kleyne insel bei der insel darin ich gefan-
gen wurd/in der nisten wasser vögel die heysen V-
wara/haben rote feddern/fragten mich/Ob ire Feinde die
Tuppin Jkins das jar auch da gewesen weren/vñ die vögel
bei iren jungē gefangen hetten/Da sagte ich ja/Aber sie wol-
rens gleichwol besehen/Dann sie achten die feddern gros so
vondenvögeln kommen/Dann all jr zierat ist gemeynlich
vō feddern gemacht.Vnd der vorgenanten vögel Vwara art
ist/wann sie jung sein/die ersten federn so jnen wachsen/sein
weiß graw/Die andern aber wann sie flück werden/sein sie
schwarz graw/damit fligen sie ungeferlich eyn jar/darnach
werden sie so rot als rote farbe. Vnd sie führen hin nach
der insel/meyneten der vögel anzutreffen.Wie sie nun ungefer-
lich zwen bixenschosse von dem ort kamen/da sie die nachen
stehen hatten/saben sie zu rucke/da war es voll daselbs der
wilden Tuppin Jkin/auch etliche Portugaleser vnter jnen/
dann es volgete mir eyn schlaue/wie ich gefangen wurd/der
selbige entkam jnen/vnd hatte eynen lermen gemacht/wie sie
mich gefangen hetten/so/das die meyneten mich zuerlösen/
vnd rieffen denen so mich gefangen hatten/das sie zu jnen ke-
men weren sie kü vñ scharmützelten.Vnd sie kereten mit den
nachen wider vmb zu denen ans landt/vnd die vff dem land
schossen mit roren vnd pfeilen zu vns ein/vnd die in den Na-
chen wider zu jnen/vnd bunden mir die hend widerumb los/
aber die stricke vmb den hals waren noch feste gebunden.

So hatte nunder könig des Nachens/da ich innen war/

Inhalt
dieses ca-
tels ist in
der figur
des 14.
capitels
begriffen
in d. 14.

eyn rohr vnd eyn wenig puluers/welches ime eyn Franztose
fur Brasilien holze gegeben hatte/das musste ich auff die an-
lande abschieszen.

Wie sie so eyn weile gescharmützelt hatten / besorgten sie
sich das sich die andern auch etwan mit nachen sterckten/vñ
inen nach eilten/vnd fuhren von dannen/vnd es wurden irer
drei geschossen / vnd sie furen ungeferlich eynen halckenetlin
schosß bei dem bolwerck zu Bickiota her / da Ich pflegte inne
zu sein / vnd wie wir so vor vber fuhren / musste ich in dem nach-
en vff stehn das mich meine / gesellen gesehen konten / da schos-
sen sie auß dem bolwerck zwei grober stück ab vff vns / aber
sie schossen zu kurz.

Mitler zeit kamen etliche nachen von Bickiota vns nach-
gefahren / vnd meynten sie wolten vns erlangen / aber sie rud-
derte zugeschwind hinweg / wie solchs die freund sahen dz sie
nichts geschaffen konten kereten sie widerüb nach Bickiota.

Was sich auff der wider vmb reyse

begab nach irem lande. Cap. 20.

Wie sie nun ungeferlich 7. meil wegs von Bickiota
hinweg waren nach irer Landschaft / war es nach
der Sonnen zurechnen gegen abent vmb 4. vhr / vñnd war
des selbigen tages wie sie mich gefangen hatten.

Vnd sie fuhren bei eyn insel vnd zohen die nachen an land /
vnd meynten die nacht da zubleiben / vñnd zogen mich auß
dem Nachen an land. Als ich auff das landt kam / konte ich
nit sehen / dan ich vnter dem angesicht zerschlagen war / auch
nicht wol gehen / musste inn den sant leigen der wunden hals-
ben so ich im beyn hatte. Sie stunden vmb mich her / vñnd
draweten mir wie sie mich essen wolten.

Wie ich



Wie ich nun in so grosser angst vnd jamer war / bedach-
te das ich vor nie betrachtet / nemlich der betrübte jamertal /
darinn wir hie leben / vnd ich fieng an mit weynenden augen
zu singen auß grundt meines hertzen den Psalmen:
Aus tieffer not schrei ich zu dir 2c.

Da sagten die Wilden: Sibe wie schreiet er / ytz jamert in.
Darnach dauchte sie / es were nicht gute legerung in der ins-
seln / die nacht da zu bleiben / vnd fuhren wider nach dem fuß
festen lande / daselbs waren hütten / die sie vormals gebawet

hatten/vnd es war in der nacht/wie wir dahin kamen/Vnd
 sie zogen dienachen auff's landt/vnd machten ferner/vnd ley-
 teten mich darnach darbei/Da muste ich in eynē netze schlaf-
 fen/welchs sie in irer sprache Jnni heysen/die sein ihre Bette/
 vnd binden sie an zwen pfele/ober die Erden/odder ist es
 inn eynem walde/so binden sie es an zwen beume/die stricke
 so ich an dem halse hatte/bunden sie oben an eynen baum/
 vnd sie legten sich die nacht vmb mich her/verspotteten mich



vnd

vnd hießen mich/a. ff ire sprache/ Schere inbau ende/Du
bist mein gebundenes Tier.

Ehe munder tag anbrach fuhren sie wieder aus/vnnd rud-
derten den gantzen tag/vnd vngeserlich wie die sonne vmb
Vesper zeit stund waren sie noch zwo meil von dem ort/da
sie sich die nacht hin legeren wolten/So erhebet sich eyn gros-
se schwarze wolcke/vn komet hinter vns her/ sehr schrecklich/
vnd si ruderten schwinde /das sie möchten an land komen/
vmb der wolcken vnd winds willen.

Wie si nun sahen/das sie jr nit entfahren konten/Sagten
sie zu mir/Ne mungitta dee. Tuppan do Quabe, amanasu y an
dee Imme Rannime sis se Das ist so vil gesagt.

Kedem mit deinem Gott/das vns der grosse regen vnd wint
keynen schaden thu. Ich schweyg stille vnd thet mein ge-
bete zu Gott/ dieweil sie es von mir begerten vnd sagte:

O du Almechtiger Gott/du hymlicher vnd erdtrichs ge-
walt haber/der du von anbegin/denen/die deinen namen an-
ruffen/ geholffen vnd sie erhört hast/vnter den Gottlosen/
erzeyge mir deine barmhertzigkeyt/auff das ich erkennen mö-
ge/das du noch bei mir seiest/vnd die Wilden heyden/so dich
nit kennen/sehen mögen/das du mein Gott mein gebet erhö-
ret hast.

Ich lage in dem nachen gebunden/das ich mich nit vmb
sabe nach dem wetter/aber sie sahen stets hinder sich/ sien-
gen an zusagen: Oqua moa amanasu. Das ist so vil ge-
sagt: Das grosse wetter gebet hinter sich. Da richtet ich
mich eyn wenig auff/vnnd sabe hinder mich/das die grosse
wolcke vergieng/da danckreich Gott.

Wie wir nun an landt kamen/ thetten sie mit mir gleich
wie vorhin/ bunden mich an eynen baum/vnnd lagen des
nachts vmb mich her / vnnd sagten / wir weren nun nahe

bei jrer Landtschafft / wir würden den andern tag gegen
abent daran kommen/welches ich mich gar wenig frewete.

Wie sie des tages mit mir ombgien-
gen/da sie mich bei jre wonungebrachten. Ca. 21.

Desselbigen tages vngeserlich nach der Sonnen zu-
rechnen/wars omb vesperzeit als wir jre wonungen
sahen/waren also drei tage vff der heymfart gewesen. Dañ
es waren dahin ich geführet wardt/dreissig meil wegs/von
Bückiota da ich gefangen wurd.

Wie wir nun hart bei jre wonungen kamen/war es eyn
dörfflin das hatte sieben hütten/vnnd nanten es Warribi.
Wir führen auff eyn vser landes welchs vff dem Meer ligt/
da hatte bei waren jre weiber in jren wurtzel gewechs/wel-
ches sie Wandiota heysen. In demselbigen wurtzel ge-
wechs giengen vil jrer weiber vnnd rissen wurtzeln auß/den
musste ich zu rüffen inn jrer sprach: A Junesche been erme
vramme. Das ist: Ich ewer essenspeise komme.

Wie wir nun an landt kamen/ lieffen sie alle auß den hüt-
ten(welchs auff eynem berge lage) jung vnd alt/mich zubes-
ehen. Vnd die männer giengen mit jren bogen vnd pfeilen
nach jren hütten/vnd besolben mich jren weibern/dieselbigen
namen mich zwischen sich/vnd giengen etliche vor mir/
vnd etliche hinter mir her/Sungen vnd tanzten an eynem
singen/die gesenge so sie den eygenen leuten pflegen zusingen
wann sie die wollen essen.

Wie sie mich nun vor die hütten Wwara/das ist vor jre Fe-
stunge brachten/welche sie machen rund vmb jre hütten her/
von grossen langē reydeln/gleich wie eyn zaun vñ eyn gartē.

Das thut

Das thun sie vmb irer feinde willen/ Wie ich nun hinein
kam/ lieff das frauen volck zu mir/ vnd schlugen mich mit
feusten/ vñ raufften mich bei dem bart/ vnd sprachen in irer
sprach: Sche innammepipite a e. Das ist so vil gesagt:
Den schlag reche ich an dir von meines freunds wegen/ Den
die/ darunter du gewesen bist/ getödtet haben.

Darnach furten sie mich in die hütten/ da muste ich in eyn
Juni leigen/ da kamen die weiber vor vnd nach schlügen vnd
raufften mich/ vnd draweten mir wie sie mich essen wölten.

So was das Was volck in einer hütten bei eynander/
vnd truncken die getrücke welche sie Kawi nennen/ vnd hats
ten ire Götter bei sich/ Tammerta genant/ vnd sungen ihnen
zun ehren/ das sie ihnen so wol geweissaget hatten dz sie mich
fangen solten.

Solchen gesang höret ich/ vñ es kam inn eynen halben
Stund kein mans volck bei mich/ dan alleyn weiber vnd kind.

Wie meine beyden Herrn zu mir kamen
vnd sagten mir/ wie sie mich irer Freunde eynem
verschenckt hetten/ der solte mich verwaren
vnd tod schlagen/ wenn man mich essen
wolte. Caput xxij.

Ich wuste iren gebrauch so wol nicht als ich in darnach
erfuhr/ vnd gedacht/ Vñ rüsten sie zu dich zu tödten/
Ober eyne kleyne weil kamen die so mich gefangen hatten/
mit namen Jeppipo Wasu/ vnd sein brüder Alkindar Wiri/
Sagten/ Wie sie mich ihres vatters brüder Jpperu Wasu/ auß
freuntschafft geschenckt hatten/ derselbige solte mich verwa
ren/ vñ mich auch tod schlagen/ wann man mich essen wolte/
vnd jne also eynen namen mit mir machen.

Dann derselbige Jpperu Wasu hette vor eynem jar auch
eynen schlauchen gefangen/ vnd inen dem Altindar Wiri auß
freuntschafft geschenkt. Den selbigen ertodt geschlagen/ vnd
eynen namen darnon gewunnen hatte. So das der Altindar
Wiri dem Jpperu Wasu verheyssen hette/ den ersten so er
fienge/ ime wider zuschenken/ Der jenige ich da war.

Weiter sagten die vorgenante beyde so mich gefangen hats
ten/ Yetzt werden die frawen dich aufführen/ A prasse/ Das




wort

wort verstand ich da nicht/es heysset aber tanzen/also zohen
sie mich wider mit den stricken/so ich vmb den hals hatte/
Aus der hütten/auff den platz/ Es kamen alle weiber/so in
den sieben hütten waren/vnd grieffen mich an/vñ das mans
volck gieng daruon. Da leyreten mich die weiber/etliche
bei den armen/etliche bei den strickē so ich vmb den hals hat-
te/so hart das ich kaum den arthem konte holen/Also zohen
sie mit mir hin/ich wüßte nicht was sie mit mir in dem sinne
hatten/mit dem wurd ich ingedenck/des leidens vnseres Er-
lösers Jesu Christi wie dervon den schñoden Jüden vñschäl-
dig leyd/Dardurch tröstete ich mich vñd war desto gedültri-
ger/Do brachten sie mich vor des kñiges hütten/der hieß
Dratunge Wasu/Das ist vñtentsch gesage/der grosse weisse
vogel/vor des selbigen hütten lag eyn heuff in frisch erden/da
suhiten sie mich bei/vnd satzten mich darauff/vñ etliche hiel-
ten mich/da meynte ich nicht anders/dann sie wurden mich
da als bald zu tod schlagen/vnd sahe mich vñb nach dem
Zwera Pemme/darmit sie die leut erschlagen/vnd fragte ob
sie mich so balt töden wolten/da sagten sie/noch nit/da kam
eyne frau aus dem hauffen bei mich/vnd hatte eyn schiber
stück von eynem Christallē/zwischen eynem dinge gleich als
gebogen reißlin/vnd schar mir mit dem selbigen Christallen
die weimbron an den augen ab/vnd wolte mir den bart vom
maul auch abschneiden/solchs wolt ich nit leiden/vnd sagte
sie solten mich mit dem bart töden. Da sagten sie/sie
wölten mich noch nicht töden/vñnd lieffen mir den bart.
Doch nach etlichen tagen schnieden sie mir jnen ab mit eys-
ner scheer/so die frantzosen jnen geben.

Wie sie mich mit mir tanzten vor den hütten/

darinne sie die abgötter Tamerka hatten. Ca. 24.

Darnach





Darnach fuhren sie mich von dem Ort / da sie mir die
 augenbrauen ab geschoren hatten / vor die hütten /
 da die Tammertä ihre abgötterin ware / vnd machten eynē
 runden kreis vmb mich her / da stund ich mitteninnen / vnd
 zwey weiber bei mir / vnd bunden mir an eyn beyn etliche
 dinger an eynes schuren / die raffelten / vnd bunden mir auch
 eyne scheibe von vögel schwentzen gemacht / war vierecket /
 binden

binden auff den hals das sie mir vber das heubt gieng / vnd
beyßet auff ire sprache Arasoya / darnach fieng das weibs
volck alle mit eynander an zusingen / vnd gleich wie jr thon
lauter / so mußte ich mit dem beyne / daran sie mir die rasseln
gebunden hatten / nider treten / vff das es rasselte vnd zus
sammen stimmere. Vnd das beyndarin ich verwundet war
het mir so wehe / das ich kaum stehen kunte / dann ich war
noch nit verbunden.

Wie sie mich nach dem tanze dem

Ipperu Wasu / der mich tödten solte / heym
brachten. Caput xviij.

Wie nun der tanze eyn ende hatte / ward ich dem Ipp
peru Wasu oberliffert. Daselbst hatten sie mich in gü
ter bawarung. Da sagte er mir / Ich hettenoch etlich zeit zu
leben / Vnd sie brachten ire abgötter alle so in der hütten wa
ren / vnd setzten sie vmb mich her vnd sagten / Die hetten ge
weissaget / das man eynen Portugaleser hetten sollen fangen.
Da sagte ich / Die dinger haben keyne maacht / vnd können
auch nicht reden / vnd liegen / das ich eyn Portugaleser bin /
sonder ich bin der Frantzosen freund verwanten eyner / Vnd
das land da ich dabeyne bin / heysset Allemanien. Daruff
sagten sie / Das müste ich liegen / dann wann ich der Frantz
osen freund were / was ich dann vnter den Portugalesern het
sie wusten wol / das die Frantzosen eben so wol der Portuga
leser feinde weren als sie. Dañ die Frantzosen kómen alle jar
mit schiffen / vnd brechtē jnen Messer / Eyre / Spiegel / Rem
me vnd Scheren / vnd sie geben jnen Brasilienholz / Baum
woll / vnd andere wahr / als federwerck vnd pfeffer darfür.
Derhalben weren es ire güte freund / welchs die Portugaleser
also nicht gethan hetten / Dann sie weren / in verlegen saren /

da ins land kommen/ vnd hetten / da sieitz noch woneten/
vnter iren feinden freundschaft gemacht/ vnd darnach were
sie zu jnen auch kommen / vnd mit jnen zuhandelen begert/
vnd sie weren aus güter meynunge an ire schiffe komen vnd
darein gestigen/ gleich wie sie noch heutiges tag theten / mit
den Französchischen schiffen/ vnd sagten wen daß die Portu
galeser irer gunung inschiffe gehabt/ hetten sie sie den angegrif
fen/ gebunden vnd jren feinden zugeführt vnd denen geben die
hetten sie den gedötter vnd gessen/ vnd irer etlich hetten sie
mit iren geschütz zu tod geschossen/ vnd vil hochmüt mehr/
so jnen die Portugaleser gerhan hetten / auch weren sie offt
mals mit iren feinden zu kriege kommen/ sie zuffangen.

Wie mir die so mich gefangen hatten/

zorniges mits klagten/ vnd das die Portugaleser
iren vatter erschossen hetten/ das wolten sie an
mir rechen. Cap. xxvj

Und weiter sagten sie/ das die Portugaleser/ denen bey
den so gebrüder waren/ vnd mich gefangen hatten/
irem vatter eynen arm abgeschossen hatten/ also das er gestor
ben were/ vnd desselbigen ired vatters tod / wolten sie nun an
mir rechen. Darauff sagte ich was sie das an mir rechen
wolten ich were keyn Portugaleser / ich were kurtz mit den
Castilianern dahin kommen/ eynen schiffbruch gelitten/ wer
der vrsach halben so vnter jnen blieben.

So war eyn junger gesel von irem geschlecht/ welcher der
Portugaleser schlaue gewesen war/ vnd die wilden/ darunter
die Portugaleser wonen/ waren daselbst hin/ in der Tuppin
Inbalandt zu krieg gefaren/ vnd hatten eyngantz dorff ein
genommen/ vnd die Eltisten hatten sie gessen. Vnd was
von

da ins land kommen/ vnd hetten / da sieitz noch woneten/
vnter iren feinden freundschaft gemacht/ vnd darnach were
sie zu jnen auch kommen / vnd mit jnen zuhandelen begert/
vnd sie weren aus güter meynunge an ire schiffe komen vnd
darein gestigen/ gleich wie sie noch heutiges tag theten / mit
den Französchischen schiffen/ vnd sagten wen daß die Portu
galeser irer gunung inschiffe gehabt/ hetten sie sie den angegrif
fen/ gebunden vnd iren feinden zugeführt vnd denen geben die
hetten sie den gedörrt vnd gessen/ vnd irer etlich hetten sie
mit iren geschütz zu tod geschossen/ vnd vil hochmüt mehr/
so jnen die Portugaleser gerhan hetten / auch weren sie offt
mals mit iren feinden zu kriege kommen/ sie zuffangen.

Wie mir die so mich gefangen hatten/

zorniges mits klagten/ vnd das die Portugaleser
iren vatter erschossen hetten/ das wolten sie an
mir rechen. Cap. xxvj

Drd weiter sagten sie/ das die Portugaleser/ denen bey
den so gebrüder waren/ vnd mich gefangen hatten/
irem vatter eynen arm abgeschossen hatten/ also das er gestor
ben were/ vnd desselbigen ires vatters tod / wolten sie nun an
mir rechen. Darauff sagte ich was sie das an mir rechen
wolten ich were keyn Portugaleser / ich were kurtz mit den
Castilianern dahin kommen/ eynen schiffbruch gelitten/ wer
der vrsach halben so vnter jnen blieben.

So war eyn junger gesel von irem geschlecht/ welcher der
Portugaleser schlaue gewesen war/ vnd die wilden/ darunter
die Portugaleser wonen/ waren daselbst hin/ in der Tuppin
Inbalandt zu krieg gefaren/ vnd hatten eyngantz dorff ein
genommen/ vnd die Eltisten hatten sie gessen. Vnd was
von

von jungen waren/etliche den Portugalesern für wahr verbeutret/Also das diser junger gesel auch den Portugalesern verbeutret war/vnd inn der gegenheyt Brictioka bei seinem herin war/welcher hieß Antonio Agudin/eyn Gallicianer.

Den selbigen schlauen hatten die so mich fiengen vngeserlich drei monat vor mir gefangen.

Wieweil er nu von irem geschlecht war/hatten sie jnen nit getödtet/Derselbige schlaue kante mich wol/den fragten sie was ich für eyner were/Er sagte es were war/das ich da eyn schiff am lande verloren hatte/vnd die leut so darvon kömen waren/betten sie Castilianer geheysen/vnd weren der Portugaleser freunde/mit denselbigen were ich gewesen/weiter wiste er nit von mir.

Wie ich nu hörte/vnd auch zuvor verstanden hatte/das Franzosen vnter jnen waren/vnd auch mit schiffen da pflegten anzukömen/bleyb ich stets vff eyner rede/vnd sagte: Ich were der Franzosen freunde verwandter/das sie mich vngestödtet lieffen/bis so lang/das Franzosen kämen vnd mich erkennen. Vnd sie hielten mich in sehr grosser verwahrung/so waren nun etliche Franzosen vnter jnen/so die schiffe da gelassen hatten pfeffer zuuersamen.

Wie eyn Franzone so die schiffe vnter den Wilden gelassen hatte/dabin kam mich zubesehen/vnd Ihnen befalhe/ sie solten mich essen/ich were eyn Portugaleser. Caput xxxj.

Es war eyn Franzone vier meil weges von den hütten darinnen ich war/vnd wie er nun die zeitungen hörte/kompt er dahin/vnd gehet in eyn ander hütten/gegen der hütten vber darinne ich war/da kamen die Wilden zu

mir gelauffen/vnd sagten: Die ist nu eyn Frantzosi kommen/
nun wollen wir sehen ob du auch eyn Frantzosi seiest oder nit/
dessen erfreuete ich mich/vnd gedachte/er ist ye eyn Christ/er
wird wol zum besten reden.

Da leydeten sie mich so nackethinein bei jnen/vnd es war
eyn junger geselle/die Wilden hießen jnen Karwattware/
vnd sprach mir Frantzösisch zu/ vnd ich künde jnen nicht
wol verstehn/so stunden die Wilden leut vmb vns her / vnd
höreten vns zu. Wie ich jm nun nicht antworten künde/sagte
er zu den Wilden/auff jre spraach: Tötet vnd esset jnen/den
böswicht/Er ist eyn rechter Portugaleser/erwer vnd mein
feindt/Vnd das verstund ich wol/Bat jnen derhalben vmb
Gottes willen/das er jnen doch sagte/das sie mich nit äßen.
Da sagte er: Sie wöllen dich essen. Da wurd ich ingedenck
des spruchs Jeremie cap. viij. der da saget: Vermalediet sei
der mensch so sich auff menschen verlasset. Vnd mit dem selbigen
gieng ich wider von jnen mit grossen hertzen wehe/vñ
hatte vff den schultern eyn stück leine tüch gebunden/welches
sie mir gaben (wo sie es auch bekommen hatten. Das reys
ich ab/vnd die Sonn hatte mich sehr verbrant/vnd warffes
dem Frantzosen vor seine füß/vnd sagte bei mir selbst/sol ich
dann ja sterben/warumb solte ich dann eynem andern mein
fleisch lenger vor hegen. Da leydeten sie mich widerumb in
die hütten/da sie mich verwarreten. Da gieng ich in mein netz
leigen. Gott dem ist bekant das ellend so ich hatte/vnd hab
so schreiend an zusingen/den vers. Nun bitten wir den heyligen
geyst/vmb den rechten glauben aller meyst/Das er vns
behüte an vnserm ende/wann wir heym fahren auß diesem
ellende/Kyrioleys. Da sagten sie: Er ist eyn rechter Por-
tugaleser/Vetzt schreiet er/jme grawet vor dem tode.

Der vorgenante Frantzosi war zwen tag daselbs in den
hütten/

büthen/darnach des dritten tages reysete er vort an. Vnd sie hatten beschlossen/sie wölten zu rüsten/vnd des ersten tages mich tödten/so bald sie alle ding bei eynander hetten/Vnd sie verwarten mich sehr fleissig/ vnd thatten mir grossen spott an/beyde jung vnd alt.

Wie ich so gross zan wehe hatte /

Caput xxvij.

Es begab sich / wie ich so im elende war / das gleich wie man sagt/das eyn vnglück nicht alleyn kompt / mir eyn zan wehe thet / so das ich gar verfiel / durch gross wehe/so fragte mich mein herz / wie es keme das ich so wenig esse/ich sagte mir thete eyn zan wehe / Do kam er mit eynem dinge/ von holze gemacht/vnd wolte in mir aufreissen/Ich sagte er thete mir nit mehr wehe/Er wolte in mir mit gewalt aufreissen. Doch wegert ich mich so sehr/das er daruon ablies/ jameynte er/wo ich nicht esse vnd widerumb zuneme/wolten sie mich töten ehe der rechten zeit. Gott weys wie manchmal ich so hertzlich begerte/das ich möchte/wens sein gotlich will were/sterben ehe es die wilden acht hetten / das sie nicht jren willen an mir vollenbringen mochten.

Wie sie mich zu jrem obersten Könige

Konyan Bebe genant / fuhreten / vnd wie sie da mit mir umb giengen. Cap. xxviii.

Nach etlichen tagen fuhreten sie mich in eyn ander do:ff/ welchs sie heysen Arirab/zü eynem künig der hies Konyan Bebe/vnnd war der vornemste künig vnter jnen allen. Bei demselben hetten sich etliche mehr versamlet/ vnd eyn

grosse freud gemacht/vff ire weise/wolten mich auch sehen/
dafür bestalt hatte mich vff den tag auch dahin zubringen.

Wie ich nun hart bei die hütten kam/hörte ich eyn gross
gerüß/von singen vnd posaunen blasen/vnd vor den hütten
stund eyn kopff oder fünffzehen auff reydeln/die selbigen wa
ren von den leuten/so auch ire feind sein/vñ heysen die War
kayas/die sie gessen hatten/vnd wie sie mich darbei hin leyte
ren/sagten sie mir/die kēpff weren auch von iren feinden/die
hiessen War kayas/da ward mir bang. Ich gedacht/so wür
den sie auch mit mir vmbgehn. Wie wir nun zu den hütten hi
nein giengen/so gieng eyner von denen die mich verwareten/
vor her vñ sprach mit harten Worten/das es die andern
alle hōieten: Die bringe ich den Schlauchen den Portugalesen
her/vnd meynte es were eyn feind ding anzusehen/wann eyner
seinen feind in seiner gewalt hette. Vnd er redete vil andere
ding mehr/wie yhr gebrauch ist/leytete mich da der König
saz vnd trāckt mir den andern/and hatten sich mit eynan
der dāncken gemacht/in dem getrencke das sie machen/Ra
waw genant/vnd sahen mich saw an/vnd sagten/Bistu
kommen vnser feindt. Ich sagte: Ich bin kommen/aber ich
bin nicht ewer feindt. Da gaben sie mir auch zutrinken. So
hatte ich nun vil von dem Könige Konyan Bebe genant/
gehört/es solte eyn grosser Man sein/auch eyn grosser tyran
menschen fleysch zuessen/Vnd es war eyner vnter jnen der
dauchte mich were es/vnd ich gieng hin bei jm/vnd redete
mit jm/gleich wie wie die wort auff ire spraach gefallen/vnd
sagte: Bistu der Konyan Bebe: lebestu noch: ja sagte er ich
lebe noch. Wolan sagt ich/ Ich hab vil vō dir gehört/wie du
so eyn weydlicher man seiest. Da stund er auff/vnd gieng vor
mir her spacieren von grossen hochmüt/vnd er hatte eynen
grossen runden grünen steyn durch die lippen des mundes
stecken

stecken (wie jr gebrauch ist) Auch so machten sie weisse pater
no ster/ von eyner art Seeschneith/ welches jr zierath ist/ der
selbigen hatte dieser künig auch wol sex klostern am hals
hängen. Bei dem zierath merckt ich/ das es eyner vonden
fürnemsten sein müste.

Darnach gieng er widerumb sitzen/ vnd begunte mich zu
fragen/ was seine feinde die Tuppin Itins anslügen/ vnd
die Portugaleser. Vnd sagte weiter/ Warumb ich inen hette
wöllen schießen in der gegenheyt Buctiota/ dann er erfahren
hatte/ das ich da büßenschütz war gewesen gegen sie. Da sag-
te ich/ Die Portugaleser hetten mich dahin gestalt/ vnd het-
tees müssen thun. Da sagte er/ Ich were ja auch eyn Portu-
galeser/ vnd hieß den Frantzosen so mich gesehen hette/ sei-
nen sohn/ vnd sagte/ Der mich gesehen hette/ der sagte/ Ich
könte nicht mit im reden/ vnd ich were eyn rechter Portuga-
leser. Da sagte ich/ Ja es ist war/ Ich bin lang auß dem lan-
de geweest/ vnd hab die sprach vergessen. Da meynte er/ Er
hette schon fünff Portugaleser helffen fangen vnd essen/ die
alle gesagt hetten sie weren Frantzosen/ vnd hetten doch ge-
logen. So vil das ich mich des lebens getröset/ vnd mich in
den willen Gottes befall. Dann ich von inen allen nicht an-
ders vernam/ dan ich solte sterben. Da hab er widerumb
an zufragen/ Was dann die Portugaleser von im sagten/ sie
müsten sich freilich sehr vor ime entsetzen. Da sagte ich/ Ja
sie wissen vil von dir zusagen/ wie grossen krieg du inen pfle-
gest zumachen/ aber yetzt habē sie Buctiota fester gemacht.
Ja meynte er/ so wölte er sie so fangen/ wie sie mich gefan-
gen hetten in dem walde hin vnd wider.

Weiter sagte ich zu ime/ Ja deine rechten feinde die Tup-
pin Itins dierüßteren xv. nachen zu/ vnd werden zuhandt
kommen/ vnd in dein landt fallen/ wie auch geschach.

Die weil er so fragte/ kunden die andern vnnd höreten zu.
 Summa/ Er fragte mich vil/ vnd sagte mir vil. Rümpte
 sich mir/ wie manchen Portugaleser er bereyts hette todt
 geschlagen/ vnd andere mehr Wilder leuth/ das seine feinde
 gewesen weren. Wie er so mit mir in der rede ware/ mitler
 zeit so wurde das getrencke in der hütten außgetruncken. Da
 giengen sie widder in eyn andere hütten/ darinnen auch zus
 trincken/ Das er also mit der rede nachließ.



Darnach

Darnach in der anderen hütten singen sie an / jren spot mit mir zu treiben / vnd desselbigen Königes Son / band mir die beyne dreimal vbereynander / Darnach muste ich eben fusses durch die hütten her hüppen / Des lachten sie vnd sagten da kompt vnser esse kost her hüppende. Do sagte ich zu meinem herren / der mich dahin hatte geführet. Ob er mich dahin geführet hette zu töten. Do sagte er neyn / es were doch so der gebrauch / das man so mit den frembten schlauchen vmbgienge / vnd sie bunden mir die stricke von den Beynen wider ab / darnach kamē sie vmb mich her gehen / vnd griffen mir an mein fleysch / der eyne sagte die haut am kopffe keme jne zū / der ander sagte das dicke am beyne keme jm zū / Darnach muste ich jnen singen / vnd ich sang Geystliche lieder / Da solte ich jnen auflegen auff jre sprache / Do sagte ich / Ich habe von meinem Gott gesungen. Sie sagten mein Gott were cyn vnflat / Das ist off jre sprache / Teuire / gesagt / die worte heten mir wehe vñ gedachte / O du gütiger Got / was kanstu vil leiden / cyn zeit lang. Wie mich die jm dorff nun gesehen vñ allen hohm mit angethan hatten. Des anderen tages sagte der König Konyan Bebe zū denen so mich erwarten / das sie wol achtung auff mich haben solten.

Darnach wie sie mich zur hütten hinnaus leyten / vñ wolten mich widerumb gehn Dwattibi bringen / da sie mich töten wolten / Rieffen sie mir so spötlich nach / sie wolten zū hand in meines herren hütten kommen / vnd meinen tod bedrencken / mich zu essen / vnd mein herz tröstete mich alezeit / sagte ich solte noch so bald nicht getöd werden.

Wie die XXV. nachen dero Tuppin

Itz an kamen / dauon ich dem König gesagt hatte / wo ten die hütten anfallen darin ich war. Ca. 17.



W Zler zeit begab es sich/das die xv. Nachen/der art
Wilden/welche die Portugaleser zu freund haben. Auch
wie ich vor gesagt hab/ehe ich gefangen wurd/dieselbigen
in willens waren dahin zu kriege zu fahren. So begab es
sich das mal eynes morgens/ das sie das dorff anfielen.

Wie nun die Tuppin Jkins diese hütten wolten anfallen/
vnd begunten zuhauff zuschiessen/so ward disen leyd in den
hütten/ vnd das weibs volck wolte sich vff die flucht geben.

Da sagte

Da sagte ich ihnen: Ihr haltet mich für einen Portugale
ser/ eweren feindt/ gebet mir nun einen bogen mit pfeilen/
vnd lasset mich los gehen/ so wil ich euch helfen die hütten
vertedingen. Sietheren mir einen bogen mit pfeilen/ Ich
rieff vnd schoß vnd machts auff ire weiß wie ich best kondt/
vnd sprach ihnen zu/ das sie wol geherzt weren/ es solte keyn
not haben. Vnd mein meynung war/ Ich wolte durch das
Stacket kommen/welchs umb die hütten her gieng/ vnd zu
den andern lauffen/ dann sie kanten mich wol/ vnd wusten
auch/ das ich in dem dorff war. Aber sie verwareten mich all
zu wol. Wie die Tuppin Itins nun sahen/ das sie nichts
schaffen konten/ giengen sie wider in ire nachen vnd führen
vortan. Wie sie nun hinweg führen/ verwareten sie mich auch
wider.

Wie sich die Obersten des abents bei Monschein versamleten. Cap. 30.

DEs tages wie die andern widerumb hinweg waren
gefahren/ gegen abent/ vnd es war bei monschein/ vers
samleten sie sich zwischen den hütten auff dem platz/ vnd bes
prochen sich vnternander/ vnd beschlossen wañ sie mich töds
ten wolten/ vnd leyreten mich auch zwischen sich/ verspottes
ten mich/ vnd dieweten mir. Ich war traurig/ vnd sahe den
Mon an/ vnd gedachte in mir selbs/ O mein Herr vnd mein
Gott/ hilff mir dieses ellends zu eynem seligen end. Da frage
ten sie mich/ Warumb ich den Mon so sters ansehe. Da sage
ich ihnen: Ich sehe sin an er ist zornig. Dañ die figur so in dem
Mon ist/ dauchte mich selbs so schrecklich sein (Gott vergeb
mirs) das ich selbs gedachte/ Gott vnd alle creaturen müsten
zornig auff mich sein. Da fragte mich der König so mich
wolt tödten lassen/ Jeppipo Wasu genant/ eyner von den



Königen in den hütten/ober wen ist der Mon zornig. Da
sagte ich/ Er sihet nach deiner hütten. Des worts halben
hub er zornig an mit mir zureden. Das wort wider umb zu
wenden/sagte ich/ Es wirt deine hütten nicht sein/ Er ist
zornig vber die schlaueu Carios (welchs auch eyn art auß
den Wilden ist/die so heysen) Ja sagte er/ Vber die komme
als vnglück/es bleib darbei/ Ich gedacht nit mehr daran.

Wie die

**Wie die Tuppin Skins eyn ander
dorff/Wambukabe genant/verbrent hatten.**
Caput xxxj.

DEs andern tages darnach kam die zeitung vō eynem
dorffe Wambukabe genant/das die Tuppin Skins
wie sie da waren abgefaren da ich gefangen lag/hatten sie
das dorff Wambukabe/angefallen/vnd die inwoner waren
entlauffen/bis̄ auff eynen kleynen jungen/den hatten sie ge-
fangen/vnd hatten inen die hütten verbrant. Da zobe diser
Jeppipo Wasu (welcher thun vnnd lassen war/ vber mich/
thet mir vil leyds an) dahin/dañ sie waren von seinen freun-
des verwanten/wolte inen die hütten widerumb helffen vff-
richten/ So nam er gemeynlich alle seine freundlinge von
seiner hütten mit sich. War auch der meynung daher Thonn
mit zubringen / vnd wurtzelen meel/das fest fertig zumas-
chen/vnd mich zuessen. Vnd als er außzobe/befalhe er dem/
welchem er mich geschenkt hatte/ Jpperu Wasu genant/dz
er mich wol verwaren solte. So weren sie wol lenger dan vier-
tzen tage aussen/vnd rüsteten daselbs zu.

**Wie eyn schiff von Brickiofa kam/
vnnd nach mir fragte/ sie ime eyn kurtzen
bericht gaben. Caput xxxij.**

In der zeit kompt eyn schiff der Portugaleser von Bri-
ckiofa/ ankerte nit weit von dannen da ich gefangen
lag/vnd schoß eyn stück geschützes ab/auff das es die wilden
höreten/kemen vnd spraache mit inen hielten.

Wie sie irer nun gewar wurden sagten sie zu mir / da sein
deine freunde die Portugaleser/vnd wollen villeicht hören/

Ob du auch noch lebest/wöllen dich etwan kausen. Da sagte ich/Es wirt mein brüder sein/dann ich mich des vermütere/das die Portugalesischen schiffe/so vor dem ort landes obers führen/nach mir fragen würden. Darmit die Wilden nicht meynensolten/ich were eyn Portugaleser/sagte ich inen/ich hette noch eynen brüder/welcher auch eyn frantzose were/unter den Portugalesern. Wie nun das schiff ankam/sagte ich/das würde mein brüder sein/sie wolten nit anders/dann ich were eyn Portugaleser/vnd führen hin so nahe bei das schiff/das sie sprache mit inen konten halten. Da hatten die Portugaleser gefragt/wie es umb mich were. Da hatten sie geantwortet/Das sie nach mir nit weiter fragten. Vnd das schiff fuhr wider hin/meynen villeicht ich were todt. Wie ich das schiff sah hin faren/Was ich gedachte weys Gott wol/Sie sagten vnter nander: Wir haben den rechten man/sie senden gereyd schiffe nach jme.

Wie des Königes Jappipowasu brüder
von Ambukabi kam/mir klagte/wie sein Brüder/
sein Mutter/sampt allen den andern weren krank
worden/Begerten von mir/Das ich mit meinem
Gott wölt machen/das sie möchten widerumb
gesundt werden. Cap. xxxiiij.

Und ich vermütere mich alle tag der andern die aussen
waren/wie obgemelt/vnd auff mich zürsteten. Dar
nach vff eynen tag hörte ich eyn schreiens in des königs hüt
ten/welcher aussen war/da wir ward bang/ich meynete sie wes
ren wider kommen (an das ist der Wilden gewonheyt/wan
eyner nit mehr dann vier tag lang aussen ist/wanner wider
kompt/beschreien in seine freunde von freuden. Nicht lang
darnach

darnach/nach dem schreien/kam eyner zu mir/vnd sagt deines mittherin brüder ist kommen/vnd sagt/ das die andern sehr kranck seien worden. Da frewete ich mich vnd gedacht/ Wie wirt Gott etwas aufrichten wöllen. Darnach ober eyn kleyne zeit kam meines mittherin brüder in die hütten da ich inne war/vnd sagte sich bei mich/ hüb an zuschreien/sagte/ sein brüder/sein mutter/ seines brüders kinder/ weren alle mit eynander kranck worden/vnd sein brüder hette jnen zu mir geschickt/vnd solte mir sagen: Ich solte mit meinẽ Gott machen/das sie möchten widerumb gesunt werden. Vnd sagte: Mein brüder lest sich beduncken/das dein Gott müsse zornig sein. Ich sagt jm ja/mein Gott ist zornig/das er mich wolte essen/vnd gen Ambuckabe gezogen were vnd zürstete. Vnd sagte jm: Jhr sagt ich sei eyn Portugaleser/vnd bins nicht/Vnd sagte jm: Gehe hin zu deinem brüder/das er wider herköme in seine hütten/so wölle ich mit meinẽ Gott reden/er solle gesunt werden. Da sagt er/ er were zu kranck/kontenicht kommen/er wuste wol vnd hette vermerckt/wen ich nur wölte/er würd daselbst auch gesunt. Vnd ich sagt jm: er solte wol so stark werden/das er solte heym gehn in seine hütten/dann solte er recht gesunt werden. Vnd er gieng mit der antwort widerumb hin nach Ambuckabe/ welchs ist vier meil von Dwaribida ich war.

Wie der krancke König Jeppipo

Wasu wider heym kam. Caput xxxv.

Vnd nach etlichen tagen / kamen sie alle mit eynander kranck wider heym/Do lieffe er mich in seine hütten/leyten/vnd sagte mir/wie sie weren alle kranck worden / vnd ich hette es wol gewust/ dann er were noch ingedenck/ das ich

gesagt hette/ Der Mon were zornig vber seine hütten. Wie ich die rede von jm hörete/gedacht ich bei mir selbst: Das müste ye auß versehung Gottes geschehen sein/das ich des abents wie vor gemelt/von dem Mon geredt hatte. Es war mir eyn grosse freud/vnd gedachte: Heut ist Gott mit mir.

Da sagte ich jm weiter/ Es were war/darß das er mich essen wolte/vnd ich were sein feind nicht/derhalben keme jm das vnglück. Da sagte er/Man solt mir nichts thun/were es sach/das er widerumb auff keme. Ich wuste nicht wie ich Gott am besten bitten solt/ Ich gedacht/kommen sie widerumb zu jrer gesundtheyt/so tödten sie mich gleichwol/ Sterben sie dann/so werden die andern sagen/Lasset vns in tödten/ehe mehr vnglücks seinerhalben köpt/wie sie auch schon begunten zusagen:stalt es Gott heym. Er batt mich gleich sehr/das sie doch möchten gesundt werden. Ich gieng vmb sie her/vnd legte jnen die hend auff die heupter/welches sie also von mir begerten. Es wolte es Gott so nicht haben/sie begunten zusterbē/Erst starb jnen eyn kindt/darnach starb sein mutter eyn alte frau/welche die duppen zurüsten wolte/da man die gedrenck inne machen wolte mich zuessen.

Nach etlichen tagen starb jm eyn brüder/Darnach wider eyn kind/vñ noch eyn brüder/welcher zuuorne mir die neue zeit rung bracht/wie vor gemelt/dz sie krankt weren worden:

Wie er nun sahe/das seine kinder/sein Mutter vnd brüder tod waren/wurde jme sehr leyde/das er vñ seine frauen auch stürben/Do sagte er ich solte meinem Got sagen/das er nun den zorn fahren ließe/das er mochte lebendig bleiben/ich tröstete jnen herlich/vñ sagte er würde keyn not haben/aber das er nicht gedächte/wan er auff keme/das er mich dan töden wolte/Do sagte er neyn/vnd befall auch denen in seiner hütten das mir niemant spot ant hete/noch drawete zu essen.

Er bleyb



Er bleyb gleichwol noch eyn zeitlang krank/ aber er ward
 widerumb gesundt/ vnd seiner frauen eyne/ welche auch
 krank war. Aber es starben vngeserlich acht vñ seiner freunt
 schafft/ one andere mehr/ welche mir auch hatten groß leyde
 angethon. So waren noch zwen andere künige auß
 zweyen andern hütten/ der eyne Vratinge Wasu/ der ander
 Kenrimakui genät. Dem Vratinge Wasu hatte getreu mbr/
 Ich were vor inen künen/ vnd hette zu ime gesagt/ Er solte
 sterben/ Vnd er kam des morgens frů zu mir/ vnd elagte es

mir/ Ich sagte neyn/ es solte keyn not habē/ das er aber auch
mit gedechte mich zutöden/ noch raht darzu gebe. Da sagte
er/ Neyn/ Diweil mich die/ so mich gefangen hetten/ nicht
töden/ so wölte er mir auch nicht schädlich sein/ Vnd ob sie
mich schon tödteren/ wölte er doch nicht von mir essen.

Desselbigen gleichen der ander könig/ Kenemacui/ hat-
te auch eynen rraum von mir gedreumt/ welcher ihn sehr
erschreckte/ vnd derselbige rieß mir in seine hütten/ vnd gab
mir zuessen/ vnd darnach klagte er es mir/ vnd sagte/ Er
were eynmal zu kriege gewesen/ vnd hette eynen Portuga-
ler gefangen/ vnd mit seinen henden zutode geschlagen/ auch
darnon gessen/ so vil/ das ime die brust noch gebrechlich dar-
von were/ Vnd er wölte von keynem mehr essen. So were im
nun so eynschrecklich rraum vō mir getraumt/ das er auch
meynte/ er solte sterben. Ich sagte im auch/ es solte keyn not
haben/ das er nur keyn menschen fleysch mehr esse.

Auch die alten weiber in den hütten hin vnd wider/ wels-
che mir auch vil leyde gerhon hatten/ mit rauffen/ schlagen
vnd drawen zuessen/ Dieselben hießen mich darnach Sche-
raeire/ das ist/ mein sohn/ laß mich ja nicht sterben. Das wir
so mit dir ombgiengen/ wir meynten du werest eyn Portu-
galer/ den sein wir sehr gram. Auch so haben wir schon etliche
Portugaleser gehabt vnd gessen/ aber jr Gott wird so zornig
nicht/ als deiner/ Darbei sehen wir nun/ das du keyn Portu-
galeser must sein.

So lieffen sie mich da eyn zeitlang gehen/ sie wußten nicht
wol wie sie es mit mir hatten/ ob ich eyn Portugaleser oder
eyn frantzosi were. Sie sagten ich hette eynen roten bart wie
die frantzosen/ vnd sie hetten auch wol Portugaleser gese-
hen/ aber die hatten gemeynlich alle schwarze bärte.

Vnd nach dem erschrecken/ wie der eyns mein herz auff
kam/

kam/sagten sie mir von keynem essen mehr/aber sie verwar-
ten mich gleich wol/wolten mich nicht lassen alleyn gehen.

Wie der Franckose/so den wilden be-
folhen hatte/sie solten mich essen/wider kam/ Ich
jnen hatt/das er mich mit neme. Aber meine
herren mich nit verlassen wolten. Cap. 36

So war nun der Franckose Karwattware/von dem ich
voorgesagt habe/da er von mir zohē/mit den Wilden leu-
ten/die jnen geleydeten/vnd der Franckosen Freunde waren
der güter/welche die Wilden haben/nemlich pfeffer/vnd eyn
art federn/welche sie auch haben/zu versamen.

Wie er nun wider umb reysete/nach dem ort landes da die
schiffe ankomen/Mungu Wappe genant/vnd Jterroenne/
musste er da hindurch/da ich war/wie er nun auß zohē/vers-
merckte er nicht anders dan sie wurden mich essen/vñ er hats
te es jnen auch befohlen/vnd er war eyn zeitlang aussen/vnd
hatten nicht anders gemeynt dann ich were todt.

Wie er nun widerumb in die hütten bei mich kam/redete
er mit mir auff die Wilde sprache/vñ ich gieng des mals loß/
do fragte er mich ob ich noch lebte/do sagte ich ja/ich danck-
te Gott/das er mich so lange behüt hette/So mochte er auch
vonden Wilden vñ vielleicht gehört haben/wie es sich begeben
hette/vñ ich rieß jme alleyn auff eynem Ort/auff das die Wil-
den nicht höreten was ich redete/sagte zu jm er sehe wol/das
mir Gott noch hette das leben gesparet/auch were ich keyn
Portugaleser/ich were eyn teutscher/vnd mit den Hispani-
ern/schiffbruch halben/vnter die Portugaleser kommen/das
er doch den Wilden nun wolle auch sagen/wie ich jme gesagt
hette/wie das ich von seinen freund verwanten were/vñnd

das er mich wolte da mit hin nemen/ da die schiffe ankamē/
Dann ich besorgte mich / wo er das nicht thete / wurden sie
doch gedencen es weren lügen/vnd der malen eyns/ wen sie
zornig würden mich töten.

Vnd thet jme eyne vermanung in jrer Wilden sprach vnd
sagte ob er auch hette eyn Christlich hertz im leibe gehabt/ oder
gedacht hette das nach diesem leben eyn anders kōmen wür-
de/ das er so hette darzu geraten/ das man mich tödten solt.
Da begunte es jnen zurewen/ vnd sagte/ er hette nicht anders
gemeynt/ dann ich were eyn Portugaleser/ welches so arge
böswichter weren/ wenn sie da erliche bekommen konten/ in
der prouinci von Brasilien/ die wölten sie gleich hengen/
welches nun wahr ist. Auch sagte er/ Sie müsten sich auch
drücken vnder jnen/ vnd wie die Wilden mächten mit jren
feinden/ müsten sie zufrieden sein/ dann sie weren der Portu-
galeser erbfeinde.

Meiner bitt nach / Sagte er den Wilden/ Er hette mich
das erste mal nicht recht erkennen/ aber ich were auß Allemas-
nien/ vñ were von jren freunden/ vnd wolte mich mit dahin
nemen/ da die schiffe pflegen an zukommen. Da sagten mei-
ne herren/ Neyn/ sie wölten mich niemant lassen/ mein eygen
vatter oder brüder keme dann dahin/ vñnd brechte jnen eyn
schiff voll gūts/ nemlich/ Eyre/ Spiegel/ Messer/ Kemme
vnd Scheren/ Vnd gebe jnen das/ dann sie hetten mich inn
der feinde landt gefunden/ vnd ich were jr eygen.

Wieder frantzose solchs hörte/ sagte er mir ich hörte wol/
das sie mich nicht verlassen woltē/ Do bat ich jnen vmb Gots
willen/ das er mich da holen lassen/ vñ mit in frantzreich
nemen mit dem ersten schiffe das kōmen würde/ das verbiess
er mir vnd sagte den Wilden / das sie mich wol erwarten/
vnd

es id nicht tödten/ meine freunde wurden zuhandt nach mir
kommen/ damit zöbe er vort an.

Wieder frantzose nūhinweg gezogen war/ do fragte m.
eyner von meinen herren / Alkindar Miri genant (nicht der
da tranck war) was mir der Karwattumwara (so des fran-
zosen name/ war auff der Wilden sprache) geben hettes ob
er von meinen lands leuten gewesen were/ ich sagte/ ja/ mein-
re er /warumb hat er dir nicht eyn messer geben/ das du mir
geben hettest / vnd wurd zornig / Darnach wie sie allewider
gesundt waren begundten sie widerumb ober mich zumur-
meln/ vnd sagten/ Die frantzosen döchten zuhandt so we-
nig als die Portugaleser/ Das mir wider begundte leydt zu-
werden.

Wie sie eynen gefangenen affen/ vnd mich mit darbei fñhreten. Cap. 37.

Folgens aber nach etlichen tagen/wolten sie eynen ge-
fangenen essen/in eynem dorff Tickquarippe genant/
ungeferlich sey meil von damen/da ich gefangen lag/so zo-
gen nun etliche mit auß den hütten da ich war/ die fñhreten
mich mit/vnd der schlaue den sie essen wolten/war eyner na-
tion die heysen Macetaya/vnd wir fñhrien mit eynem nach-
en dahin.

Wie nu die zeit kam/das sie jnen betrincken wolten (das
ist je gebrauch/wann sie eynen menschen essen wöllen/so ma-
chen sie eynen Tranck von wurtzeln/der heysen Kawi/was
der getruncken ist/darnach tödten sie jnen). Des abents/
wie sie jme des andern tages seinen todt betrincken wolten/
gieng ich hin bei jnen vnd sagte zu jm/ Ja du bist all gerüst
zum todt/ Da lachte er vnd sagt/ Ja. So heysset nun die.

Schnur darinn sie die gefangenen binden/ Mussurana/ ist von baumwol gemacht/ vnd ist dicker dann cyn finger) Ja meynte/er wer wol gerüst mit allen dingen/ dann alleyn die Mussurana were noch nicht lang genug (dann es fehlten noch ungeferlich sex klostern daran) Ja sagte er/mit jnen bette man sie besser. Vnd er führete solche rede als ob er solte zur kirmess gehen.

So hatte ich nun cyn büch in Portugalesischer sprach bei mir/welches die Wilden in cynem schiff genommen hatten/das sie durch hülff der Franzosen erobert hatten/ das gaben sie mir.

Vnd ich gieng von dem gefangenen/laß inn dem büch/ vnd mich jamerete seiner. Darnach gieng ich widder hin zu jm/vnnd redete mit jme (Dann die Portugaleser haben dieselbige art Martaya auch zu freunden) vnd sagte jme: Ich bin auch cyn gefangener so wol als du/vnnd bin nicht her kommen/das ich von dir essen wölle/sondern meine herren haben mich mit bracht. Da sagte er/Er wuste wol das wir leut keyn menschen fleysch essen.

Weitter sagte ich jme/er solte gerost sein/dann sie würden jme das fleysch alleyn essen/ aber sein geyst würde auff cynen andern ort fahren/da vnser leuth geyste auch hin fahren/da were vil freude. Da meynte er/ Ob das auch wahr were. Da sagte ich ja. Ja sagte er/ er hette Gott nie gesehen. Ich sagte/Er würde jnen im andern leben sehen. Wie ich nun die rede mit jme geendet hatte/gieng ich von jme.

Die selbigenacht/wie ich des tages mit jme geredt hatte/ kompt cyn grosser windt/vnnd wehete so schrecklich/ das er stücke von dem tache der hütten wehete. Da fiengen die Wilden mit mir an zu zornen/vnd sagten inn irer sprach:Apo Weiren geuppaw y wistu wasu Jimmou. Der böse mensch der hey

der heylige/machtet das der windt yetzt kompt/dann er sahe
des tages in die donnerheude/meyneten das buch das ich hat
te. Und ich thets darumb/das der schlaue vnser der Portu
galeser freund were/vnd ich meynete villsicht/nit dem bösen
wetter das fest zuuerhindern. Ich hatt Gott den herin vnd
sagt: Der du hast mich bisz hieher behütet/behüte mich vort
an/dann sie mürreten sehr auff mich.

Wie nun der tag anbrach/wurde es sein wetter/vnd sie
truncken vnd waren wol zufriden. Da gieng ich hin zu dem
schlaue vnd sagt im: Der grosse windt were Gott gewesen/
vnd hette in wollen haben. Darnach vber den andern tag
ward er gessen. Wie das zugehet/werdet jr in den hinders
ten Capiteln finden.

Was sich begab auff dem heymzüge/ als sie den gessen hatten. Cap. 38.

Wie das fest nun gehalten war/führen wir wißder
nach vnser wohnunge/vnd meine heuen führten et
lich gebraten fleysch mit sich/vnd wir waren drei tage auff
der heym reyse/welches man sunst wol in cynem tage fahren
kan/aber es wehete vnd regnete sehr. So sagten sie mir/des
ersten tages/ als wir des abents hütten machten im holtz/
vns zulegen/ Ich solte machen das es nicht regnete/so war
eyn knab mit vns/der hatte noch cynen beynenochen von
dem schlaue/an dem selbigen war noch fleysch/das ass er.
Ich sagte dem jungen/Er solte den knochen hinwerffen/Da
zürneten er vñ die andern mit mir/sagten/Das were jr rechte
speis. Darbeiließ ichs bleiben. Wir waren drei tag vnterweg.

Wie wir auff eyn vierteyl meß weges nahe/bei die wohnunge
kamen/konten wir nicht weiter kommen/das die bulgen wurt

den groß/wir zohen den nachen auff's land/vnd meynten/es
solte des andern tages güt wetter worden sein / so wolten wir
den nach̄heymbracht haben/aber es war gleich vngestümb/
Do war ire meinung/ober land zu gehen / vnd darnach wens
güt wetter würde/den nachen holen / Wie wir nu gehen wol-
ten so assen sie vnn̄d der junge aß das fleysch vort̄han vmb
den knochen herab/darnach warff er in hin/vnd wir giengen
vbr̄ landt/so bald wurde es auch wider güt wetter / Wolan
sagte ich jr wollet mir nicht gleuben / als ich euch sagte mein
Gott were zornig/vmb des willen / das der junge das fleysch
so von dem knochen aß / ja meynten die anderen / hette ers
doch gessen/das ichs nicht gesehen hette / so solte es wöl güt
wetter blieben sein/Darbei bleib es.

Wie ich da widerumb in die hütten kam / da fragte mich
der eyne/der auch teyl an mir hatte/Altindar genant/ob ich
nun gesehen hette / wie sie mit iren feinden vmb giengen / da
sagte ich ja/das jr sie esset das dünck̄t mich schrecklich sein/
Das todtschlagen nicht so schrecklich/ja sagte er/das ist vns
ser gebrauch/so thun wir den Portugalesern auch.

Derselbige Altindar war mir sehr geheßig / vñ hette gerne
gehabt / das mich der hette todts geschlagen dem er mich ge-
schenckt hatte / Dañ wie jr vorgelesen habt / so hatte jmeder
Ipperu wasu eynem schlauien geschenckt / todts zuschlagen/
vff das er eynen namen deste mehr gewinnen solte. Des
hatte jmeder Altindar wider verheissen / den ersten feind den
er fienge/ wolte er jme wider schencken / Wie jmedas nun nit
gebüren wolt mit mir hatte er es gleiche gerne gethan / doch
verhinderte sein Bruder solchs in alle wege/dann er forchte
sich vorweiterplage so jm kommen möcht.

So hatte nun derselbige Altindar/zuvor ehe mich die an-
deren/dahin fuhren/da siedten assen/ mir auff eyn neues ge-
drawet

drauwer zu tödten/wie ich nun wider kam/hatte er mitler zeit
dieweil ich aussen war/ augen wehe bekommen./ mußte stille
leigen/konte nicht sehen cyn zeitlang sagte mir stets/ich solte
mit meinem Got reden/das ime die augen widerumb gür
wurden/Do sagte ich ja/ das er aber hinten nach nicht böß
vber mich gedächte/ sagte er/neyn/Do nach etlichen tagen/
krieger er sein gesundtheyt wider.

Wie wider cyn Schiff nach mir ge- sant wurd von den Portugalesern. Cap. 39.

Wetz nun in dem fünfften Monat bei jnen gewesen
war/so kompt wider cyn schiff von der Insel Sancto
Vincente dahin/so haben die Portugaleser das für cynen ge-
brauch/das sie gleichwol in irer feinde landt fahren/doch
wol gerüst/vnd kauff schlagen mit jnen/geben jnen Messer/
vnd Hepen für Mandiöken meel/welches die selbigen Wil-
den daselbst auff etlichen enden vil haben/vnd die Portuga-
leser so der schlaue vil haben zum zucker gewechs/die be-
haben das meel/dieselbigen damit zuspeisen. Vnd wann
dieschiffe so kauff schlagen mit disen Wilden/so kommen die-
ser Wilden eyner oder zwen in cynem nachen/vnd reychen
jnen auffß fürderlichste sie können/die wahr/Darnach heys-
schen sie was sie darfür haben wollen/das geben jnen dann
die Portugaleser. Dieweil aber die zwen bei dem schiff
sein/halten irer etliche nachen voll von ferrem vnd sehen zu/
vnd wann dann das kauff schlagen gehalten ist/so fahen die
Wilden offtmals an vnd scharmützel mit den Portugales-
ern/ vnd schiessen pfeile nach jnen/ dann fahen sie wid-
derumb hin.



Das vorgenante schiff volck schoß eyn stück geschützes
 ab/darmit die Wilden hörten das eyn schiff da were/vnnd
 sie führen dahin/da hattenn sie nach mir gefraget / ob ich
 noch lebte / sie geantworet / ja / hatten die Portugaleser be-
 gettet/das sie mich möchten sehen / dann sie hetten eyn kist vol
 wah: / Brächte mein brüder / auch eyn frantzose / welcher
 mit jnen im schiff were.

So war nun eyn Frantzose genant Claudio Mirando mit den Portugalesern im schiff/welcher vormals mein gesell gewesen war/den selbigen nante ich meinen brüder/der sagte ich/würde villeicht in dem schiffe sein / vnd nach mir fragen/dann er gereyt eyn reyse da gewesen war.

Vnd sie kamen wider vō dem schiffe an landt/vnd sagten mir/mein brüder were noch eyn mal kommen/vnd brächte mir eyn kisten voll wahr/vnd wolte mich gerne sehen. Da sagte ich: Führet mich so von ferrem hinbei/ich wil mit meinem brüder reden/die Portugaleser verstehn vns nicht/vnd ich wil jm sagen/Das er vnserm vatter anzeyge wann er heym komme/das er mit eynem schiff komme vnd bringe vil gezeuges mit/vund hole mich. Sie meynten es were gut also/aber sie besorgten sich/das vns die Portugaleser verstünden/dann sie hatten eynen grossen krieg vorhanden/den wolten sie gegen dem Augustmonat vollenführen. Auff die gegenheyt Baktioka/da ich gefangen wurd/vnd ich wuste alle jr anschle gewol/darumb war jnen leydt/das ich etwas mit jnen darvon redte. Aber ich sagte neyn/die Portugaleser verstünden meines brüders vnd meine spraache nicht. Da führeten sie mich ungeferlich eyn steynwurff nahe bei das schiff/so nacket/wie ich alle zeit vnter jnen gieng. Da sprach ich sie an in dem schiff/vnd sagte: Gott der Herr sei mit euch lieben brüder/Eyner rede mit mir alleyn/vnd lasset euch anders nicht hören/dann das ich eyn Frantzose sei. Da hieß eyner an/ Johann Genches genant / eyn Boshkeyer / welchen ich wol kennete/vnd sagte zu mir/Mein lieber brüder/ewert halben sein wir her kommen mit dem schiffe / vnd haben nicht gewust/ ob jr lebend odder todt sein gewesen / dann das erste schiff brachte keyne zeittungen von euch. Nun hat vns der Hauptman Brascupas zu Sanctus befolhen/zuforschen/

Ob jr noch beim leben weren/wann wir solches vernemen/
das jr noch lebten/solten wir zum ersten hören/ Ob sie euch
auch verkenffen wölten/wo nicht/solten wir sehen/Ob wir
etliche fangen konten die euch Quittirren.

Da sagte ich/Nun wölle euch Gott inn ewigkeyt lohnen/
dann ich bin hie in grosser angst vnnnd not/vnnnd weysß noch
nicht was sie an schlagen werden/sie hetten mich wol gereydt
gessen/hette es Gott nicht sonderlicher weise verhindert. Wei-
ter sagte ich jnen/sie werden mich euch nicht verkenffen/dan
gedencket es nicht/vnd lasset euch nicht anders mercken/dan
das ich eyn frantzose sei/vnd gebt mir etliche wahr vmb Got-
tes willen/Messer vnd Angelhacken. Dasselbige thaten sie/
vnd es fähr eyner mit eynem Tachen beisschiff vnd holets.

Wie ich nun sahe das mir die Wilden nicht lenger gestatten
wolten mit jnen zureden/da sagte ich zu den Portugalesern/
sehet euch wol vor/sie haben eynen krieg vor hannden/wider
nach Brictioka/ Da sagten sie mir/das sich ire Wilden auch
sehr rüsteten/vñ würden gerad das dorff anfallen/da sie mich
inne hetten/das ich nuhr wolgemüt were/Gott wurde alle
ding zum besten schaffen/dann ich sehe wol sie könten mir nit
helffen. Ja sagte ich/Dieweil es meine sünde also verdienet
haben/ist es besser/das mich Gott hie straffe/dann dort inn
jenem leben/Vnd bittet Got das er mir außdemellend helff.

Darmit befalhe ich sie Gott dem Herrn. Vnd sie wolten
weiter mit mir reden/aber die Wilden wolten mir nicht lenger
gestatten sprach mit jnen zuhalten/vnd führen wider
umb nach den hütten mit mir.

Da nam ich die Messer vnd Angelhacken/vñ gab sie jnen
vnd sagte: Dis alles hat mir mein brüder der frantzose ge-
ben. Da fragten sie mich/ Was es alles were das mein brü-
der mit mir geredt hette. Da sagt ich/ Ich hette meinem brü-
der bes

der befolhen/Er solte sehen/das er den Portugalesern ent-
kome/vnd zöge in vnser vatter landt/vnd brächten schiff mit
vilen gütern vnd holere mich/dann jr weret from/vnd hiltet
mich wol/das wölte ich euch dann belohnen wann das schiff
kome/ Vnd muste also alle zeit das beste vorwenden/vnnd
das gefiel jnen wol.

Darnach sagten sie vnternander: Er muß gewiß eyn
Frantzos sein/lasset vns jnen nun vortan besser halten. Also
gieng ich da eyn zeitlang vnter jnen/vnd sagt:Es wirt bald
eyn schiff nach mir kommen/das sie mich nur wol trachtren.
Darnach fuhren sie mich in den walt hin vnd wider/wo sie
etwas zuthun hatten/musste ich jnen helffen.

Wie sie eynen schlaue vnter sich hat-
ten/welcher mich stets belog/hette gerne gesehen/
das sie mich bald getödtet herten/derselbige
wird getödtet vnd gefressen/in meiner ge-
genwertigkeyt. Cap. xl.

So warnum eyn schlaue vnter jnen/der war eyner Na-
tion die heysen Carios / vnnd seind auch der Wilden
feinde/welche der Portugaleser freunde sein/derselbige war
der Portugaleser eygen gewesen/vnd war jnen darnach ent-
lauffen. Solche tödten sie nicht so zu jnen lauffen/essei dan
das sie sonderlich etwas verbrechen/sondern halten sie für
ir eygen/vnd müssen jnen dienen.

Der selbige Carios war drei jar vnter disen Tuppin Inba
gewesen/vnd sagte/Er hette mich vnder der Portugalesern
gesehen/vnd ich hette etlich mal vnter die Tuppin Inba ge-
schossen/wann sie dahin zu kriege weren kommen.

So hatten nun die Portugaleser vor etlichen jaren jrer

Könige eynen erschossen/welchen König/sagte der Cario/
hette ich geschossen/vnd regete ymmerdar an/man soltemich
tödtten/dann ich were der rechte feindt/er hette es gesehen/
vnderloge es doch alles mit eynander/dann er war drei jar
da vnter denen gewesen/vnd es war erst eyn jar vergangen/
das ich gehn Sancto Vincente kommen war/da er entlauff-
fen war/Vnd ich batt Gott stets das er mich wölte vor den
lügen behüten.

So begab es sich vngeserlich im jar 1554. den seypren mo-
nat/so ich geredts gefangen war/so wirt der Cario krank/
vnd sein hertz so jnen hatte/batt mich Ich solte jm helfen/
das er wider gesundt würde vnd Wildt fienge/das wir etz-
was zuessen bekemen. Dann ich wuste wol/wann er jm etwz
brächte/da gebe er mir auch von. Aber so mich deuchte/das
er nicht wurde widerumb gesundt werden/wölte er jnen ey-
nengüten freunde schencken/der jnen todt schläge vnd eynen
namen an jme gewünne.

So war er bereydes vngeserlich neun odder zehen tage
krank gewesen/so haben sie zene/seind von eynem thier/
welches sie nennen Baffe/Denselbigen zan werzen sie scharf-
fe/vnd wo sie dann das gebildt hindert/da schneiden sie mit
dem zan vber die haut her/da lauffer das blüt herauß/das
ist so vil/als wann man hie eynem köpffet.

Derselbigen zene nam ich eynen/meynte jme damit die
Median ader zuschlagen. Aber ich konte sie nicht mit durch-
stechen/dann der zan war zustumpff/vnd sie stunden vmb
mich her. Wie ich nun wider von jm gieng/sabe das es keyn
nütz war. Fragten sie mich/ob er widerumb würde gesundt
werden. Ich sagte jnen: Ich hette nichts außgericht/es were
keyn blüt herauß gelauffen/das hetten sie wol gesehen. Ja
meynten sie/er wil sterben/Wir wöllen jnen/ehe dann er stir-
bet/todt

Könige eynen erschossen/welchen König/sagte der Cario/
hette ich geschossen/vnd regete ymmerdar an/man soltemich
tödtten/dann ich were der rechte feindt/er hette es gesehen/
vnderloge es doch alles mit eynander/dann er war drei jar
da vnter denen gewesen/vnd es war erst eyn jar vergangen/
das ich gehn Sancto Vincente kommen war/da er entlauff-
fen war/Vnd ich batt Gott stets das er mich wölte vor den
lügen behüten.

So begab es sich vngeserlich im jar 1554. den seypren mo-
nat/so ich geredts gefangen war/so wirt der Cario krank/
vnd sein hertz so jnen hatte/batt mich Ich solte jm helfen/
das er wider gesundt würde vnd Wildt fienge/das wir etz-
was zuessen bekemen. Dann ich wuste wol/wann er jm etwz
brächte/da gebe er mir auch von. Aber so mich deuchte/das
er nicht wurde widerumb gesundt werden/wölte er jnen ey-
nengüten freunde schencken/der jnen todt schläge vnd eynen
namen an jme gewünne.

So war er bereydes vngeserlich neun odder zehen tage
krank gewesen/so haben sie zene/seind von eynem thier/
welches sie nennen Bact/Denselbigen zan wetzen sie scharf-
fe/vnd wo sie dann das gebildt hindert/da schneiden sie mit
dem zan vber die haut her/da lauffer das blüt herauß/das
ist so vil/als wann man hie eynem köpffet.

Derselbigen zene nam ich eynen/meynte jme damit die
Median ader zuschlagen. Aber ich konte sie nicht mit durch-
stechen/dann der zan war zustumpff/vnd sie stunden vmb
mich her. Wie ich nun wider von jm gieng/sabe das es keyn
nütz war. Fragten sie mich/ob er widerumb würde gesundt
werden. Ich sagte jnen: Ich hette nichts außgericht/es were
keyn blüt herauß gelauffen/das hetten sie wol gesehen. Ja
meynten sie/er wil sterben/Wir wöllen jnen/ehe dann er stir-
bet/todt



bet todt schlagen. Ich sagte/neyn thut's nit/erwilt velleicht
 widerumb gesunde werden. Aber es half nichts/sie zogen
 in vor des Königes Dratinge hütten/vnd irer zwen hielten
 in/dann er war so krank/das er nicht wuste was sie mit im
 thun wolten. So kam der dem er gegeben war todt zuschla-
 gen/vnd schlegt in auff den kopff/das hirn heraus sprang/
 darnach liessen sie inen leigen vor der hütten/vnd wolten in
 essen. Ich sagte/Das sie es nit theten/es were eyn kranker

menschen gewesen/sie möchten auch krank werden. Also wusten sie nicht was sie thun wolten. Doch kommt eyner auß der hütten da ich inne war/vnd rieß den weibern das sie cynfewr beiden todten machten/ vnd erschneyd jme den kopff abe/ Dann er hatte eyn auge/vnd scheyn heftlich von der krankheyt so er gehabt/ das er den kopff hinweg warff/vnd dem körper sengete er die haut ab vber dem fewr. Darnach zerschneyd er jn/vnd teylete mit den andern gleich/wie jre gewonheyt ist/vnd assen jnen biß auff den kopff vnd darme/ da hatten sie cynen eckel an /dweil er krank gewesen war.

Darnach gieng ich hin vnd wider durch die hütten/in der eynen brieten sie die füß/in der andern die hend/in der dritten stücke vom leibe. Da sagte ich jnen/wie das der Cario den sie da brieten vnd essen wolten/ hette mich alle zeit belogen/vnd gesagt/ Ich hette ewerer freund etliche/die weil ich bei den Portugalesern gewesen were/erschossen vnd es were erlogen/dann er hette mich nie gesehen. Nun wisset jr wol/das er ist etliche jar vnter euch gewesen/vnd nie krank worden/yezt aber der lügen halben so er auff mich gelogen hat/ist mein Gott zornig worden/vnd jnen gekrencket/vnd euch in den sinn geben/das jr jnen getödtet habt vnd jnen essen solt. Also wirt mein Gott mit allen schelcken thun/so mic leydt gethon haben vnd thun werden. Für solchen Worten erschrecken jr vil / das dancke ich dem allmechtigen Gott/das er in allen so gewaltig vnd genedig sich mir erzeygte.

Bitte dero halben den Leser das er wolle achtung haben auff mein schreiben / Dann ich thu diese mühe nit der gestalt/das ich lust hette etwas neues zuschreiben/sondern alleynedie erzeygte wolthat Gottes an den tag zubringen.

So neygte

So neygte es sich nun zu der zeit/das sie wolten zu kriege
ziehen/Darauff sie sich drei monat zuuorn gerüstet hatten/so
hofft ich sters/wen sie außzöhen/soltensie mich mit den wei
bern dabey melassen/wolte ich/dieweil sie aussen weren/ent
lauffen sein.

**Wie eyn Frantzösisch schiff ankame/
vnd mit den Wilden handelte vmb baumwollen vnd
Prasilien holtz/zü welchem schiff ich gerne gewesen
were/ aber es von Gott nicht versehen war.**

Caput xli.

Vigeferlich acht tage zuuorn/wie sie wolten zu kriege
aufzabren/so war eyn Frantzösisch schiff acht meil von
dannen antommen in eynem bauingen/ welchen die Portu
galeser Rio de ienero nennen. vnnnd auff der Wilden sprach
Ireronne Daselbst pflegen die Frantzosen prasilien holtz zu
laden/So kamen sie nun bei dem dorff da ich inne war auch
an/mit irem bott/vnd beutterten den Wilden Pfeffer/Adern
katzgen vnd Pappgeyen ab/Vnd es kam eyner auß dem bot
an landt/der kunte die Wilden sprach/vnnnd hieß Jacob/
Derselbige handelt mit jnen/den bat ich/das er mich mit zu
schiffe neme/Aber meine herin sagten neyn/sie wölten mich
so nit hin schicken/sondern wolten vil wahr für mich haben.
Da sagte ich jnen/das sie mich selbst hin bei das schiff brechs
ten/meine freund solten jnen wahr genug geben. Sie meyn
ten neyn/das sein dein rechte freund nit.

Dan die so mit dem bott hie sein/betten dir ye eyn hembd
geben/ dieweil du nackter gehest/Aber sie achten nichts auff
dich (wie es auch war) Aber ich sagte/Sie würden mich im
grossen schiff kleyden wann ich dahin keme. Sie sagten das
schiff würde noch so bald nicht hinweg fahren / sie müsten

erst zu kriege/Aber wann sie wider kämen/ wölten sie mich
hinbei fihren. So wolte nun das Bort widerumb hinweg
fahren/dann es hatte eyn nacht beim dorff geanchert.

Wie ich nu sahe/das sie mit dem bort wider hinweg faren
wölten/gedachte ich/O du gütiger Gott/wañ das schiff nu
auch hinweg feret/vnd mich nit mit nimpt/werde ich doch
noch vnter jnen vmb kōmen/dañ es ist eyn volck da keyn ver
trauen auff ist. Mit den gedanken gieng ich zu den hūts



ren hinaus/nach dem wasser zu/vnd sie wurden es gewar/
vnd lieffen mir nach. Ich lieff vor jnen her/vnd sie wolten
mich greiffen. Den ersten so bei mich kam schlug ich von mir/
Vnd es war das ganze dorff hinder mir / doch entkam ich
jnen vnd schwam bei das bort/Wie ich nun in das bort stei-
gen wolt/stieffen mich die frantzosen wider hinwegt/mey-
net/wo sie mich wider der Wilden willen mit nemen/möchte-
ten sie sich auch gegen sie erheben/vnd auch ire feind werden.
Da schwam ich betrübt wider nach dem land zu/vnd dach-
te nun sehe ich/das es Gottes wil ist das ich lenger im ellend
bliebe/ Vnd wann ich das entlauffen nicht versucht hette/
hette ich binden nach gemeynt es were mein schult gewesen.

Wie ich nun wider bei sie an landt kam/waren sie frölich/
vnd sagten/Neyn er kompt wider. Da zürnete ich mit jnen
vnd sagte/Meynet jr das ich euch so entlauffen wolte / Ich
bin da im bot gewesen/vnd meinen landtsleuten gesagt/das
sie sich darauff schickten/wann jr auß dem krieg komet/vnd
mich dahin bringet/das sie dann vil wahr bei eynander beto-
ten/vnd euch geben/solches behagte jnen wol / vnd waren
wider zufrieden.

Wie die wilden zu krieg zogen/mich

mit namen/ vnd was sich auff dem zuge begab.

Caput xliij.

Darnach in viertagen versamleten sich etliche nachen/
die zu kriege wolten ziehen/inn dem dorff darin ich
war. Da kam der oberste Konyan Bebe mit den seinen auch
dabin/Da sagte mein herr/er wölte mich mit nemen. Sagte
ich/das er mich dabey me ließ/ Vnd er hette es auch wol ge-
thon / Doch sagte der Konyan Bebe/er solte mich mit ne-
men. Ich ließ mich nicht anders mercken/dann das ich nöde

l ij

mit zöge/vff das sie/wann ich gütwillig mit gezogen were/
nicht gedacht hetten/das ich inen entlauffen würde/ wann
sie bei irer feinde landt kemen/ vnd desto weniger acht auff
mich hetten. Auch war mein meynung/wann sie mich dabey
men hetten gelassenn/ ich wölte nach dem Franzosischen
schiffe gelauffen sein.

Sie namen mich aber mit/vnnd waren xxxviij. nachen
starck/vnd yder nache mit xviij. mehr oder weniger besetzt/
vnnd es hatten irer etliche mit iren abgöttern geweissaget
uber den krieg mit traumen vnd andern narzenspiel mehr/
welcher sie gebrauchen/so das sie wol gemüret waren zur sa-
che. Vnnd ire meynung war inn die gegenheyt Bickio-
ka zufahren/da sie mich fiengen/vnnd sich daselbst vmb den
fleck in wald vmbher verstecken/die jenigen so inen der
massen in die hende fielen/mit zunemen.

Vnd wie wir diesen außzug des kriegs anfangen/war im
jar 1554. ungeferlich den xviij. tag Augusti. So lauffen nun
(wie hie zuvor gedacht) in disem monat eyn art fische/beysen
in Portugalesischer spraach Doynges. Auff Hispanisch Lis-
esses/vnd in der Wilden spraach Bratti/auss dem meer in die
süssen wasser/darinn zuleychen/Vnd die Wilden heysen die
Zeitpirataen. Als dann ziehen sie zu beyden teylen gemeyn-
lich zu kriege/ire feinde so wol als sie/der fische auff der rey-
se zufangen vnnd zuessen. Vnd auff der hinreise fahren sie
sanfft/aber zu ruck auffschwindeste sie können.

So hoffte ich nun alle zeit/das die auch solten auff der
reise sein/welche der Portugaleser freunde sein/Daß diesel-
bigen waren auch willens diesen ins landt zu fallen/wie mir
die Portugaleser zuvorne im schiff gesagt hatten.

Sie fragten mich stets auff der reyse/was mich dencket/
Ob sie auch imant fangen würden/das ich sie aber nicht erz-
zühnete/

zürnere / sagte ich ja / auch sagte ich ihnen / die feinde wurden
uns begegnen / So lagen wir eyne nacht in eynem ort landes /
der heisset auch Wwatibi / daselbs fiengen wir viel der fische
Bratti / welche so groß sein als eyn güter hecht / vnd es wehet
die nacht mechtig ding / so schwätzten sie nun mit mir / vnd
woltten viel fragen / do sagte ich dieser wint wehet vber viel ro-
ter leut / so war noch eyn ander hauffe von diesen auch zu
wasser / eyne reffer / genant die Paraipe / zwischen landt hin
auff gefaren / ja meynten sie / wie nahe haben die der feinde
landt gereyt angefallen / das irer etliche seintodt blieben /
(wie ich hinten nach noch erfuh / dz es auch geschehen war)

Wie wir nun eyne tage reys von dannen waren / da sie iren
anschlag volnbringen woltten / legerten sie sich ins gebölz bei
eyn insel / welche Sancte Sebastian von den Portugalesern
genant wirt / aber die Wilden heissen sie Aeyenbipe.

Wie der abent ankam / gieng der Oberste Konyan Beben
genant / durch den leger her in wald / predigte vnd sagte / sie
werden yetzt nahe bei der feinde landt kommen / das eyn ye-
der sein traum behielte so jme die nacht treumen würde / vñ
das sie zu sehen / das sie sich lieffen etwas glückliches treumē /
wie die rede auß waren / tanzten sie mit iren abgöttern biß in
die nacht / darnach schlieffen sie / wie mein herz sich niederlegte /
sagte er ich solte mir auch etwas gütes treumen lassen / ich
sagte / ich achte auff keyne treume / sie sein falsch / So mach
sagt er / mit deinem Gott gleichwol / das wir feinde fangen.

Wie der tag nu anbrach versamleten sich die obersten vmb
eyn becken vol gesorner fisch / welche sie assen / vnd erzelten die
treume / so vil das sie ihnen wol gefielen / etliche tanzten mit
den abgöttern / vnd sie waren willens den selbigen tag vff die
näheyt bei irer feind landt zu fahren / bei eynen ort Boywassra
lange genant / daselbs woltten sie das beyten biß abent kom.



Wie wir nun auß fuhren/ von dem ort/ da wir die nacht ge-
legen hatten/ Weyenbiß genant/ fragten sie mich noch eyn-
mal/ was mich deuchte / Dosagreich auff ebentheur/ bei
Boywassu Range werden uns die feinde entgegen kommen/
seid nur freim itig / vnd beiden selbigen Boywassu Range/
war mein meynung wolte ich inen entlauffen sein wan wir
weren dahin kommen Dañ da sie mich gefangen hatten/ war
nur sechs meil wegs von dem selbigen ort.

Wie wir

Wie wir nun so fort fuhren an dem lande her/ so sahen wir
auch nachen die kamen uns entgegen hinter eyner insel her/
Da rieffen sie: Da kommen unsere feinde die Tuppin Itins
auch her. Doch wolte sie sich verbergen hinter eyner fels mit
den nachen/ auff das die andern solten vnuersehens bei sie
kommen/ Gleichwol wurden sie vnser gewar/ vnd gaben sich
widerumb auff die flucht nach irem heymet/ Vnd wir rudern
ten inen auff's schwindest nach wol vier ganzer stunde/dar



nach

nach kamen wir sie an/ vnd irer waren fünff nachen vol/ wa-
ren alle von Bickioa. Ich kante sie alle mit eynander/ es wa-
ren seß Mammelucken in der fünff nachen eyner/ dieselbi-
gen waren getaufft/ vnd deren waren zwen gebrüder/ eyner
genant Diego de Praga/ Der ander Domingos de Praga/
Dieselbigen beyde thetten grosse weh/ eyner mit eynem rhor/
der ander mit eynem flischbogen. Die beyde hielten sich auff
in iren nachen zwo ganze stund gegen etliche vnd dreissig na-
chen der vnsern. Wie sie nun ire pfeil verschossen hatten/ fielen
die Tuppin Inba sie an/ namen sie gefangen/ vñ etliche wur-
den als bald todt geschlagen vnd geschossen. Die beyden brü-
der wurden nicht verwundet. Aber zwen von den seß Mam-
melucken wurden sehr hart verwundet/ vnd noch der Tuppin
Jkin auch etliche/ vnter welchen eyn frau war.

Wie sie mit den gefangenen vmbgiengen auff dem heynzüge. Cap. xliij.

ES war zwo grosser meil wegs vom lande im meer da
sie gefangen wurden/ sie eilten auff das schwindeste so
sie kondten wider nach dem lande/ sich widerumb zulegen/
da wir die nacht zuornlagen. Wie wir nun bei das lande
Neyen bibe kamen/ wa es abent/ das die Sonn wolte vn-
tergehen/ da leyreten sie die gefangnen eyneder seinen in sein
hütten/ Aber die hart verwundet waren/ zohen sie ans lande
vnd schlugen sie vortan zu todt/ vnd schnieden sie auff iren ge-
brauch in stück/ vnd brieden das fleysch. Vnter denen die die
nacht gebraten wurden/ waren zwen Mammelucken/ wel-
che Chriſten waren/ Der eyne war eynes Portugaleser Geo-
ge Ferrero genant/ eyn hauptman sein son. Denselbigen hats-
te er gezeuget mit eynere Wilden frauen. Der ander hieß
Hieron



Hieronymus/denselbigen hatte eyn Wilder gefangen/der
 war auß der hütten darinne ich war/vnnd sein namen war
 Parwaa/der selbige brüdt den Hieronymū die nacht/unge-
 ferlich eynen schrit von mir da ich lag. Der selbige Hierony-
 mus (Gott hab sein seel) war des Diego de Praga blüt ver-
 wandter.

Den selbigen abent/wie sie sich nun gelegert hatten/gieng
 ich in die hütten/darin sie die beyden baiden hatten/mit inen
 zu reden/dann es waren meine gute freunde zu Buckiota/da

ich gefangen wurde / Do fragten sie mich / ob sie auch gessen wurden / ich sagte das müßten sie stellen in den willen / des himlischen vatters / vnd seines lieben Sons Jesu Christi / des gecreuzigten vor vnser sünd / in welches namen wir getaufft sein / mit jm in den todt / demselbigen / sagte ich / glaube ich auch / vnd der selbige hat mich auch so lange vnter jm behüt / vnd was der almechtige Gott mit vns anfahet / darmit müssen wir zufrieden sein.

Weiter fragten mich die beyden brüder / wie es vmb jren vettern Hieronymū were / ich sagte in erlege bei dem ferwer vnd biere / vnd hette schon eyn stück von des ferrero sohn sehen essen / Da weyneten sie / ich tröstete sie wider / sagte jnen sie wußten wol / das ich nun in dem 8. Monat vngeserlich vnter jnen gewesen were / vnd mich Gott auch erhalten hette Das wird er bei euch auch thun / vertrawet jme / weiter sagte ich / es solte billich mir zu hertzen gehen / mehr dan euch / daß ich bin aus frembden landen / bin des schrecklichen handels der leut nicht gewonet / jr seit ye hie im lande gezogen vñ geboren / ja meinten sie ich were so gar verherret im elende / ich achtete es nicht mehr.

Wie ich nun so mit jnen in der rede war / hießen mich die wilden von jnen gehen / in meine hütten / sagten was ich so voreyne lange rede mit jnen hette / das dawerte mich / das ich mußte von jnen gehen / sagte jnen / das sie sich gentslich in den willen Gottes begeben / sie sehen wol was wir voreyn elende inn diesem jamerral hetten / sie sagten / das hetten sie nie so wol erfaren als nun / meinten sie / weren Gott doch eyne todt schuldig / sie wöllen auch nun desto frölicher sterben / dieweil ich auch bei jnen were / damit gieng ich auß jrer hütten / vnd gieng durtch das gantze leger / besahe die gefangnen. Gieng also alleyn / vñ hatte niemandt Eyn achtung auff mich /
hatte

hette das mal wol können entlauffen/dann es bei eyner insel
war/Weyenbipe genant/möchte vngeserlich zehen meil wegs
von Buickota sein/aber ich vnderließ es vmb der gefangenen
Christen willen/welcher noch vier lebendig waren. Dann ich
gedacht/entlauff ich jnen/so werden sie zornig/ond schlagen
die selbigen von stund an zu todte Vlleicht mitler zeit erhele
vns Gott all mit eynander/ond gedachte also bei jnen zublei
ben/ond sie zurösten/wie ich auch thet. Aber die Wilden wa
ren mir sehr günstig/dan ich hatte zuuorne gesagt/auff eben
thier/die feind würden vns begegnen. Wie es nun also ge
riet/sagte sie/Ich were eyn besser Propheet dan jr Maraka.

Wie sie mit iren feinden tanzten/da

wir was des andern tages legerten. Cap. 44.

Des andern tages kamen wir nicht weit von irer landts
schafft/bei eyn groß gebirge Occarasu genant. Daselbs
legerten sie sich/die nacht da zubleiben. Da gieng ich in des
obersten Königes (Konyan bebe genant) hütten/fragte ihn/
woz er mit den Dammelucken im sinne hette/Er sagte/Sie
soltten gefessen werden/ond verbot mir/ich solte nicht mit jnen
reden/dann er were sehr zornig auff sie/sie solten sein dabey
meblieben/vñ nicht mit seinen feinden gegen in zu kriege sein
gezogen. Ich sagte/er solt sie leben lassen/ond iren freunden
widerumb verkenuffen. Er sagte sie solten gefessen werden.

Und derselbige Konyan Bebe hatte eynen grossen korb
vol menschen fleysch vor sich/ass von eynem beyne/biet mir
es vor den mundt/fragte Ob ich auch essen wölte. Ich sagte
Eyn vnuerständtlig thier frisset kaum das ander/solte dann
eyn mensch den andern fressen. Er beys darein/sagte/ Ja u
ware sche/Ich bin eyn Tiger thier/es schmeckt wol/damit
gieng ich von jm.



Den selbigen abent gebot er/ eyn yeder solt seine gefange
ne vor den walt bringen bei das wasser auff eynen platz. Das
geschabe. Da versamleten sie sich/ machten eynen grossen rün
den freys/ da stunden die gefangenen in. Da mussten die ge
fangenen alle sampt singen vñnd rasseln mit den Abgöttern
Tammara. Wie nun die gefangenen gesungen hatten/ sien
gen sie an zureden eyner nach dem andern/ so freuelmütig vñ
sagten: Ja/ Wir zogen auß/ gleich wie tapffere leut pflegen/
euch



Den selbigen abent gebot er/ eyn yeder solt seine gefange
ne vor den walt bringen bei das wasser auff eynen platz. Das
geschabe. Da versamleten sie sich/ machten eynen grossen rün
den freys/ da stunden die gefangenen in. Da mussten die ge
fangenen alle sampt singen vñnd rasseln mit den Abgöttern
Tammara. Wie nun die gefangenen gesungen hatten/ sien
gen sie an zureden eyner nach dem andern/ so freuelmütig vñ
sagten: Ja/ Wir zogen auß/ gleich wie tapffere leut pflegen/
euch

Wie sie den ersten von den zweyen ge-
bratenen Christen assen/nemlich Jorge Ferrero des
Portugalesischen heuptmans sohn. Cap. 46

So war nun eyn künig vber eyn hütten/hart gegen mei-
ner hütten vber. Derselbige war genant Tatamiri/der
hatte den gebratenen vnd ließ gedrenck machen nach irer ge-
wonheyt/vnd irer vil versamleten sich/druncken/sungen vnd
machten eyn grosse freude/Darnach des andern tages/nach
dem trincken/soden sie das gebraten fleysch widerumb auff
vnd assens. Aber des andern Hieronymi fleysch hing in der
hütten darinnen ich war/inn eynem korb vber dem feur im
rauch wol drei wochen/das es so trucken war wie eyn holz/
vnd das es so lang vngessen hieng vber dem feur. War die ur-
sach/Der wilde der es hatte/war genant Parwaa. Der war
auff eynen andern ort gezogen wurzeln zuholen/die getrenck
zumachen/des Hieronymi fleysch darmit zubetrincken/das
sie also die zeit verliesse/vnd sie wolten mich nicht ehe nach
dem schiff führen/sie herten dann das fest vber Hieronymi
gehalten/vnd das fleysch gessen. Mittler zeit war das Fran-
zösisch schiff wider hinweg gefahren. Dann es mochte unge-
ferlich acht meil wegs von dannen sein da ich war.

Wie ich die zeitung hörte ward ich betrübt/Aber die Wil-
den sagten/Sie pflegten gemeynlichen alle jar dahin zukom-
men/musste ichs zufrieden sein.

Wieder Almechtige Gott eyn
zeychen thet. Caput xlvij.

Ich hatt eyn Creutz gemacht/von eynem reydel/vnd vor
der hütten auff gericht /darin ich war/bei dem ich vil-
mala

ma's mein gebet ehet zum herzen / vnd ich hatte den wilden
 befolen / sie solten es nicht auß ziehen / es möchte inen vnglück
 darvon kommen / aber sie verachteten meine rede. Auff eyn
 zeit war ich mit inen auff der fischerei / mitler weil hatte cyne
 frau das Creutz außgeraufft hatte es irem manne geben / der
 solte jr eyn art pater noster / welche sie von Meer schnecken
 heusen machen / darauffreiben / dieweil es runt war / welches
 mich nun sehr verdros / bald darnach fieng es sehr an zuren



nen

nen/wehete etliche tage. Sie kamen in meine hütten/begerten/ Ich solte mit meinem Gott machen/das der regen auffhörete/Dann wo es nicht auffhörete/würde es ire pflantzung verhindern/Dann ire pflantz zeit war da. Ich sagte es were ir schuldt/sie hetten meinen Gott erzürnet/das sie das holtz hetten außgerauft. Dann bei dem holtz pflegte ich mit meinem Gott sprach zuhalten. Wie sie nun meyneten das die ursach zusein des regens/halff mir meines herin sohn wider eyn Creutz vffrichten/es war ungeferlich vmb eyn awi nach mittage/nach der sonnen zurechnen. Wie es auffgerichtet/wurd es von stundan widerumb schön wetter/vnd war vor mittage sehr vngestümb/Sie verwunderten sich alle/meyneten mein Gott het was ich wölte.

Wie ich eynes abents mit zweyen

Wilden vff der fischerei war/vnd Got eyn wunder bei mir erzeygte/eynes grossen regens vnd vngewitters halben. Cap. xlvij.

Ich stund mit eynem/welcher auch der vornemsten eyner war/Parwaa genant/welcher den Hieronymum gebieten hatte. Derselbige/vnd noch eyner/vnd ich/stunden vnd fischeten/in abscheydung des tages/erhüb sich eyn groß regen mit eynem donner/vnd regnete nicht weit von vns/so das vns der windt den regen zu nähete. Da baten mich die beyden Wilden/das ich mit meinem Gott reden wölte das vns der regen nit möchte hindern/vielleicht würden wir noch mehr fische fangen/Dann ich sehe wol/wir hetten in der hütten nichts zuessen. Die wort bewegten mich/vñ bat den Herren auß grunde meines hertzen/das er wölte sein macht bei mir bewisen/Dieweil es die Wilden von mir begerten/auff das sie



das sie ye sehen wie du mein Got alle zeit bei mir bist/wie ich
das gebet geendet hatte/so kompt der windt mit dem regen
anbrausen/vnd regnere ungeferlich sey schrit von vns/vnnd
auff der stette da wir waren/vernamen wir nichts/So/das
der Wilde Parwaasagte/Nun sehe ich/das du mit deinem
Gott geredt hast/Vnd wir fiengen etliche fische.

Wie wir nun inn die hütten kamen/sagten die beyde den
andern Wilden / Das ich mit meinem Gott geredt hatte/

vnd sich solche ding begeben hetten/Solches verwunderten
sich die andern.

Wie sie den andern von den zweyen gebratenen Christen assen/Hironymus genant.

Caput xliij.

Wie nun der wilde Paruaa/ allereydschafft bei eynan-
der hatte wie vorgemelt/ ließ er gedrencke machen des
Hironymo fleysch zu bedrincken/ wie sie es nun bedruncken/
brachten sie die zwen gebüder zu mir/vñ noch eynen/welche
meines herri sohn gefangen hatte/Anthonijs genant/So
das vnser vier Christen bei eynander warē/mustn mit jnen
drincken/aber ehe mir trincken wolten/terten wir vnser geber
zu Got/das er der seelen wölte gnedig sein/vñ vns auch/
wan vnser stunde kompt/vñ die wilden schweyzen mit vns/
vnd waren frölich/aber wir sahen grof selende/Des anderen
morgens fröh soden sie das fleysch wider auff vnd assens/
hatten in eynem kurtzen verruht. Denselbigen tag fuhren
sie mich hin zuuerschicken/Wie ich nun von den beyden brü-
dern schied/baten sie mich ich solte Got vor sie bitten/vnd ich
gab jnen bericht/ob sie entlauffen konten wo sie sich hinaus
wenden solten in gebirge/vff das sie jnen nicht konten nach
spüren/dañ ich des gebirges kundschaft hatte/dasselbige sie
auch gethan hatten/waren loß worden vnd entlauffen/wie
ich hernachmals erfuhr/ob sie widder gefangen worden/
weys ich noch nicht.

Wie sie mich hinfuhren zu verschicken.

Caput so.

Es fuhren mit mir hin/da sie mich verschicken wolten
Tackwara sutibi genant/vnd wie wir so eynstück weges
vom

vom lande waren/sabe ich mich vmb nach den hütten da
wir außführen/vnd es war eyne schwartz wolcken vber den
hütten. Ich zeygte es jnen vnd sagte/ Mein Gott were zorn
ig vber das dorff/dz sie das Christi fleisch gessen hetten &c.
Wie sie mich nu dar brachten/ vberliefferten sie mich eynem
Künige Abbati Bossange genant/ Dem selbigen sagten sie/
Das er mir keyn vberlast thun solte/oder thun lassen/dann
mein Gott were schrecklich vber die / so mir leydt thetten.
Dann das hetten sie gesehen/da ich noch bei jnen were gewe
sen. Vnd ich thet jne auch selbs eyne vermanung/sagte/Es
würde bald mein brüder vnd freund verwandten komen mit
eynem schiff voll wahl/dz sie mich nur wol verwareten/den
wolt ich jnen waar geben. Dañ ich wüßte furwar/mein Got
würde meiner brüder schiffe bald her bringen. Das behagte
jnen wol. Der König hieß mich sohn/ vnd ich gieng mit sei
nen söhnen auff's weydwert.

Wie mir die wilden desselbigen orts er

zeleten wie das vorgemelte schiff auß Franckreich
wider hinweg gestegelt were. Cap. 51

Sie sagten mir/wie das vorige schiff/Maria Bellere ge
nant/von Depen/da ich gerne were in gewesen/da vol
le ladung bekommen hette/nemlich Brasilien holz/Pfeffer/
Baumwol/Federwerck/Meerkräutern/Papegogen vnd derg
leichen war/welche da gefelt/vnd sie hetten da in den hauin
gen Riode Jenero eyn Portugalesisch schiff genommen/vnd
der Portugaleser eynen/ItaVu/eynem wilden Könige/so
genant/geben/der hette jnen gessen/auch were der Franztose/
welcher/wie ich gefangen wurd / den Wilden befulhe / sie
soltten mich essen/in dem schiff/vnd wolte wider heym/vnd

das war das schiff wie vorgemelt / wie ich den Wilden ent-
lieff vnd bei jr Bort kam / vnd sie mich nicht innemen wolten /
dasselbige schiff war vmb kōmen / auff der wider vmb reyse /
Das / wie ich da mit dem andern schiff inn Franckreich kam
niemand erfahren hatte / wo es blieben war / wie volgent
gemelt wirt.

Wie kurz darnach wie ich dahin ver-

schenckte wurd / eyn ander schiff auß Franckreich

kam / die Katharina de Varranilla genant

welchemich / auß versehung Gottes / kauf-

ten / vnd wie sich es zutrug. Cap. 52.

Ich war vngeserlich vierzehen tage in dem Flecken
Tactwara sutibi bei dem Könige Abbati Bossange /
so begab es sich eyns tags / das etliche wilden zu mir kamen /
vnd sagten / sie hetten hören schiffen / es müste in Jteronne sein
welcher hauinge auch geheysen wirt Rio de Jenero / wie ich
nungewisslich erfuhr / das eynschiff da war / sagte ich jnen /
das sie mich dahin brechten Dann es wurden vñleicht mein
brüder sein / sie sagten ja / vñ hielten mich gleichwol auff noch
etliche tage.

Witler zeit begab es sich / das die Franzzosen / so dahin
kōmen waren / hörten / das ich da vnter den Wilden were /
schickte der Capitan zwen gesellen von dem schiff / mit sampt
etlichen wilden kōnigen / welche sie zu freunden hatten in den
Flecken da ich inne war / kamen inn eyne hütten / Der König
über die / hieß Sowarasi / hart bei der hütten da ich inne
war / mir ward die zeitunge bracht / von den Wilden / das da
zween vom schiff kōmen weren / ich wurd froh / gieng hin zu
jnen hieß sie wilkommen / in die wilde spraach / wie sie mich

num

min so elende sehen geben/hatten sie cyn mit leiden mit mir/
vnd reyleten mir irer kleyder mit. Ich fragte sie/Warumb sie
kommen weren. Sie sagten/Meinet halben/Ihnen were be
solhen/das sie mich mit zu schiff brächten/des solten sie alle
anschlege brauchen. Da erfrewete sich mein hertz vber die
barmhertzigkeyt Gottes. Vnd ich sagte zu dem cynen der
zweyer/Peror genant/welcher der Wilden spraach kunte/Er
solte so fürwenden/Er were mein brüder/vnnd hette mir da
etliche kisten voll kauffmanschafft bracht/das sie mich mit
inen zu schiff brachten/vnd die kisten holeten. Vnd das er vor
wendete/ Ich wölte vnder inen bleiben/ pfeffer vnnd andere
mehr wahr zuuersamen/bis das die schiff wider kämen vffs
ander jar. Den reden nach brachten sie mich mit zu schiff/
mein heri zobe selbs mit. Sie hatten im schiff alle mit leiden
mit mir / thaten mir vil gûts. Wie wir nun vngeserlich
eyn tag oder fünff zu schiff waren gewesen/fragte mich der
Wilde künig Abbati Bossange/welchem ich geschenckt war/
wo die kisten weren/das ich sie mir geben ließ/das wir wider
möchten inzeiten heym kommen. Dieselbige meynung sagte
ich dem obersten des schiffs/ Der befalhe mir/ich solte inen
auffhalten/bis das schiff sein volle last hette/darumb/ob sie
sich ye zürneten/vnnd vngemach vnderstunden anzuhoben/
wann sie sehen das sie mich im schiff behielten/oder sunst eyn
verieterei anrichteten/Sintemal es eyn volck da kryn ver
trauen auff ist. Aber mein heri der künig meynete genzlich er
wölte mich mit heym nemen. Aber ich hielt in so lang auff
mit Worten/sagte das er nit so sehr eilete/Dann er wuste wol
wan gute freund zusammen kenen/konten sie so bald nit schey
den. Aber wan sie wölte mit dem schiff wider hinweg fahren/
wölten wir auch widerumb nach seiner hütten ziehen/bielts
inen so auff.

Zum letzten/Wie das schiff gerüstet war/versamleten sich
die frantzosen im schiff alle bei eynander/vnd ich stund bei
inen/vnd mein herr der künig sampt denen so er mit sich hatt
stunden auch da. Vnd der hauptman des schiffs ließ den Wil-
den sagen mit seinem dolmetsch/Es behagte jm sehr wol das
sie mich nit getödtet hetten. Nach dem sie mich vnter iren sein-
den gefangen hetten. Ließ weiter sagen (mich mit besserer ge-
fügikeyt vō inen abzubringen) er hette der gestalt mich vom
lande ins schiff lassen fordern/das er inen etwas geben wölte
das sie mich so wol verwarret hetten/auch were sein meynung
er wölte mir etliche wahr thun/das ich solte vnter inen blei-
ben/dieweil ich bei inen bekant were/pfesser vnd andere wahr
versamleten die jme dienlich were/bis das er wider keme. So
hatten wirs nun so beschlossen/das eyner oder zehen von den
schiffleuten sich versamlet/welche mir etlicher maß ähnlich wa-
ren/die selbigen gaben für / sie weren meine brüder/wolten
mich mit heym haben. Die meynung ward inen fürgehalten/
Dieselbigen meine brüder woltē in keynen weg/das ich wider
mit inen an landt solt zihen/sonder ich solte heym zihen/dan
vnsrer vatter begerte mich noch eyn mal zusehen ehe dann er
stürbe. Da ließ inen der Capitan wider sagen/Er were jr o-
berster im schiff/vnd hette gern das ich wider mit inen an
landt zöge/aber er were nur eyn mensch/vnd meiner brüder
weren vil/er künnte nicht wider sie thun. Das vorwenden ge-
schah alles/das sie sich wolten mit glimpff von den Wilden
schleissen. Vnd ich sagte auch meinem herrn dem künige/Ich
wölte gern wider mit inen heym zihen/aber er sehe wol/das
es meine brüder nit wölten zulassen. Da sieng er an zuschreien
im schiffe vnd sagte/Wann sie mich dann ye wolten mit ne-
men/das ich dann mit dem ersten schiff wider keme/dann er
hette mich für seinen sohn gehalten / vnd were sehr zornig
vber

uber die von Wuttibi/das mich die betten wöllen essen.

Vnd seiner weiber cyns/welchs mit im schiff war/musste mich beschreiben nach irer gewonheyt/vñ ich schrey auch nach irem gebrauch. Nach dem allem gab jme der hauptman etliche wabz/möchte sich belauffen vmb fünff ducaten werdt/in Messern/Lyten/Spiegeln vnd Remmen. Damit zohen si widerumb an landt nach irer wonunge.

So halff mir der allmechtige Herr/der Gott Abraham/Isaac vnd Jacob/auf der gewalt der Tyrannen/Ihme sei lob/preiß vnd ehz/durch Jesum Christum seinen liebenssohn vnsern seligmacher/Amen.

Wie die Obersten des Schiffs genent

waren/vnd wo das schiff her war/vnd was sich noch begab ehe wir auß dem hauingen fuhren/vnd wie lang wir auff der reyse nach Frankreich waren.

Caput liij.

Der Hauptman des schiffes war genant Wilhelm de Moner/vnd der Steurman Francoy de Schantz/ Das Schiff war genennet die Catharina von Watauilla zc. Sie rüsteten das schiff wider zu/nach Frankreich zusiegeln/so begab es sich cyns morgens/da wir noch in dem hauingen(Rio de Jenero genant) lagen/kam eyn Portugalesisch schifflein/wolte auß dem hauingen fahren/hatte gesaußschlagt mit eyner art Wilder/welche sie zu freunden haben/vnd heysen Los Martayas/dero Landschafft stosset hart an der Tuppin Jkins Landt/welche die Franzosen zu freunde haben/Die beyde Nationen sind feinde zuhauff.


Vnd es war das schifflein/welches (wie vorigemelt) nach mir war/mich den wilden abzuteuffen/Hörere eynen facios



Peter Kessel genant / die Franzosen richteten ire Bort zu
 mit geschütz / schiessen zu ihnen hinein / meyneten sie zu ihnen
 Namen mich mit / das ich mit ihnen reden solt / sie solten sich
 aufgeben. Aber wie wir das schifflein anfielen / schlugen sie
 uns widerumb ab / wurden etliche Franzosen erschossen / et
 liche verwundet / Ich ward auch in den tod verwundet mit
 eynem schoß / vil hefter dan der lebendigen verwundten
 Keyser / Rieff in der angst zu meinem herren / dann ich fühlte
 nichts

nichts anders dann todes not/vnd bat den gütigen vatter/
dieweiler mir auß der tyrannengewalt geholffen hette/wöl-
te mich doch bei dem leben behalten/das ich möchte widerüb
in Chriſten landſchafft kommen/vnd ſeine an mir erzeygte
wolthat andern leuten auch verkünden. Vnd ich bekam mei-
ne vollkomne geſundtheit wider. Gelobet ſei der gütige Gott
von ewigkeyt zu ewigkeyt.

Anno Domini 1554. den letzten Octobris/giengen wir in
dem hawingen Rio de Jenero zu ſiegel/vñ fuhren wider nach



Franchreich. Wir hatten ober Meer guten windt/so das sich
die schiffleut verwunderten/meyneren es müste sonderlich
eyn gabe von Gott sein. Lyn solch wetter (wie es auch war)
Auch thet der Herr eyn sichtlich wunder bei vns im Meer.

Den ersten tag vor dem Christag kamen vil fische vmb das
schiff her/welche man nemet Meerschwein/Der fiengen wir
so vil/das wir etliche tage satt hatten. Desselbigen gleichen
auch auff der heyligen drei künig abent/ bescherte vns auch
Gott fische satt/dan wir hatten sunst des mals nicht vil zu
speisen/dann was vns Gott auß dem Meer gab. Darnach
ungeferlich den xx. tag Februarij des jars 55. kamen wir im
künigreich von Franchreich an/bei eynem Stetlein Nonflor
genant/ligt in Normandi. Wir sahen auff der gangen wis
derumb reyse keyn landt bei nabe vier monat. Wie sie nun
das schiff außluden/halff ich jnen/Wie das geschehen war/
danckte ich jnen allen für die erzeygte wolthat. Darnach
begerte ich eyn passport vom hauptman/ Aber er hette vil
lieber gesehen/das ich noch eyne reyse hette mit jme ge. hon.
Wie er aber sahe/das ich nicht bleiben wolt/erlangte er mir
eyn passport von Moensoral Miranth Oberster in Nor
mandia. Derselbige wie er von mir gehört hatte/forderte er
mich vor sich/gab mir die passport/Vnd mein Hauptman
gab mir zeer gelt. Ich nam meinen abscheyd/zohe von Non
flor auff Habelnoeff/von Habelnoeff auff Depen.

Wie ich zu Depen in des Heupemans

haus/des sch. F Bellete geführt wurd/darin jr
haus vnt Oberster ware/welchs vor vns war
auß Brasilien gestegelt/vnd noch nit heym
kommen. Caput 54.

Zu Depen

In Depen/daher das vorige schiff/Maria Bellete war
in welchem der Tolmetsche(so den Wilden befolhe sie
solten mich essen) war/vnd wolte mit vber in Franck-
reich faren/waren auch dieselbigen so mich nicht zu sich in ir
bott nemen wolten/wie ich den wilden entlieff/auch derselbe
Hauptman des schiffes/wie mir die Wilden sagten/hatte
den Wilden eynen Portugaleser geben zuessen/Dann sie den
Portugalesern eyn schiff genommen hatten/wie vor gemelt.

Dieselbigen leut des schiffes Bellete/waren noch nit mit
dem schiffe zu lande kommen/wie ich dahin kam. Wiewol
sie nach der rechen schafft das schiff von Wattauilla/so nach
jnen dahin kam vnd mich kaufte/solte drei monat ehe dann
wir/heym kommen sein.Derselbigen leut weiber vnd freunde
verwandten kamen zu mir vnd fragten mich/ Ob ich sie
nicht vernommen hette. Ich sagte/Wol hab ich sie vernom-
men/es sein eyn teyl Gottloser leut im schiff/sie seien wo sie
wollen/vnd erzalte jnen/wie das eyner/so im lande vnter den
Wilden gewesen were/welcher auch mit im schiff were / den
Wilden befolhen hette/sie solten mich essen/doch hette mich
der allmechtige Gott behütet/Vnd sagte jnen weiter/Wie
das sie weren mit irem bott bei die hütten gefaren darinne
ich war/vnd den Wilden pfeffer vnd Meerkatzen abge-
beutet/vnd ich were den Wilden entlauffen vnd zu jnen bei
das bott geschwommen / aber sie mich nicht hetten wöllen
einnemen/hette derhalben wider müssen an Landt schwim-
men vnter die Wilden/welches mir das mal eyn groß hertz-
wehe war. Auch hetten sie den Wilden eynen Portugaleser ge-
ben/welchen sie gefessen hetten/sagte jnen/Wie das sie meiner
gar keyn gnad hetten wöllen haben. Mit solchem allem sehe
ich nun wol/das es der liebe Gott so gut mit mir gemeynet
hette/Das ich/Gott sei lob/vor jnen hie bin/euch die newe

zeitung zubringen. Sie mögen auch kommen wann sie kommen sollen. Aber ich wil euch eyn prophet sein/das von Gott solche vnbarmerzigeit vnd tyrannei/so sie da im Land bei mir gebohen haben/Gott vergebs inen/nicht würde vngestraft bleiben/es were gleich kurz oder lang/dann es augenscheinlich were/das mein seuffzen den hern Gott im hymel erbarmet hette. Sagte inen weiter/ Wiewol es denen so mich den Wilden abgekauft hatten / auff der reyse gangen were/wie auch die warheyt ist. Gott gab vns schon wetter vnd windt/gab vns fische auß der tieffe des Meeres.

Sie gebieten sich vbel/meyneten was mich gedechte/ob sie auch noch vorhanden weren (sie nicht gah zu vnterst) sagte ich/sie konten noch villeicht wol wider kommen/wiewol der meyste hauff/vnd Ich auch/nit anders aussprechen konten/dann sie musten mit dem schiff vmbkommen sein.

Nach allen den reden/schied ich von inen/vnd sagte/Sie solten den andern anzeygen/ob sie kemen/Gott hette mir geholffen/Ich were da gewesen.

Von Depen/suhr ich mit eynem schiff gen Lunden in Engellandt/da war ich etliche tage/darnach suhr ich von Lunden in Seelandt/von Seelandt gehn Andorff. So hat mich der Almechtige Gott/dem alle ding möglich ist/ins vatterlandt wider geholffen/ime sei ewig lob/ Amen.

Mein gebet zu Gott dem hern die
weil ich in der Wilden leut gewalt
war mich zu essen.

G Du almechtigkeyt/der du den Hymel vnd die Erde gegründet hast/ du Gott vnser vor vätter Abrahā Isaac vnd

vnd Jacob/der du dein volck Israhel so gewaltiglich auß irer
feinde handt geführet hast/durch das rote Meer/der du Da-
nielen vnter den Lewen behütet/Dich bitt ich/du ewiger ge-
walthaber/du wöllest mich erlösen auß der hand dieser Ty-
rannen/die dich nicht kennen/vmb Jesu Christi deines lieben
Sohns willen/welcher die gefangene erlöset hat auß ewiger
gefengtnus/Doch herreist es dein wille/das ich so eynen Ty-
rannischen todt leiden sol/von diesen völkern so dich nicht
kennen/vnd sagen/wenn ich ihnen von dir sage/du habest keyne
macht/mich auß iren henden zunemen/So stercke mich so in
der letzten stunde/wenn sie iren willen wollen an mir vollens
bringen/das ich so nicht zweifel an deiner Barmhertzigkeyt.
Sol ich dann in diesem elende so viel leiden/so gib mir hirt-
lich tröste/vnd behüte mich so vor dem zukommenden elende/
daruor sich alle vnser vordäter entsetzt haben/doch herre/
du kanst mir wol auß irer gewalt helffen/hilff mir/ich weys
du kanst mir wol helffen/vnd wann du mir geholffen hast/
will ichs keynem glück zurechen/Sonder alleyn/das deine
gewaltige hand geholffen habe/dan jetzt kan mir keynes men-
schen gewalt helffen/vnd wenn du mir geholffen hast/auß
irer gewalt/deine wolthat will ich preisen/vnd an den tag
geben/vnter allen völkern/wohin ich komme/ Amen.

Ich kan nicht wol glauben das
von hertzen könne beten cyn man/
Es sei dan das leibs gefahr oder ander groß
Creutz vnd verfolgung in treffe an.
Dann wenn der leichnam mag nach seinem
willen leben.
Wird die arm creatur allezeit wider ir schöp-
fer streben. o iij

Darumb dem menschen dem Gott zuschickt gegen Spue.
Weynet er es warhafftig hertzlich güt/
Daran niemandt zweifel habe.
Solchs ist eyn Gottes gabe/
Reyn trostweh: noch wopen gefunden wirt zu keyner frist/
Daß alleyn der mit dē glauben vnd Gots wort gerüstet ist.
Darumb eyn yeder Gottes fürchtig man.
Seine kinder nichts bessers leren kan/
Daß das sie das wort Gottes wol fassen so können sie sich in
zeit der nott daruff verlassen.

Darmit du lieber leser nicht solt crachten.
Ich habe diese mein mühe vmb ruhm gethan mich
füh: etwas zu achten/
Es geschicht dem Almechtigen Gott zulob vnd preiß.
Der aller menschen hertzen vnd gedancken weyß/
Dem lieber leser befehl ich dich.
Der wölle auch nun vortan behüten mich.

Ende des ersten Büchlin.



Wahrhafter kurzer Be- richt/handel vnd sitten der Tuppin In- bas/derer gefangher ich gewesen bin/Wonen in Ame- rica/irelandt schaffet ligt in in 24. gradus vff der Seiden seit d linien æquinoctial/ir landstoffer an eyn reiser/Rio de Jenero genant.



Wie sich die Schiffart anfaheet/
 auß Portugal nach Rio de Jenero/gelegen in
 America/ungewerlich in 24. gradus des Tro-
 pici Capricorni höhe. Caput j.



Lissabona/eyn statt in Por-
 tugal gelegen /im 39. gradu/ auff der
 Nordensiten/der linien Aequinoctial
 wann man von Lissabona wil abfah-
 ren nach der Prouintz Rio de Jenero
 gelegen in der Landschafft Brasilien/
 so man auch Americam nennet/fehret
 man erstmals auff insulen /heysen die Cannaria/ sein des
 Königs auß Hispanien/der 6. hie genant werden. Die erste
 Gran Canaria/Die ander Lanferutta/Die dritte Forc Ven-
 tura/Die vierdre Il Ferro/Die fünffte La Palma/Die septe
 Tineriffe. Von dannen fehret man vff insulen/heysen Los
 insules de Cape verde/Ist so vil gesagt/Die insulen des grü-
 nen heupt/welches grün heupt leiget inn schwartz Adoren
 landt/welchs man auch wol heysset Gene. Die obgemelten
 insulen leigen vnter dem Tropico Canceri/hören dem König
 von Portugal zu. Von den insulen siegelt man Seud seud
 West/nach der landschafft Brasilien zu/vnd ist eyn grosses
 weites meer/man siegelt offtdrei monat vnd lenger/ebeman
 in die landschafft kompt. Erstmals siegelt man vber den
 Tropicum Canceri/das er zu ruck bleibt. Darnach durch die
 lineam æquinoctialem. Wann man die Nordwärts zurück
 siegelt/so sibet man den Nord stern (welchen man auch nen-
 net Polum arcticum) nicht mehr. Darnach kompt man in
 die höhe

die höhe des Tropici Capricorni / vnd man fehret vnter des
Sonnen her / vnd wess man vber die höhe des Tropici Capri-
corni ist / nach der mittags seiten so siehet man die Sonne
binab nach dem Nothen / ist stets grosse hitz zwischen den
beyden Tropicis / Vnd das vorigenant landt Brasilien ligt
eyn teyl inn den Tropicis.

Wie das Landt America oder Brasilien gelegen ist / wie ich zum teyl gesehen. Cap. ii.

America ist eyn grosses Land / hat vil geschlecht Wil-
der leut / dieselbigē habē vil verenderung der sprach /
vnd seind viel seltsamer Thyer / ist lustig anzusehen / die Bäu-
me sein allezeit grüne / hat kein gehölze das dieser Land art
gehölze gleich sei / die leut gehen nacket / es ist in dem teyl lan-
des das zwischen den Tropicis ligt vmb keyne zeit des jars
so kalt / als hie vmb Michalis / aber das teyl landes das sich
Südwerts des Tropici Capricorni ligt / ist etwas kelter /
wonendasselbs nation wilder die heysen Carios / dieselbigen
brauchen wilde thires heut / welche sie fein zubereyten / sich
damit bedecken / der selbigen Wilden weiber machen dinger
von baum wollen garn / wie eyn sack vnden vnd oben offen /
die ziehen sie an / vnd heysen auff ire spraache Typpoy . Es
hat im landt etliche fruchte der erden vnd beume / darvon
sich die leut vnd Tier erneren / die leuthe des landes sein rot
brauner farbe am leibe / der Sonnen halben / welche sie so
verbrennet / eyn gerades volck / listig zu aller bossheyt / sehr
geneygt ire feinde zu uersolgen vñ zu essen / ic. ire landtschafft
America hat etliche hundert meil Nothen vnd Süden in die
lengē / deren ich wol fünffhundert meil langes der landtschafft

ber gesiegelt habe/ vnd zum theyl/ in vielen orten/ des landes
gewesen bin.

Von eynem grossen gebirge/

welches im Lande ligt. Cap. iij.

Es hat eyn gebirge/ reychet auff drei meil nahe bei das
Meer/ auff ortern weiter/ auch wol neher/ vnd gehet an
ungeferlich in der höhe/ Botga de Todolos Sanctus/ eyn
flcken so genant/ dahin die Portugaleser gebawet vnd do
wonen/ vnd dasselbige gebirge strecket sich die lenge an dem
meer her/ vollkornlich 204 meil/ vnd in der höhe 29 gradus/
auff der Sudenten/ der linien aquinoctial/ Endt sich der
berg auff ortern/ ist er acht meil wegs breyt/ vnder dem
berge ist gleich landt. Es kommen vil schtzer wasserflüss
zwischen dem berge heraus/ hat vil wildt. Vnd in dem berg
haltet sich eyn art wilder leut die heissen die Warganna/ die
selbigen haben keyne stete wohnungen wie die andern/ so vor
id hinter dem berge wonen. Die selbigen Warganna haben
krieg gegen alle die andern nationen/ wo sie dero bekommen/
sich auch die andern/ sie ziehen
dem gewildt nach in dem gebirg/ sein klag wildt zuschleffen
mit dem handtboogen/ brauchen vil behendigkeyt mit andern
dingen/ nemlich mit Schleyffen vnd mit fallen/ darmit sie
wildt fangen.

Es hat auch vil wilden hontgim gebirg/ welchen sie essen.

Sie können auch gemeynlich der thier pferren vnd der vö
gel gefenge/ sie desto besser zuerschleichen vnd zuschleffen.

Entzünden jr ferwer von zweyen hölzern/ wie auch die an
ders Wilden thun. Braten gemeynlich jr fleysch das sie essen.
Sie ziehen mit weib vnd kindern.

Wam

Wann sie sich etwan hin legern nahe bei irer feinde landt/
Enicken sie becken hart vmb ire hütten her / vff das man sie
nicht in der eile oberlauffen könne / Auch etwan vmb der Tie-
gerthier willen. Strecken auch scharffe döner (Maraga eibe
zu genant) vmb die hütten her / gleich wie man hie süß an-
gel legt / das thun sie auß forcht irer feind. Die ganze nacht
haben sie frow bei sich / wann der tag anbricht / thun sie es auß/
auff das man nicht den rauch sehe vnd inen nach spüre.

Sie lassen lang har auff dem heupt / Auch lange negel auff
den fingern erwachsen. Sie haben sunst auch der rasselen/
Maraka genant / wie die andern Wilden / welche sie für göt-
ter halten / haben ire getrencke vnd dänge / Auch noch wilde
thieres zeene darmit sie schneiden. Seyner teile darmit sie
haben wie die andern nationen auch gehabt haben / ehe sie
mit den schiffen haben gepartirt.

Sie ziehen auch oftmals auß nach iren feinden / Wann sie
die fangen wollen / setzen sie sich hinter dürrer hölzer / die irer
feinde hütten nahe stehn / Thun das darumb / ob etliche auß
den hütten kernen holtz zuholen / sie so zufangen.

Sie gehen auch vil tyrannischer mit iren feinden vmb /
dann ire feinde mit inen thun / Vrsach / sie schneiden inen oft-
mals arm vnd beyn lebendig ab von grossem neidt. Die an-
dern aber schlagen dise erst tot / ehe sie sie zerschneiden zuessen.

Wie die Wilden Tuppin Inba deren

gefangnerich war / ire wonungen haben. Cap. 4.

Sie haben ire wonungen vor dem vorgenanten grossen
gebirge / hart bei dem Meer / auch hinder dem berge
streckt sich ire wonung wol 60 meil / vnd es kompt eyn fl.ß
wassers auß dem berge in das meer fließen / den selbigen be-


wonen sie auff eynen ort/ vnd heysset die Paracibe/ die lenge
an dem meer stromer/ haben sie vngesetlich 28. meile lan-
des die sie bewonen/ sein allenthalben mit feinden bedranger/
Auff der Noit seiten grenzen sie an eyn art Wilder/ heysset
Weittaka/ sein ire feinde/ auff der sudenseiten ire feinde heys-
sen Tuppin Jtin/ landtwerts in ire feinde/ seingenant Ra-
raya/ dan die Wayganna im gebirg hart bei in/ vñ noch eyn
art heysset Markaya/ wonen zwischen jnen/ von denselbigen
haben sie grosse verfolgung/ die vorgenanten geschlechter/ ha-
ben krieg durch eynander her/ vnd wenn irer eyn den andern
fabet den essen sie.

Sie setzen ire wonungen gerne vff datter da sie wasser vnd
holz nicht weit haben/ Wild vnd fische desselbigen gleichen/
vnd wan sie es auff eynem ort verbert haben/ verandern sie ire
wonunge auff andere datter/ vñ wen sie wollen ire hütten mach-
en/ versamlet eyn Oberster vnter jnen/ eyn parthei oder 40.
man vnd weib/ so viel er bekommen kan/ das sein gemeynlich
freunde vnd verwanten.

Dieselbigen richten eyne hütten auff/ welche ist vngesetlich
14. füsse breyt/ vnd wol 150. füsse lang/ darnach irer vil sein.
Sein vngesetlich 2. klostern hoch sein oben rund wie eyn keller
gewelbe/ dieselbigen decken sie dicke mit palmen zweigen/ dz
es nicht darin regnet/ die hütte ist alle offen inwendig/ es hat
keyner keynsonderlich zugemacht gemacht/ eyn yedes der par-
teien man vnd weib/ hat eynen raum/ in der hütten/ auff ey-
ner seiten/ von 12. füssen/ auff der andern seiten/ desselbigen
gleichen eyn ander parthei/ so sein ire hütten vol/ vnd eyn yede
parthei hat ir eygen sewer/ der oberste der hütten hat sein losa-
ment mitten in der hütten/ sie haben alle gemeyniglich drei
pörlin/ auff yderm ende eyns/ vnd mitten eyns/ sein nider/ dz
sie sich müssen bücken wen sie auß vnd in gehen/ irer döffer
wenig

Figur der hütten vñ stocketen.

Caput V.



wenig haben vber sieben hütten/lassen eynen platz zwischen
den hütten/da sie ire gefangene auff todt schlagen. Auch sein
sie geneygt Festungen vmb ire hütten zumachen / die ist so:
Sie machen eyn Stocket vmb die hütten her auß Palmen
p ij

beumen/die spalten sie voneynander. Das Stocker ist wol
 anderthalb klaffter hoch/machens dick das keyn pfeil hin-
 durch mag kommen/haben Eleyne schiefelöchl in darin da sie
 heraus flitschen/Vnd vmb das stocker her machen sie noch
 eyn ander stocker/von grossen hohen reydeln/ Aber sie setzen
 die reydel nicht hart bei eynander/nur das eyn menssch nicht
 kan hindurch kriechen. Vnd es haben etliche den gebrauch/
 Das sie die köpffe deren so sie gefressen haben/vff die stockeren
 stecken/vor den eingang der hütten.

Wie sie Fewr machen.

Caput vj.



Sie haben eyne art holzes/die heysset Drakueiba/des tris-
 Enen sie/vnd nemen seind an zwey stecklin eyns fingers dick/
 reiben eyns auff dem andern/das gibt dann staub von sich/
 vnd die hitze von dem reiben stecket den staub an/ Darmit
 machen sie fewr/wie diese figur anzeygt.

Marin

Warin sie schlaffen. Cap. VII.



Sie schlaffen in dingern die heysen Jnni vff ire sprach/
sein von baumwollen garn gemacht/die binden sie an zwey
pfäle vber die erden/vnnd haben die nacht stets feur bei sich.
Sie gehn auch nit geru die nacht auß iren bütten/ires behäus
ses zuthun/one feur/so sehr fürchten sie sich für dem Teuffel
welchen sie Jngange nennen/vnd jnen offtmals sehen.

Wie geschickt sie sein wild thirer vnd fische zū schiessen mit pfeilen. Cap. viij.

Wo sie hingehen es sei im gehölze oder beim wasser/ha
ben sie stetz ir bogen vnd pfeile bei sich. Wann sie im ge
hölze gehn/habt sie steiff ir gesicht in die höhe nach den beu
men hin vnd wider/wann sie etwas vernemen von groben vo
geler./Meerkatzen oder sunst Thieren/welche sich auff den
beumen halten/gehen hin zū/unterstehen es zū schiessen/vol
gen jne so lange nach biß das sie etwas bekommen. Selten

was eyner aussen ist nach weydwert/ das erledig dem kofn.
 Desselbigen gleichen ziehen sie den fischen nach/ hart bei
 den vbern des meers/ haben eyn scharff gesicht/ Wann sich
 etwan eyn fisch erhebet/ da schiessen sie nach/ wenig schösse
 seylen. So bald eyner troffen wirt/ springen sie ins wasser/ vñ
 schwimmen jm nach. Etliche grobe fische/ wann sie den pfeil
 in sich füllen/ begeben sie sich nach dem grunt denselben ducken
 sie nach etwan in die sey klaffter tieff/ bringen jn mit.



Haben

Haben auch sunst Kleyne hemlein/welches garn da sie es von stricken/ziehen sie von spitzen langen bletteren/welche sie beyssen Toekam. Vnd wann sie mit den gemlein fischen wollen/versamlen sich freerlich/yeder hat sein eygens bezirkeln eynen ort wassers da es nicht tieff ist/ dann gehen etliche in den kreys schlahen ins wasser/so begert der fisch der tieffe/ kompt jnen so in jr garn/wer die meysten fahet teylet er an dern mit.

Es kommen auch offtmals die/so weit von dem meer wohnen/hinzü/fangen vil fische/braten sie dñr/zerstossen sie/machen mehl darauß/welchs sie wol derren/das es lange zein weren kan/das sären sie mit heym/essen wurzel mehl darzü/dañ solten sie die fische sunst gebraten mit heym sären wereten sie nit lang/dann sie sie nit saltzen/auch gebet des mels mehr vber eyn hauffen dann der gangen gebratnen fische.

Was gestalt die leut haben.

Caput ix.

Es ist eyn seines volck/von leib vnd gestalt/beyd fraw vñ man/gleich wie die leut hie zū lande/nur das sie braun von der Sonnen sein/dañ sie gehen alle nacket/jung vnd alt/haben auch gar nichts vor den schemen/vnd sie verstellen sich selbs mit vermalen/haben keyn bārt/dañ sie pflücken sie aus mit den wurtzeln/so offter jnen wechset/machen löcher in den mund vnd ohren darin hangen sie steyne/das ist jr zirat/vnd bebencken sich mit federn.

Womit sie hawen vnd schneiden auff

den enden/da sie keyner Chriſten wahr bekommen können/als Lyte/Messer vnd Scheren. Cap. x.

Sie haben vormals/ehe dann schiffe ins landt sein kommen/vnd haben auch noch auff vielen orten des landes dahin keyne schiff kommen/nemlich eyn art schwertz blawer steyne/machen inen wie eyne keil/vnd den breyttesten ort machen sie stumpff scharff/ist wol eyner spannen lang/zweyer finger dick/eyner handt breit/Etliche sein grösser/etliche kleyner.Darnach nemen sie eyn schmal reydelin/vnd beugen es oben dumb her/bindens mit bast zusammen.

Dieselbige figur haben nun auch die eiserne keil/so inen die Christen geben auff etlichen orten. Aber sie machen nun die stäbele auff eyn ander wise/eyn loch hindurch/da stecken sie den keil ein/das ist jr beibel da haben sie mit.

Sie nemen auch wilde schweins zeen/vnd werzen sie in der mitte das sie scharff werden/vnd binden sie dan zwischen zwey hölzlein/Darmit schaben sie dann ire pfeil vnd bogen/das sie so rund werden/als ob sie gedrehet weren.

Brauchen auch eyne zan von eynem thier Pacca genant/Den werzen sie vorne scharpff/vnd wann sie gebrochen am leibe haben/des geblüts halben/kratzen sie sich auff der stete da es inen wehe thut/das blüet dan/das ist jr schrepffen.

**Was jr brodt ist/wie ire fruchte heyszen/
wie sie es pflanzen/vnd machen das man sein geniessen kan. Cap. xi.**

Die öter dahin sie pflanzen wollen/haben sie beume nider/vnd lassen die eyne monat oder drei durren/darnach stücken sie feuer darin vnd verbrennen sie/dan pflanzen sie ire wurzelen zwischen die stöcke/von welcher sie iren bebelff

behelff haben/heysset Mandioka/ist eyn beumlin eyner Kloff
 tern hoch/gibt drei wurzeln von sich wen sie der wurzeln ge-
 niessen wollen / zihen sie das beumlin auß / vñ brechen die
 wurzeln ab/vnd brechen daß der zweiglein von den beumen
 vnd stickens wider in die erden/das krieger daß wurzeln/vnd
 in sex monaten wird es so groß / das man seiner genießen
 kan/sie nützen die wurzeln auff dreyley weise.



q ij

Zum ersten reiben sie die auff eynem steyn/gar in kleyn
Brümlein/dan persen sie den safft darvon mit eynem dinge
von palmen zweigen schalen gemacht heyst tippiti so wird
es trucken/darnach reden sie es durch eyn sieb/vnd backen dan
von dem Meel dünne kuchen.

Das ding darinne sie jr meel derren vnd backen/ist von
Thon gebrant/gestalt wie eyn grosse schussel. Auch nemen
sie die wurtzeln frisch/vnd legen sie in wasser/lassen sie darin
nennfaul werden/nemen sie dan wider vnd legen sie ober das
feuer/in den rauch/lassen sie truckenen/die truckenen wurtz-
eln nennen sie dann Keirima vnd weren lang/vnd wann
sie es dann nutzen wollen/stossen sie es in eynem mösser von
holz gemacht/so wirt es so weiß wie weissen meel/darvon
machen sie kuchen die heissen sie Byyw.

Auch nemen sie wol gefeullete Madioka/ehesie inen tru-
cken/vnd vermengens mit truckenem vnd mit grünem/da
derren sie eyn meel auß/das weret wol eyn jar/vnd ist gleich
güt zu essen/vnd sie nennen das meel V. Y. than.

Auch machen sie auß fisch vnd fleysch meel/thun im also/
braten das fleysch oder fisch ober dem feuer im rauch/vnd lon-
es gantz dürre werden/zerpflücken es/derren es dennoch noch
eyn mal auff dem feuer inn gefessen/welche sie darzu gebrant
haben/heissen Yneppann/darnach stossen sie es kleyn in ey-
nem hölzern mösser/vnd seihen es durch eyn sieb/machen
es so zu meel/das wert lange zeit/dan sie haben keynen ge-
brauch fisch vnd fleysch zu salzen. Solch meel essen sie dann
zu dem wurtzel meel/vnd es schmecket zimlich wol.

Wie sie ire spets gar mache. Ca. XII.

Es seind vil geschlecht der völker die keyn saltz essen. Die
jenigen

senigen da ich vnter gefangen war / deren etliche essen saltz /
welchs sie von den frantzosen / die mit inen handeln / gesehen
hatten. Aber sie berichten mich / Wie eyn nation völder / dar
an jr landt stoffet / heysen die Karaya / landtwerts hinein
von dem meer ab / die da saltz mächten von palmen beumen /
vnd dasselbige essen / aber die sein vil brauchten zu essen / lebten
nicht lang. Vnd sie machen es vff den gebrauch dan ich es sa
he vnd darzu halff: Sie hawen eynen dicken palmen baum
vmb / vnd Eliberen den inn kleyne spreislin / machen darnach
eyn gestelle von trucknem holtz / legen die spreislin darauff /
vnd verbrennen sie mit dem durren holtz zu aschen / von der
aschen machen sie laugen / vnd die siden sie / das scheydet sich
wie saltz. Ich meynet es were Salpeter gewesen / probieret es
im feur / war aber keyner / schmacker wie saltz / war grau von
farben / Aber der mehrer teyl völder essen keyn saltz.

Wenn sie etwas sieden es sei fisch oder fleysch / thun sie ge
meynlich grünen pfeffer darin / vnd wann es zimlich gar ist /
heben sie es auß der baue / vnd machen dan eynen dünnen brei
drauß / den heysen sie Mingau / drincken in auß Kürbessen /
welche sie vor gefesse haben / auch wann sie eynerley speise
machen wollen / es sei fleysch oder fische / das es eyn zeitlang
were / das legen sie 4. spannen hoch / ober das feur / auff holtz
leyn / vnd machen dan eyn zimlich feur darunter / lassen es
so biaten vnd reuchern / bis das es ganz drucken wird. Wann
sie es darnach essen wollen / so sieden sie es wider auff / vnd
essens / vnd solch fleysch heysen sie Dockaein.

was für regimene vnd ordnung sie
haben mit der Obrigkeit vnd rechten.

Caput viij.

Sie haben sonderlich keyn regiment oder recht/eyn yede hütte hat eynen obersten der ist jr künig. Dann alle jr obersten sein von eynem stam/eyns gebiets vnd regiments/man mag draus machen was man wil. Es mag sich etwan eyner mehr gebraucht haben dann der ander in kriegshandlung/das er der gestalt mehr gebor hat wan sie zu kriege ziehen dan die andern/gleich wie der vorgemelte Konian Bebe. Sonst hab ich keyn sonderlich recht vnder jnen vernommen/dann das die jüngsten seind den eltesten gehorsam zuthun was ire sitten mitbringen.

Wann etwan eyner den andern er schlecht oder er scheust/ist die freundschaft bereydet den widerumb zutöden/wie wol es selten geschicht. Auch seind sie jrem obersten der hütten gehorsam/was der eyne heysst das thut er sonder eynigen zwangt noch forchte/dann alleyn auß gutem willen.

Wie sie ire düppen vnd gefesz backen/

die sie brauchen.

Cap. viij.

Die Weiber machen die gefesz die sie nützen/also: Sie nemen Thon/vnd machen den wie eyn teg/daraus machen sie was gefesz sie wollen/lassens eyn zeitlang trucknen/wissens sein zuuermalen/Vnd wann sie die backen wollen/stulpen sie die auffsteyne/setzen dann vil truckner baumschalen drum her/stecken sie an/vnd damit werden sie gebacken/das es glühet als eyn heys eisen.

wie sie ire gedrencke machen daran sie

sich druncken drincken/vnd wie sie sich halten mit

dem trincken. Caput xv.

Das

Das weibs volck machet die gedrencke / sie nemen die
 wurzel mandioka/ vnd sieden grosse düppen vol/ wens
 gesotten ist/ nemen sie es auß den düppen/ giessens inn
 eyn ander düppen oder gefes/ lassens eyn wenig kalt werden/
 dann setzen sich die jungen mägde darbei/ vnd kwen es mit
 dem munde/ vnd das getewere thun sie in eyn sonderlich ge-
 fes.



Wann

Wann die gefottenen wurtzeln alle gekewet sein/ thun sie das gekewete wider in das döppen/ vnd gießen es widerumb voll wassers/vermengens mit den gekeweten wurtzeln/ vnd dann lassen sie es widerumb warm werden.

Dann haben sie sonderliche gefeß/ welche sie halb in die erden begraben haben/ brauchen sie darzu/ gleich wie man die fass zum wein oder bier gebraucht/ Da gießen sie es dann ein/ vnd machens wol zu/ das giert in sich selbst/ wirt starck/ lassen es also zwen tage stehen/ darnach trincken sie es/ werden truncken darvon/ Ist dicke/ speisset auch wol.

Es machet eyn yede hütte ire sonderliche getrencke/ Vnd wann sich irer eyn dorff will frölich machen/ welches gemeynlich des monats eynmal geschicht/ So gehn sie erst alle mit eynander in eyne hütten/ Trincken da erst auß/ das gehet so auff der reig her/ biß das sie die getrencke in allen hütten außgetruncken haben.

Sie setzen sich umb die gefeß her da sie trincken/ etliche auff fewr brende/ etliche setzen sich off die erden. Die weiber reichen ihnen die getrencke fein ordentlich/ Etliche stehen/ singen vnd tanzen umb die gefeß her/ Vnd auff der stede da sie trincken/ schlagen sie auch ir wasser ab.

Das trincken wehret die ganze nacht/ tanzen auch wol zwischen den benden her/ rüffen vnd blasen mit posaunen/ machen eyn schrecklich gerücht wann sie truncken werden. Auch sihet man wenig das sie vneyns werden. Sie sein auch eynander sehr gänstig/ was der eyne mehr hat von essen speiß dann der ander/ teylet er jme mit.

Was der Männer zierde ist/ vnd wie sie sich vermalen/ vnd was ire namen sein.


Caput XVI.

Sie

Sie machen eyne platten vff irem haupt/lassen daumb
 her eyne krentzlein von haren wie eyne m̄nch. Ich hab
 sie oft gefragt/woher sie das mustet der haar betten/
 Sagten sie/ Vhre vorvätter bettens an eynem Manne geses-
 sen/der heisse Meire Humane geheysen/ond hette vil wun-
 derbarlichs dings vnter inen gethan/ond man wil es sei eyne
 Prophet oder Apostel gewesen.

Weiter fragte ich sie/womit sie betten die har konnen ab-
 schneiden/ehe inen die schiff betten scheren bracht/sagten sie
 betten eyne stein teil genomen/betten eyne ander ding darun-
 ter gehalten/daruff die har abgeschlagen/dan die mittelte
 platte hatten sie mit eynem schiber/eyns gebellen steins/
 welche sie vil brauchen zum scheren/gemacht. Weiter ha-
 ben sie eyne ding von roten feddern gemacht/heysset kannittas-
 re/das binden sie vmb den kopff.

Sie haben auch in den vndersten lippen des mundes/eyne
 gross loch/das machen sie von jugent auff/wan sie noch jun-
 gen sein/stechen sie inen mit eynem spitzen birz horns knochen
 eyne lochlin hindurch/darin stecken sie dan eyne steinlein oder



eynblitzlein/ vnd schmirens das mit iren salben/ das löchlin
bleibt dann offen/ wen sie nun so groß werden/ das sie werbaff
tig sein/ so machen sie es ihnen grösser/ dann so steckt er eynen
grossen grünen steyn darin/ Der ist so geformiret/ vnd das
schmale ende/ oben/ kompt inwendig/ inn die lipen zu hangen
vnd das dicke heraus/ vnd die lippen des mundes/ henge
ihnen allezeit nider von dem gewicht des steyns/ auch haben
sie auff beyden seiten des mundes/ in yedem backen noch ey-
ne kleinen steyn/

Welche haben sie von Cristall steynen/ die sein schmal/
aber lang. Vnd noch haben sie eynen zieracht/ den
machen sie auß grossen meerschnecken heusern/ die heysen sie
Warre pue/ ist gemacht wie eyn halb mohn/ das hecken sie
an den hals/ vnd es ist schne weiss/ Bogessy genant.

Auch machen sie weisse korellen von meerschnecken die hengt
en sie an den hals ist eyns halmen dicke/ haben vil arbeyt sol-
che zu machen.

Auch binden sie fed der büsche an die Arme/ vermalen sich
schwarz/ auch mit roten vnd weissen federn/ so bundt durch
eynander/ vnd die federn kleyben sie auff den leib/ mit mater-
ien die kompt auß den beumen/ das streichen sie auff die dars-
ter da sie sich besedern wollen. Darauf streichen sie die fed-
dern/ das bleibt kleben. Vnd sie malen sich auch/ eynen arm
schwarz/ den andern rot/ die beyne vnd den Leib desselbigen
gleichen.

Haben auch eynen zieracht von Strauff federn gemacht/
Das ist eyn groß rund ding von federn/ das binden sie auff
den hintersten wann sie zu krieg ziehen gegen ire feinde/ oder
wann sie sunst eyn fest machen/ heysset Enduap.

Ire namen nennen sie nach den wilden thieren/ vnd sie ge-
ben sich vil namen/ aber doch mit dem vnterscheid/ Wann
sie erst

sie erst geboren werden/
so wirdt ineneyn Nam
gegeben/den behalten sie
nur solang/ biß das sie
wehafftig werden/ vñ
Feinde tödt schlagen/ so
vil er dāiget & dret hat/
so manchen namen hat
er.

Die Figur Enduaps.



Was der weiber

zierabt ist.

Cap. 17.

Die Weiber malen sich vnter dem angesicht/ vñ vber
den gantzen leib/ auch auff die vorgesagte weise/wie
sich die Männer vermalen. Aber sie lassen das haar lang
wachsen/wie auch andereweiber. Haben sonderlich keynen
zierabt/ dā in den ohren haben sie löcher/ da hencken sie dīn
ger ein/ sein vngeserlich eyner spannen lang/ rund/ vngeser
lich eynes daumen dick/ heysen auff ire spraach nāmbibeya/
machen es auch von meerschnecken/ Matre pūe genant.

Vñ die namen sein nach den Vöglen/ Fischen/ Früchte der
beume geheysen/ haben von jugent auff nur eynen namen/
aber so manchen schlauen die männer tödt schlagen/ so man
chen namen geben sich die weiber auch.

Wann eyns dem andern lauset/ die leuse essen sie. Ich hab
sie offtmals gefraget/ warumb sie es thun/ Sie sagten/ Es
waren ire feinde/ Essen inen vom heubt/ wölten sich an inen
rechen.

Es seind auch keyne besondere Heb Ammen da. Wā in eyn

weib in kinde nören ist/laufft hinzu wer der nechst darbei ist
beyde man vnd weib. Ich hab sie sehen gehen vngeserlich in
den vierdten tag darnach/wie sie geberet hatten.

Sie tragen ire kinder auff dem ruck/in krippen von barm
woln garn gmacht/thun ir arbeit mit in/die kindlin schlafen
vñ seind wol zufrid/wie sehr sie sich mit inen bücken vnd regē.

Wie sie den kindlein den ersten namen geben. Cap. viij.

Der Wilden eyner/welcher mich haben hulff/seine
fraw/hatte eynen jungen sohn geberet/etliche tage
darnach/nam er seine nechsten nachpawernder hütten/bes
fragte sich mit inen/was er dem kinde wol vor eynen namen
geben solte/der tapfer vnd schrecklich were/sie hielten ime vil
namen vor/die ime nicht behagten/meynete er wölle ime der
vier vor vätter namen eynen geben/sagte die kinder so der na
men hetten/gedeieten wol/vnd weren spütig schlaun zusan
gen/Vennete die vier vorvätter/der erste hieß Ruinen/der
ander Hermitan/der dritte Roem/des vierdten namen
hab ich nicht behalten. Ich gedachte als er von Roem sagte/
es müste Cham sein. Aber Roem heysset auff ire sprach den
morgen. Sagte ich im/Das er ime den selben namen gebe/
Dann derselbige würde freilich seiner vorvätter eyner gewes
sen sein. Der namen eynen behielt das kindt. So geben sie
iren kindern namen/sonder Tauff vnd Beschneidung.

Wie vil weiber eyner hat/ vnd wie er sich mit inen helt. Cap. iij.

Es hat der meyste hauff vnter inen/eyner cyn weib/etliche
auch mehr. Aber etliche von iren Königen haben
vij. oder

vill. oder vill. weiber. Der König dem ich das letzte mal ge-
schenckt ward / von welchem mich die Franzosen kufften /
Abbati Bossange genant / der hatte vil weiber / Vnd eyne die
sein erste gewesen war / die war die oberste vnter jnen. Eyne
yedere hatte jr eygen losament in der hütten / eygen feu / jr
eygen wurtzeln gewechs / mit welcher er dann zurbun hatte /
in der selbigen losament war er / die gab jm zuessen / das gieng
so vmb. Die kinder so sie haben / wens kneblin sein / vnd sie
groß werden / ziehen sie auff weydwerck / vnd was sie bringen /
gibt eyne yeder seiner mutter / die kochen das / vnd thoylen dar
den andern mit / vnd die weiber vertragen sich wol vnter nane-
der. Sie haben auch den gebrauch / das eyner dem andern
eyn weib schenckt so er eyner müd ist. Auch schenckt eyner
dem andern etwan eyn dochter oder Schwester.

Wie sie sich verloben. Cap. xv.

Sie verloben ire dochter wann sie noch jung sein / vnd so
sie groß werden das jnen weibs gebrauch kompt / schnei-
den sie jnen die haar ab vom kopff / tragen jnen besonderliche
schmidde in den rücke / binden jnen etliche wilde thiers zene an
den hals / darnach wann das haar wider gewachsen ist / vnd
die schmid zügewachsen seind / so sibet man gleich mol das zey-
chen der schmid / dann sie thun etwas drein damit es schwarz
bleib wann es zügebeylet / das halten sie so für cynchr.

Wann solche ceremonien geendee sein / darnach vberliffen
sie dem der sie haben sol / machen sonderlich keyn Ceremonien.
Man vnd Weib halten sich auch gebürlich / machen ire sache
en heymlich.

Frem / Ich hab auch gesehen / das eyn Oberster von jnen
bei zeiten des morgens frů durch alle hütten gieng / vñ fragte

die kinder mit eynem scharpffen fisch zanein die beyne/sie da
mit forcht sam zumachen/auff das/wann sie vnleichtlich wer-
den/die ältern inen trawetenn/jener kompt/damit sie sie
schweygen.

Was ire güter sein. Cap. XXI.

Es ist keyn parthierig vnter inen/Wissen auch von
keynem gelt zusagen. Ire scherze sein feddern von
vögeln/welcher der vil hat der ist reich/vnd wel-
cher keine steyn in den lippen des munds hat/der ist auch der
reichesten eyner.

Eyn yede parthei Man vnd Weib haben ire eygen wurtzeln
gewechs darvon sie essen.

Was ir gröfeste eh: ist. Cap. XXII.

Das ist ir eh:/Wann eyner vil feinde gefangen vnd
todt geschlagen hat. Dann das ist gebreuchlich vnter
inen/So manchen feind eyner todt schlecht/so man-
chen namen gibt er sich/Vnd das sein die vornemsten vnter
inen/welche solcher namen vil haben.

Voran sie gleuben. Cap. XXIII.

Sie gleuben an eyn ding/das wechset wie eyn kurbis/ist
so groß wie eyn halb maß döppen. Ist inwendig hoel/
stecken eyn stecklin dardurch/schneiden eyn löchlein darein
wie eyn munde/vnd thun kleyne steynlein darein/das es ras-
felt/Rasselnd armit wann sie fingen vnd tanzen/vnd beyffen
es Tammara:ta. Ist so geformirt wie volget.

Diesel



Dieselbigen hat das Mans volck / eyn yeder sein eygens/
 so seind nun etliche vnter jnen/welche sie heysen Paygi/wers
 den vnter jnen geachtet gleich wie man hie die warsager ach-
 tet/dieselbigen ziehen des jars eyn mal durchs landt in alle
 hütten/vnd geben für/Wie das eyn geyst sei bei jnen gewesen/
 welcher weit her von frembden ötern komen were/bette jnen
 macht geben/das alle die rasselen Tamaraka/welche sie
 wollen/sollen sprechen vnd macht bekommen wo sie es umb
 bitten solle er gewehret sein Eyn yeder will dann/das in seine
 rasslen die gewalt kome/machen eyn gross fest/mit trincken
 singen vnd weissagen/halten vil seltzamer Ceremonien. Darnach
 bestimmen die warsager eynen tag / in eyne hütten/
 welche sie ledig machen/müssen keyne weiber oder kinder dar-
 rinne bleiben/das gebieten die warsager/das eyn jeder sein
 Tamaraka rot vermale/mit federn vnd dabinkomme/so
 wolle er jnen die gewalt oberliffen das sie sprechen sollen.
 Darnach komen sie in die hütten/so setzen sich die warsager
 oben an / vñ haben jre Tamaraka bei sich in der erdenste-
 cken/Darbei stecken die andern jre auch/Eyn yeder gibt den
 Warsa

Warsagern geschenck/welches sein flutschpfelle/feddern/dün-
ger die sie an die ohren henden/auff das yeseines Tammara-
ka nicht vergessen werde. Wann sie dass alle bei eynander sein/
so nimpt er dann eyn yedern Tammataka sonderlich/vnd be-
reichert es mit kraude/welchs sie Bittin nennen. Darnach
nimpt er die Rassel hart vor den mundt/vnd rasselt mit/vnd
sagt zu jm: Tee Kora/nun rede/vnd laß dich hören/bistu da-
rinne. Dann redet er kleylich/vnd gerad eyn wort das man
nicht wol mercken kan. Ob es die rassel thu/oder ob er es
thue/Vnd das ander volck meyner/die rassel thue es. Aber der
warsager thut selbs/so thut er mit allen rasseln/eyner nach
der andern. Eyn yeder meyner dann/das seine rassel grosse
macht bei sich hab: Dann gebieten jnen die warsager/das
sie zu kriege ziehen/feinde fangen/dann die geyster so in dem
Tammataka seien/gelüste schlauen fleysch zuessen/dennach
ziehen sie zu kriege.

Wenn nun der warsager Paygi auß allen rasseln götter
gemacht hat/so nimpt daß eyn yeder sein rasseln hin/beysset
sie lieber sohn/macher je eyn eygen bittelin/da es inne stehet/
setzt jme essen vor/begert von jme alles was jme von nöten
ist/gleich wie wir den warhafftigen Gott bitten/das sein nu-
re götter. Mit dem warhafftigen Gott der hymel vnd
erden geschaffen hat/haben sie keyne bekümmernus mit/hal-
teus für eyn alt herkommens/das hymel vnd erden gewesen
sei. Wissen sonst nichts sonderlich von anfang der welt.

Dann sie sagen/Es sei eyn mal eyn groß wasser gewesen/
hab alle jre vorvätter versencket/vnd etliche seien inn eynem
nachen darvon kommen/etliche auff hohen beumen. Welchs
ich achte/es müsse die sündflut gewesen sein.

Wie ich nu das erstemal vnter sie kam/vnd si mir darvon
sagten/meynete ich es were etwan eyn Teuffels gespenste/
Dann

Dann sie sagten mir offemals wie die dinger sprechen Wie ich
nun in die hütten kam/da die Weissager inne waren/ welche
die dinger solten sprechen machen/ mussten sie sich alle nider
setzen. Aber wie ich den betrug sahe/ gieng ich zur hütten hin
aus/ gedachte/ Wie eyn armes verblendtes volck ist das.

Wie sie auß den weibern weisagerin machen. Cap. xxviii.

Sie gehen erstmals in eyne hütten/ vnd all die weiber der
hütten/nemen sie die eyne vor/die ander nach/vnd bereuch
eren sie/darnach muß das weib kreischen vnd springen/vnd
vmbblaffen biß so lange sie müde werden/das sie auff die er
den fallen/gleich als ob sie todt weren/darnach sagt der
weissager/sie ist todt/balt wil ich sie widerumb leben
dig mache/wan sie dan widerumb zu sich selbsts kompt/sagt
sie sein man spudig/zukünfftige dinge zusagen. Wann sie
dan zu kriege ziehen/so müssen jnen die weiber vber den krieg
warfagen.

Es steng eyn mal meines herren frau (dem ich geschenck
turd zu tödten) eyne nacht an zur weissagen/sagte zu irem
Manne/ir wer eyn geyst auß frembden landen kommen/der
begerte von ir zu wissen/wie bald ich solte getödtet werden/
vnd fragte nach dem holtz/darmit man mich solte todtschla
gen/wo das were. Er antwortet ir/Es were nicht weit/alle
ding were fertig/nur alleyn/er liesse sich beduncken/ich were
eyn Portugaleser/sondern eyn Franzose

Wiedas weib ire weissag volnbracht hatte/fragte ich sie/
Warumb sie mit so nach dem leben stünde/dieweil ich eyn
feind were/ob sie nicht fürchtet/das ir mein Gott eyn plage
zu schicket. Sie sagte/ Ich solte mich nicht daran keren/

Dann es weren frembde geyster/wolten bescheyd vmb mich
wissen/Solcher Ceremonien haben sie vil.

Worinnen sie auff dem wasser faren.

Caput XXV.

VS ist eyn art beume im lande/ welche heysen Yga V
wera/des baums schalen lösen sie ganz ab/von oben
an bis vnden auß/machē besunderlich gestell vmb den baum
her/dieselbige ganz abzubringen.

Darnach nemen sie die schale/ vnd tragen sie auß dem berge
bei das Meer/hitzen sie mit feuer/beugen sie binden vnd
somen hoch auß/binden mitten zwerst hölzer darüber/das
sie sich nicht weiten/machen nachendarauff/darinnen jree
30. zu kriege können fahren/die schale ist eynes daumen dick
wol 4. füesse in die weite 40. füßselang/etliche lenger etliche
kürzer/dieselbigen ruddern sie schwinde/farendarmit so weit
sie wollen/wenn das meer ungestüm ist/zihen sie die nachen
auffs land/bis es wider güt wetter wird/sie geben sich vber
zwo meil wege nicht ins meer/aber langes dem landeher/
faren sie weit.

warumb eya feind den andern esse.

Caput XXVI.

SIch bin es von keynem hunger/sondern von grossem haß
vnd neid/vnd weiß sie im kriege gezogen eya ander scharmütz
len/rüffet eyner dem andern auß grossem haß zu/Dere Jua
meraya/Scherminramme/heirwee/dich kome alle vnglück
an mein esse kost/De kange Jua eypota kurine/ich wil dir
noch heutiges tages deinen kopff zerschlagen/Sche Jnanam
re pepicke Kefeagy/Mainer freunde todt an dir zurechen
bta

bin ich hie/Van de soos/sche mocken Sera/Quora Ossorim
Xire/ze. Dein fleysch sol heutiges tages ehe die Sonne vnter
gehet/mein gebrates sein. Solches alles thun sie auß grosser
feindschafft.

wie sie ire anschlege machen wan sie
wollen in irer feinde landt zu krieg ziehen. Cap. 25.

Wann sie wollen in irer feind landt zu kriege ziehen/so ver
samen sich ire Obersten/berathschlagen sich wie sie es
machen wollen/das entbieten sie den inn alle hütten hin vnd
wider/das sie sich rüsten/Vnd sie nennen eyn art fruchte des
beume/wann die reiff werden so wollen sie aufziehen/dann
sie haben keynen vnderscheyd der jar vnd tag. Auch bestim
men sie eyn zeit aufzu ziehen/wann eyn art fische leychen/wels
che Pirati heysen auff ire spraach/vnd die leyche zeit nennen
sie Pirataen. Vff solche zeit rüsten sie sich mit nachen v. vnd
pfeilen/vnd hart wurzeln meel/welchs sie heysen V. Ythan
zu victalia Darnach berathschlagen sie sich mit den Pagy/den
weissagern/ Ob sie auch sollen victoriam haben. Die sagen
dann wol ja. Doch befehlen sie ihnen/das sie achtung auff die
treume haben/die in von den feinden treumen. Wann der meys
te hauff treumer/sie sehen irer feinde fleysch braten/das bes
deutet victoriam. Aber wann sie sehen ir eygen fleysch braten/
das bedeute nichts guts/das sie dann dabeym bleiben Wann
ihnen die treume nun wol behagen/rüsten sie zu/machen in al
len hütten grosse getrencke/trincken vnd tanzen mit den ab
göttern Tammaraka/eyn yeder bitter seinen/das er im helff
eynen feind fangen. Darnach fahren sie hin/Wann sie dann
hart bei irer feind landt kommen/so befehlen ire obersten die
nacht zuuor/wann sie des andern tages irer feind landtschafft

wollen anfallen / das sie die treume behalten / welche ihnen
die nacht treumen.

Ich war eynen zug mit ihnen / wie wir nun hart bei ihrer
feinde land waren / den abent zuuome / wie ire meynung war /
die andere nacht / ihrer feinde land / anzufallen / gieng der ober-
ster durch das lager her / sagte das sie die treume wol behielten /
die ihnen die nacht treumen würden / gebot weiter / das die
jungen gesellen solten / wann der tag anbreche / Wild schiffen
vnd fische fangen / das geschabe / der oberste ließ es gar mach-
en / darnach gebot er den andern obersten / die kämen vor seine
hütten / setzten sich alle auff die erden / in irem runden krag /
ließ ihnen zuessen geben / wie sie gessen hatten / verzeleten sie die
treume / so viel das sie ihnen wol behagten / darnach tanzten
sie mit den Tammaraka von freuden / ihrer feinde hütten bes-
sichtigen sie in der nacht / fallen an in der morgenstunde /
wann der tag anbricht / wenn sie eynen fangen / der hart verwunt
ist / den tödten sie als bald vnd führen das fleisch gebraten
mit heym / welche aber noch gesund sein / führen sie lebendig
mit heym / Darnach in ihren hütten tödten sie sie / Sie fallen
an mit eynem grossen geschrey / trerten hart wider die erden /
blasen in bosainen / von eisbissen gemacht / haben alle schinde
vmb sich gebunden / die feinde damit zubinden / vermalen sich
mit roten feddern / auff das sie sich vor den andern kennen /
schiessen schwinde / schiessen auch feurige pfeile auff ihrer feind-
hütten / die damit anzustechen / Vnd wann ihrer eyner verwund
wirt / haben sie je eygen kreuter damit sie sich hehlen.

Was ir kriegerüstung ist. Ca. 28

Sie haben flischbogen / vnnnd die spitzen der pfeile sind
von knochen / die sie scharpff wegen / vnnnd darauff binden /
machen


machen sie auch von fisch zenen/welche man heysset Tiber
raun/werden im Meer gefangen. Auch nemen sie baumwol/
vermengen sie mit wachs/bindens oben an die pfeile/stecken
fero darein/das sein ire fero pfeile. Sie machen auch schild
von baumschalen/und andern wilden thiers heuten/sie vers
graben auch spitze döner/gleich wie hie die füßangel.

Habe auch von ihnen gehört aber nicht gesehen/das/wenn
sie es thun wollen/sie ire feinde auß den festungen können
verreiben/mit pfeffer/welcher da wechset/dar gestalt. Sie
wölten grosse fero machen/wann der windt wehete/ vnd
werffenn dann des pfeffers eynen hauffen darein/wann
der dampff zu ihnen in die hütten schlitze/müßten sie ihnen ent
weichen/und ich glaubs wol/Daß ich war eyn mal mit den
Portugalesen/in eyner prouinz des landes Brannenbucke
genat/wie hie zuvor gemelt Da blieben wir mit eynem schiff
auff dem trucken in eynem reffer ligen/dan die flut war vns
entgangen/und es kamen vil wilder/meynen vns zunemen/
aber kontens nicht. Da wurffen sie vil truckener streuch zwis
schen das schiff und dz vser/vermeynten vns auch mit pfeff
ers dampffe zuuerjagen/Aber sie konten das holtz nicht an
zünden.

Nie was ceremonien sie ire feinde

töden vnd essen. Womit sie sie tödt schlagen/und
wie sie mit ihnen umbgehn. Cap. xxix.

Wann sie ire feinde erstmals heymbringen/so schlagen
sie die weiber vñ jungen. Darnach vermalen sie ihnen
mit grawen feddern/scheren ime die augbrauen ober den au
gen ab/Dangen vmb in her/binden ihnen wol das er ihnen nit
entlaufft/geben ime eyn weib das ihnen verwaret/vnd auch
mit ime zuthun hat/Vnd wann die schwanger wirdt/das



Findt zichen sie auff biß es groß wirt/Darnach wofft es jnen
 in den st. n. korn pt./schlagen sie es todt v. d. effens Geben jn
 wol essen/balten jnen so cyn zeitlang/rüsten zu/machen der
 gefes vil/da sie die gedrencke in thun/backen sonderliche ge-
 f. /darin thun sie die reydschafft darmit sie jnen vermalen/
 machen fedderquest/welche sie an das holz binden/dar-
 in sie jnen todt sch. gen/Machen cyn'angeschnur Nassu-
 rana



rana genant/da binden sie jnen inn wann er sterben soll. Wann
 sie alle reydeschafft bei cynander haben/so bestimmen sie cyn
 zeit wann er sterben soll/Laden die Wilden von andern dörfe
 fern/das sie auff die zeit dahin kommen. Dann machen sie
 alle gefess vol getrencke/vndeynen tag oder zwey zuuorn/ehe
 dann die weiber die getrencke machen/führen sie den gefang
 gen cynmal oder zwey auff den platz/danzen vmb jnen her.
 Wann


Wann sie nun alle bei eynander sein/die von aussen kommen/
so heysset sie der Oberste der herten willkommen/spricht/ So
kompt/ helffet ewern feind essen. Des tages zuuorne/ehe sie
anheben zutrinken/ binden sie dem gefangenen die schnur
Mussurana umb den hals. Desselbigen tages vermalen sie
das holtz/ Iwera Pemme genant/darmit sie snen todtschlas



gen wollen/welches gestalt ist/wie diese
Figur anzeygt. Ist lenger dann cyn klaff-
ter/streichen ding daran das klebet. Dann
nemen sie eyer schalen die sein graw/vnd
sein vñ eynem vogel Wactutawa genant/
die stoffen sie kleyne wie staub/vnd strei-
chen dann an das holtz. Dann sitzet cyn
fraw vnd kritzelt in dem angetlebten eyer
schalen staub. Diaweil sie malet/stehet es
vol weiber umb sie her/die singen. Wann
das Iwera Pemme dann ist wie es sein
soll/mit feoher questen vnd anderer reyß
schafft/hencken sie es dann in eyne ledige
herten vber die erden an eynen reydel/vñ
singen daß darumb her die ganze nacht.

Desselbigen gleichen vermalen sie dem
gefangenen sein angesicht. Auch dieweil
das weib an sime malet/dieweil singen die
andern. Vñd wann sie anheben zutrin-
cken/so nemen sie den gefangnen bei sich
der trincket mit snen/vnd sie schwatzen
mit sime.

Wann das trincken nun cyn ende hatt/ des andern tages
darnach ruhen sie/machen dem gefangnen cyn hütlin auff
den platz/da er sterbens sol/da ligt er die nacht inne/wol ver-
waret/



waret/Dann gegen morgen cyn gñre weil vor tage/geben sie
 tanzen vñnd singen vmb das holz her darmit sie in todt
 schlagen wñlen biß das der tag anbricht/dann zihen sie den
 gefangenen auß dem hñttlin/brechen das hñttlin ab/machen
 raum/dañ binden sie ime die mussurana von dem hals ab
 vñnd binden sie ime vmb den leib her/zihen sie zñ beyden seiten
 steiff/Er stehet mittren darinn gebñnden/jrer vil halten die



Schnur auff beyden enden/ Lassen /nen so cyn weil stehen/
legen steynlin bei jnen/ damit er nach den weibern werffe/
so umb jnen her lauffen vnd drawen im zuessen. Dieselbigen
sein nun gemalt vnd darzu geordiniret/ wenn er zerschnitt
ten wärdt/ mit den ersten vier stücken umb die hütten her zu
lauffen/ Daran haben die andern kurtzweil.

Wann das nun geschehen ist/ machen sie cyn fawer/ vns
geferlich




gefertlich zweyer schritt weit von dem Schlaue/Das feuer
muß er sehen/Darnach kompt eyn frau mit dem holz Zwer
ra Penne/ gelauffen/keret die fedder questen inn die höhe/
kreisset von freuden/lauffet vor dem gefangenen ober/das
er es sehen soll.

Wann das geschehen ist/so nimpt eyn Mans person das
holz/gehet mit vor den gefangenen stehet/helt es vor ihm/




Das ers ansehert/die weil gehet der/welcher inen todes schlagen
 wil/bin/selb 14 oder 15 vnd machen ire leib grau mit aschen/
 dann kompt er mit seinen zucht gesellen vff den platz bei den
 gefangnen/so vberliffert der ander so vor dē gefangnen steht/
 diesem das holz/so kompt dann der Rünig der hütten vnd
 nimpt das holz/vnd steckts dem der den gefangnen sol todes
 schlagen/eynmal zwischen den beynen her.

Welches



Welches nun eyn ehe vnter inen ist / das nympt der wider
 um das holtz / der den todt schlagen sol vnd sagt dann / Ja
 hie bin ich / ich wil dich todten / dann die deinen haben meiner
 freunde auch vil getodtet vnd gessen / antwortet er / wann ich
 todt bin / so habe ich noch vil freunde / die werden mich wol
 rechen / darmit schlecht er inen / binden auff den kopff / das in
 das hirn daraus spünge / als bald nemen in die weiber / zihen



52
 In auff das fiewer/kratze im die haut alle ab/machen in ganz
 weis/stopfen im den hindersten mit eynem holze zu/ auff
 das in nichts entgehet.

Wann im dann die haut abgefegget ist/nimpt in eyn mans
 person/schneidet im die beyne vber den knien ab/vnnd die
 arme an dem leibe/dann kommen die vier weiber vnd nemen
 die vier stücke/vnd lauffen mit vmb die hütten her/machen

eyn



eyn groß geschrey / von freuden / darnach schneiden sie im den
 rücke mit dem hindersten von dem vortheyl ab / dasselbige
 theylen sie dann vnter sich / aber das ingweyd behalten die
 weiber / sieden / vnd in der brüe machen sie eynen brei / mingan
 genant / den trincken sie vnd die kinder / das ingweyd essen
 sie / essen auch das fleysch vmb das haupt her / das hirn in
 dem heubt / die zungen / vnd wess sie sonst daran genießez





Können/essen die-jungen. Wann das alles geschehen ist/so
 gehet dann eyn yeder widerumb heym / vnd nemen jr theyl
 mit sich. Der jenige so diesen getödtet hat/gibt sich noch ey-
 nen namen/ Vnd der König der hütten fraget jnen mit eyn-
 nem wilden thieres zane oben an die arme. Wann es recht
 geheylet ist/so sibet man die masen/ das ist die ehre darsfür.
 Dann muß er denselbigen tag still ligen in eynem netz/thun
 ybme

ymme eyn kleyne fletschböglin/mit eynem pfeil/darmit er
die zeit vertreibt/scheuffet in wachs/Geschicht darumb das
sine die arme nicht ungewiss werden von dem schrecken des
todeschlagens. Dis als hab ich gesehen vñ bin dabei gewesen.

Sie können auch bei keyner gesetzen zal weiter zehen dann
bis auff fünff/ Wann sie weiter zehen wollen/weisen sie bei
fingern vñ zehender füsse. Wann sie wollen von grosser zal
reden/weisen sie vff vier oder fünff personen/so vil finger vñ
zehen die haben.

Verriß eelicher Thier im lande.

Caput xxx.

ES hat in dem land Aeböck wie hie wildschwein/
zweyerley art. Deren art eyn sein wie hie im land/
Die andern kleyne wie junge Schweinlein/heissen
Teyga u Dattu/sein sehr vbel zusehen in den fallen/welche
die wilden brauchen wild zusehen.

Es hat auch Meerlazen da/dreierley art/ Eyn art die
heissen Key/sein der die hieher ins landt kommen.

Dann ist noch eyn art die heissen Acker/Springen ge-
meynlich mit grossen hauffen auff den beumen/machen eyn
groß geschrey im holz.

Vnd ist noch eyn art die heissen Pricki/sein Rot/haben
bärte wie zigen/sein so groß wie eyn mittelmessig hündt.

Auch hat es eyn art thierer heissen Dattu/ist vngeserlich
eyner spannen hoch/anderthalber spannen lang/ist gewap-
net allenthalben vmb den leib her/nur alleyn am bauch hat
es nichts. Das wapen ist wie horn/scheuffet auff eynder
mit gelencken wie harnisch/hat eyn langes spitziges münd-
lein/eynen langen schwantz geht gern vmb steynklippen her/
seins preis ist omeyssen/hat fett fleisch/hat offte darvon gessen.

Die Figur Dattu. Cap. xxxi.



Serwoy Cap. xxxii.



Es hat auch eyn art Wildts/heyßet Serwoy/ist so groß
wie eyn Katze/weis gray von haren auch schwarz gray.
hat eynen schwantz wie eyn Katz. Vnd wann es geberet /
hats

hats eyn junges oder sechs/ hat eynen schlitze an dem bauch.
ist wol eyner halben spannen lang/ vnd inwendig des schlit-
zes hats noch eyne haut/ Dann der bauch ist jme nit offen/
vnd inwendig dem schlitze hats die dritten/ vnd wo es hin ge-
het/ treget es die jungen inn dem schlitze zwischen den zweyen
heuten. Ich hab sie offtmals helffen fangen/ vnd die jungen
auff dem schlitze gelanget.

Es hat auch vil Zieger thier im landt/
welche die leut würgen vnd grossen schaden thun.

Wat auch eyn art Lewen/ welche man heysset Leoparda/
das ist gesagt/ Graue Lewen. Vnd anderer selzamer
Thierer vil.

Es ist eyn thier genant Catuare/ belt sich auff dem land
vnd in dem wasser. Der schilff so bei den vfern der süssen was-
ser stehet/ essen sie. Wann sie sich vor etwas fürchten/ fliehen
sie ins wasser vff den grunt/ sein grösser dan eyn schaf/ habē
eynen kopff nach der art wie eyn hase/ doch grösser/ vnd kurtz
oren/ haben eynen stumpffen schwantz/ zimlich hohe beyne/
Lauffen auch schwind auff dē lande/ von eynem wasser zum
andern/ ist schwarz grau von haren/ hat drei klozen an yē
dem fuß/ schmacket wie Schweinen fleysch.

Auch hat es eyn art grosser Eydegen im wasser/ auch auff
dem lande/ dieselbigen sein gut zuessen.

Von eyner art wurmlein wie fleynne
flöhe/ welche die wilden heysen Attun. Cap. 33.

WS hat wurmlein sein wie flöhe/ doch fleynner/ heysen
Attun auff der Wilden sprach/ Werden in den hütten
von der leut vnreynigkeyt. Die selbigen kriechen eynem in die

füsse/ vnd es iucker eynen nur inwendig wann sie hinein kriechen/die fressen sich ins fleysch hinein/das man es sonderlich nicht fület. Wann man es nicht gewar wirt vnd sie als bald heraus langt/becktet es eynen klumpen nisse/so rund wie eyn erbis. Wann mans dann gewar wirt vnd heraus langt/bleibt eyn löchlin im fleysch so groß wie eyn erbis. Ich hab gesehen/wie ich erstmals mit den Hispaniern da in die landtschafft kam/das sie etlichen von unsern gesellen die füsse gar verderbten/dann sie keyn acht daruff hatten.

Von eyner art fledermusen des landes

wie sie die leut des nachts im schlaff in die zehen der füsse vnd in die stirn beißen. Cap. xxxiiij.

Hat auch eyn art fledermus/sein grösser dann die so hie in Deutsch land sein/Die fliegen des nachts in die hütten vmb die netz her/darinne die leut schlaffen. Vnd wann sie vernemen/das eyner schlaffet vnd siemachen laßt/fliegen sie bei die füsse/vnd beißen eynen munt vol/oder beißen sie in die stirne/vnd fliegen dann widerumb hinweg.

Do ich vnder den Wilden war/bißen sie mir offtmals von den zehen der füsse/Wann ich auffwachete/sah ich die zehen blutig. Aber sie beißen die wilden gemeynlich in die stirn.

Von Bienen oder Imen des landes.

Caput XXXV.

Dreierley art Bienen sind in dem land/Die ersten sein nach der art schier wie die bie zu land.

Die anderen/sein schwarz/ vnd so groß wie fliegen.

Die

Die dritte/sein kleyne wie mücken/dise bienen alle haben ihren
honig in hohlen beumen/vñ ich hab offtmals mit den Wilden
honig auß gehawen/von alle den dreien arten/das wir ge-
meynlich bessern honig bei den kleynesten funden/dann bei
den andern/sie stechen auch nit so hart wie die bienen die zu
lande/dañ ich offtmals gesehen hab/die wilden honig lang
das die bienen auff sie flogen/vnd sie gnugsam abzustreichen
hatten von dem nacktem leibe/auch hab ich selbs den honig
nackter gelanget/aber ich muste das erstemal/von grossem
wehe zu cynem wasser lauffen/vnd sie darinne abwaschen/
solte ich jrer los werden von dem leibe.

Von vogeln des landes. Cap. 36

Es sind auch vil seltzamer vöggel daselbst/cyn art ge-
nant / Wara Pirange/die haben ire fudderungen bei
dem meer/nisten auff den klippen/welche liegen hart beidem
lande/ist bei nahe so groß wie cyn huen/hat cyn lange schnip-
pen/beyne wie cyn reyger/doch nicht so lang/hat die natur/
die ersten feddern/so den jungen außspriessen sein weis gray
Darnach wen sie flück werdē/sein sie schwarz gray/darmit
fliegen sie dann bekant cyn jar/dañ verwandeln sich dieselbē
gen feddern vnd der gantze Vogel/wird so rod/als cynige
rote farbe sein mag/so bleibt er dann/seine feddern sein groß
geacht von den Wilden.

Bericht etlicher beume des landes.

Caput xxxvij.

Es sein da beume welche die wilden Junipappeeywa nen-
nen/auff denselbigen baumen wechset cyn frucht cynem
v iij

apffel nicht sehr vngleich/die frucht farwen die wilden/vnd
drucken den safft in eyngefesß/darmit vermalen sie sich/wenn
sie es erstmals auff die haut streichen ist es wie wasser/dara
nach ober eyn weile wird inen die haut so schwarz wie dinte
das weret bis in den neunten tag/dan so vergehet es/vnd nit
ehe der zeit/wie vil sie sich waschen im wasser.

Wie die Baumwol wechset vnd der Pra- silianische pfeffer / auch etliche andere wurtzeln mehr/ welche die wilden pflanzen zu essen. Cap. 38.

Die Baumwol wechset auff beumeletn / vngeserlich ey-
ner klostern hoch/hat vil este/wen sie bluet gewinnet
sie knöpfe/wenn sie wil reiff werden/thut sie sich auff/vnd die
woll stehet so in den knöpfen vmb schwarze kernlein her/
welches die saat ist/dauon man sie pflantzt/der knoppen sein
die streuchlein vol.

Der pfeffer des landes/ist zweyerley art / der eyne geel der
ander rod/wechset doch auff eyn weise / grüne ist er so groß
wie die bagenputten so auff den dörnen wachsen/ist eyn kley-
nes beumlein / vngeserlich eyner halben klostern hoch/vnd
hat kleyne blatlin/bengt vol des pfeffers /ist scharpff in dem
munde/pflücken in ab wann er zeitig ist/trucken inen in der
sonnen. Vnd ist noch eyn art kleyne pfeffers/diesem obge-
nanten nicht sehr vngleich / welchen sie auch auff die art
trucken.

Es sein auch wurtzeln die heissen Jettiki/sein von glä-
tem geschmack. Wann sie die pflanzen/schneiden sie die inn
kleyne stücklein/stecken die stück in die erden/das empfangt
sich dann vnd breytet sich ober die erden her/wie hoppen bre-
men/wirt voll der wurtzeln.

Besch'uss

Beschlußs rede.

Dem leser wünschet Hans Staden
Gottes gnad vnd fried.



Günstiger Leser/ Diese meine
Schiffart vnd reyse/ hab ich außsach der
Kürze nach/ beschrieben/ alleyn den anfang
zuerzelen/ wie ich in der tyrannischen völe
cker gewalt kommen bin. Darmit anzudey-
gen/ wie gewaltiglich one alles hoffen/ mich der Nothhelffer
vnser Herr vnd Gott erlöset hat auß irer gewalt. Das auch
eyn yeder höre/ das der Allmechtige Gott yetzt noch eben so
wol seine Christgleubigen vnder dem gotlosen Heydnischem
volck wunderbarlich beschützet vnd geleytet/ als er von anbe-
gin ye gethon hat/ Das auch eyn yeder mit mir Gott darsür
danckbar sei/ vnd sich in der zeit der noth auff inen verlasse.
Dann er selber spricht: Küsse mich an inn zeit der noth/ so
wil ich dich erretten/ vnd du solt mich preisen/ &c.

Nun möcht mancher sagen/ Ja solte ich das alles dinc-
cken lassen was ich mein tag versucht vnd gesehen hab/ müßte
ich eyn groß büch machen. Es ist war/ der gestalt nach/ wil-
ste ich auch noch vil mehr zubeschreiben/ Aber es hat die ges-
talt nicht/ Ich hab die meynung/ was mich darzu bewegt
hat dis büchlein zubeschreiben/ gungsam hin vnd wider an-
gezeygt. Wiewol wir alle schuldig sein Gott zuloben vnd dan-
cken/ das er vns behütet hat/ von der ersten geburt stunden
biß auff die gegenwertige stund vnser lebens.

Weitter/ So kan ich das wol erachten/ das der inhalt

1
dieses büchlin etlichen wiet fremdd beduncken. Wer kan da
zu. Nichts desto weniger/so bin ich der erste nicht/ond wero
de der letzte auch nicht bleiben/denn solche schiffarten/land
ond völkere wol bekant sein/Die selbigen es auch aller ding
mit mit lachen/sein inne worden/ond noch innen werden.

Aber das dem/den man vom leben zum tod bringen will/
solte zu mite sein/als denen die weit daruon stehn ond zuse
hens/oder die daruon hören sagen/das weys sich eyn yeder
wol zuberichten.

Wann die auch alle solten den tyrannischen feinden in fre
gewalt kommen/so inn America siegeln/wen wolte dann da
hin verlangen.

Aber das weys ich warhafftig/das manch ehlich Man
in Castilien/Portugal/Franchreich/auch etliche zu Antdorff
in Brabandt/so in America gewesen sein/mit des müssen
zeugnis geben/das deme so sei wie ich schreibe.

Aber denen so solche dinge unbewust sein/beruffe ich mich
auff diese zeugen/ Gott zuuor an.

Die erstereyse so ich thet in America/war mit eynem Por
tugalesischen Schiffe/der Hauptman hieß Pintyado/wa
ren vnser drei Deutschen imschiff/Eyner war von Bremen/
hieß Heinrich Brant/Der ander hieß Hans von Bruchhau
sen/Vnd Ich.

Die ander reyse thet ich von Ciuilien auß Hispanien nach
Rio de Platta/eyn prouintz in Amerika gelegen so genant/
Der Oberste zu den schiffen hieß Don Diego de Senadrie/
War keyn Deutscher auff der reyse mit. Aber nach langer
mühe/angst ond gefahr zu wasser ond land/welches wehrete
zwey jar/alles in der eynen reyse wie gemelt. Zum letzten litten
wir Schiffbruch/bei eyner inseln/genant S. Vincente/
liegt hart an dem süßesten lande Brasilien/Vnd Portugalesen

galeser bewonen sie. Daselbst fand ich eynen Landtsman/
Lobani Hessi seligen sohne eynen/der mich da wol empfing/
Noch hatten Kauffherin von Antdorff/welche man die
Scherz heysst/eynen factor da/der hieß Peter Kösel/die heys-
de müssen mir des zeugnus geben/wie ich da bin antkommen/
auch wie ich letztlich von den Tyrannischen feinden bin ge-
fangen worden.

Weiserw/die Schiffleut so mich den Wilden abtauffren/
waren auß Normandi in Frankreich. Der hauptman des
Schiffs war von Wattauilla/genant Wilhelm de Moner/
Der Steurman hieß francoy de Schantz/war von Har-
flor/der Dolmetsch war von Harflor/genant Perott. Die
Ehlichen leut (Gott lone es jnen in der ewigen seligkeyt) die
haben mir geholffen/nychst Gott/inn Frankreich/Haben
mir helffen eyn passport erlangen/Haben mich gekleydet/
gaben mir zerung/die müssen mir des zeugnus sein/Wo sie
mich bekommen haben.

Darnach schiffte ich von Dippaw auß Frankreich/kam
gen Lunden inn Engellandt. Da erfähren die kauffgesellen
der Nidderlendischen bursche von dem schiffman/damit ich
dabin kam/wie es umb mein sach gelegen war/Luden mich
zu gast/verehrten mich mit eynem zeerpfenning/Darnach
siegelte ich in Deutsch landt.

Zu Antdorff kam ich inn das haus von Oka/zu eynem
kauffherin Jaspas Scherzen genant/dem selbigen steht der
gemelte factor Peter Kösel in sancto Vincente mit zu/wie
gemelt/Dem bracht ich die zeittungen/wie die frantzosen sei-
nes factors schifflein in Rio de Jenero herten angefallen/
aber weren wider abgeschlagen. Der selbig kauffher schanck-
te mir zwen Keyfers ducaten zur zerung/Gott wölle es jm
vergeltten.

So nun

S Nun erwan eyn junger gesell were / der mit diesem
schreiben vnd zeugen keynen genügen hetre / Darmit
er nit im zweiffel lebe / so neme er Gott zu hilff / vnd sa
he diese reyse an / Ich hab im hierin kundtschafft genug ge
lassen / der spur folge er nach / Dem Gott hilfft / ist die welt
nicht zugeschlossen.

Dem Allmechtigen Gott / der alles in allem ist /
sei lob / ehr vnd preiß von ewigkeyt zu
ewigkeyt Amen.

Errata.

In B iij. facie prima / linea 15. steht gollicht / sol heysen
cyn vnschlicht liecht.

Item / Es seind fünff formen / welche vertert sein
vnd versehen durch das formen reissen.

Zu Marburg im Kleeblatt / bei
Andres Kolben / vff Fastnacht. 1557.

